

॥ नमो तस्स भगवतो अरहतो सम्मासम्बुद्धस्स ॥

# अभिधम्मपिटके पुग्गलपञ्जत्तिपाळि

## मातिका

### १. एककउद्देशो

१. छ पञ्जत्तियो — खन्धपञ्जत्ति, आयतनपञ्जत्ति, धातुपञ्जत्ति, सच्चपञ्जत्ति, इन्द्रियपञ्जत्ति, पुग्गलपञ्जत्तीति ।

२. कित्तावता खन्धानं खन्धपञ्जत्ति? यावता पञ्चखन्धा — रूपखन्धो, वेदनाखन्धो, सञ्जाखन्धो, सङ्खारखन्धो, विज्जाणखन्धो; एत्तावता खन्धानं खन्धपञ्जत्ति ।

३. कित्तावता आयतनानं आयतनपञ्जत्ति? यावता द्वादसायतनानि — चक्खायतनं, रूपायतनं, सोतायतनं, सद्दायतनं, घानायतनं, गन्धायतनं, जिह्वायतनं, रसायतनं, कायायतनं, फोट्टब्बायतनं, मनायतनं, धम्मायतनं; एत्तावता आयतनानं आयतनपञ्जत्ति ।

४. कित्तावता धातूनं धातुपञ्जत्ति? यावता अट्ठारस धातुयो — चक्खुधातु, रूपधातु, चक्खुविज्जाणधातु, सोतधातु, सद्दधातु, सोतविज्जाणधातु, घानधातु, गन्धधातु, घानविज्जाणधातु, जिह्वाधातु, रसधातु, जिह्वाविज्जाणधातु, कायधातु, फोट्टब्बधातु, कायविज्जाणधातु, मनोधातु, धम्मधातु, मनोविज्जाणधातु; एत्तावता धातूनं धातुपञ्जत्ति ।

५. कित्तावता सच्चानं सच्चपञ्जत्ति? यावता चत्तारि सच्चानि — दुक्खसच्चं, समुदयसच्चं, निरोधसच्चं, मग्गसच्चं; एत्तावता सच्चानं सच्चपञ्जत्ति ।

६. कित्तावता इन्द्रियानं इन्द्रियपञ्जत्ति? यावता बावीसतिन्द्रियानि — चक्खुन्द्रियं, सोतिन्द्रियं, घानिन्द्रियं, जिह्विन्द्रियं, कायिन्द्रियं, मनिन्द्रियं, इत्थिन्द्रियं, पुरिसिन्द्रियं, जीवितिन्द्रियं, सुखिन्द्रियं, दुक्खिन्द्रियं, सोमनस्सिन्द्रियं, दोमनस्सिन्द्रियं, उपेक्खिन्द्रियं, सद्धिन्द्रियं, वीरियिन्द्रियं, सतिन्द्रियं, समाधिन्द्रियं, पज्जिन्द्रियं, अनज्जातज्जस्सामीतिन्द्रियं, यं, अज्जाताविन्द्रियं; एत्तावता इन्द्रियानं इन्द्रियपञ्जत्ति ।

### ७. कित्तावता पुग्गलानं पुग्गलपञ्जत्ति?

(१) समयविमुत्तो

(२) असमयविमुत्तो

- (३) कुण्णधम्मो
- (४) अकुण्णधम्मो
- (५) परिहानधम्मो
- (६) अपरिहानधम्मो
- (७) चेतनाभब्बो
- (८) अनुरक्खणाभब्बो
- (९) पुथुज्जनो
- (१०) गोत्रभू
- (११) भयूपरतो
- (१२) अभयूपरतो
- (१३) भब्बागमनो
- (१४) अभब्बागमनो
- (१५) नियतो
- (१६) अनियतो
- (१७) पटिपन्नको
- (१८) फलेठितो
- (१९) समसीसी
- (२०) ठितकप्पी
- (२१) अरियो
- (२२) अनरियो
- (२३) सेक्खो

- (२४) असेखो
- (२५) नेवसेखनासेखो
- (२६) तेविज्जो
- (२७) छळभिज्जो
- (२८) सम्मासम्बुद्धो
- (२९) पच्चेकसम्बुद्धो [पच्चेकबुद्धो (सी०)]
- (३०) उभतोभागविमुत्तो
- (३१) पज्जाविमुत्तो
- (३२) कायसखी
- (३३) दिट्ठिप्पत्तो
- (३४) सद्धाविमुत्तो
- (३५) धम्मानुसारी
- (३६) सद्धानुसारी
- (३७) सत्तखत्तुपरमो
- (३८) कोलङ्कलो
- (३९) एकबीजी
- (४०) सकदागामी
- (४१) अनागामी
- (४२) अन्तरापरिनिब्बायी
- (४३) उपहच्चपरिनिब्बायी
- (४४) असङ्खारपरिनिब्बायी

- (४५) ससङ्खारपरिनिब्बायी
- (४६) उद्धंसोतोअकनिट्ठगामी
- (४७) सोतापन्नो
- (४८) सोतापत्तिफलसच्छिकिरियाय पटिपन्नो
- (४९) सकदागामी
- (५०) सकदागामिफलसच्छिकिरियाय पटिपन्नो
- (५१) अनागामी
- (५२) अनागामिफलसच्छिकिरियाय पटिपन्नो
- (५३) अरहा
- (५४) अरहत्तफलसच्छिकिरियाय [अरहत्ताय (सी०)] पटिपन्नो

एककं ।

## २. दुक्कउद्देसो

### ८. द्वे पुग्गला —

- (१) कोधनो च, उपनाही च ।
- (२) मक्खी च, पळासी [पलासी (स्या० क०)] च ।
- (३) इस्सुकी च, मच्छरी च ।
- (४) सठो च, मायावी च ।
- (५) अहिरिको च, अनोत्तप्पी च ।
- (६) दुब्बचो च, पापमित्तो च ।
- (७) इन्द्रियेसु अगुत्तद्वारो च, भोजने अमत्तञ्जू च ।
- (८) मुट्ठस्सति च, असम्पजानो च ।

- (९) सीलविपन्नो च, दिट्ठिविपन्नो च ।  
 (१०) अज्झत्तसंयोजनो च, बहिद्वासंयोजनो च ।  
 (११) अक्कोधनो च, अनुपनाही च ।  
 (१२) अमक्खी च, अपळासी च ।  
 (१३) अनिस्सुकी च, अमच्छरी च ।  
 (१४) असठो च, अमायावी च ।  
 (१५) हिरिमा च, ओत्तप्पी च ।  
 (१६) सुवचो च, कल्याणमित्तो च ।  
 (१७) इन्द्रियेसु गुत्तद्वारो च, भोजने मत्तञ्जू च ।  
 (१८) उपट्ठितस्सति च, सम्पजानो च ।  
 (१९) सीलसम्पन्नो च, दिट्ठिसम्पन्नो च ।  
 (२०) द्वे पुग्गला दुल्लभा लोकस्मिं ।  
 (२१) द्वे पुग्गला दुत्तप्पया ।  
 (२२) द्वे पुग्गला सुतप्पया ।  
 (२३) द्विन्नं पुग्गलानं आसवा वड्ढन्ति ।  
 (२४) द्विन्नं पुग्गलानं आसवा न वड्ढन्ति ।  
 (२५) हीनाधिमुत्तो च, पणीताधिमुत्तो च ।  
 (२६) तित्तो च, तप्पेता च ।

दुकं ।

### ३. तिकउद्देसो

#### ९. तयो पुग्गला —

(१) निरासो, आसंसो, विगतासो ।

(२) तयो गिलानूपमा पुग्गला ।

(३) कायसक्खी, दिट्ठिप्पत्तो, सद्धाविमुत्तो ।

(४) गूथभाणी, पुप्फभाणी, मधुभाणी ।

(५) अरुकूपमचित्तो पुग्गलो, विज्जूपमचित्तो पुग्गलो, वजिरूपमचित्तो पुग्गलो ।

(६) अन्धो, एकचक्खु, द्विचक्खु ।

(७) अवकुज्जपज्जो पुग्गलो, उच्छङ्गपज्जो [उच्चङ्गुपज्जो (स्या०)] पुग्गलो, पुथुपज्जो पुग्गलो ।

(८) अत्थेकच्चो पुग्गलो कामेसु च भवेसु च अवीतरागो, अत्थेकच्चो पुग्गलो कामेसु वीतरागो भवेसु अवीतरागो, अत्थेकच्चो पुग्गलो कामेसु च भवेसु च वीतरागो ।

(९) पासाणलेखूपमो पुग्गलो, पथविलेखूपमो पुग्गलो, उदकलेखूपमो पुग्गलो ।

(१०) तयो पोत्थकूपमा पुग्गला ।

(११) तयो कासिकवत्थूपमा पुग्गला ।

(१२) सुप्पमेय्यो, दुप्पमेय्यो, अप्पमेय्यो ।

(१३) अत्थेकच्चो पुग्गलो न सेवितब्बो न भजितब्बो न पयिरुपासितब्बो, अत्थेकच्चो पुग्गलो सेवितब्बो भजितब्बो पयिरुपासितब्बो, अत्थेकच्चो पुग्गलो सक्कत्वा गरं कत्वा [गरुकत्वा (सी०)] सेवितब्बो भजितब्बो पयिरुपासितब्बो ।

(१४) अत्थेकच्चो पुग्गलो जिगुच्छितब्बो न सेवितब्बो न भजितब्बो न पयिरुपासितब्बो, अत्थेकच्चो पुग्गलो अज्झुपेक्खितब्बो न सेवितब्बो न भजितब्बो न पयिरुपासितब्बो; अत्थेकच्चो पुग्गलो सेवितब्बो भजितब्बो पयिरुपासितब्बो ।

(१५) अत्थेकच्चो पुग्गलो सीलेसु परिपूरकारी [परिपूरीकारी (स्या०)], समाधिस्मिं मत्तसो कारी, पज्जाय मत्तसो कारी; अत्थेकच्चो पुग्गलो सीलेसु च परिपूरकारी, समाधिस्मिञ्च परिपूरकारी, पज्जाय मत्तसो कारी; अत्थेकच्चो पुग्गलो सीलेसु च परिपूरकारी, समाधिस्मिञ्च परिपूरकारी, पज्जाय च परिपूरकारी ।

(१६) तयो सत्थारो ।

(१७) अपरेपि तयो सत्थारो ।

तिकं ।

#### ४. चतुक्कउद्देसो

##### १०. चत्तारो पुग्गला —

(१) असप्पुरिसो, असप्पुरिसेन असप्पुरिसतरो, सप्पुरिसो, सप्पुरिसेन सप्पुरिसतरो ।

(२) पापो, पापेन पापतरो, कल्याणो, कल्याणेन कल्याणतरो ।

(३) पापधम्मो, पापधम्मेन पापधम्मतरो, कल्याणधम्मो, कल्याणधम्मेन कल्याणधम्मतरो ।

(४) सावज्जो, वज्जबहुलो, अप्पवज्जो [अप्पसावज्जो (स्या० क०) अ० नि० ४.१३५], अनवज्जो ।

(५) उग्घटितज्जू, विपज्चितज्जू [विपचितज्जू (सी०) अ० नि० ४.१३३], नेय्यो, पदपरमो ।

(६) युत्तप्पटिभानो, नो मुत्तप्पटिभानो, मुत्तप्पटिभानो, नो युत्तप्पटिभानो, युत्तप्पटिभानो च मुत्तप्पटिभानो च, नेव युत्तप्पटिभानो नो मुत्तप्पटिभानो ।

(७) चत्तारो धम्मकथिका पुग्गला ।

(८) चत्तारो वलाहकूपमा पुग्गला ।

(९) चत्तारो मूसिकूपमा पुग्गला ।

(१०) चत्तारो अम्बूपमा पुग्गला ।

(११) चत्तारो कुम्भूपमा पुग्गला ।

(१२) चत्तारो उदकरहदूपमा पुग्गला ।

(१३) चत्तारो बलीबद्दूपमा [बलिबद्दूपमा (सी०)] पुग्गला ।

(१४) चत्तारो आसीविसूपमा पुग्गला ।

(१५) अत्थेकच्चो पुग्गलो अननुविच्च अपरियोगाहेत्वा अवण्णारहस्स वण्णं भासिता होति, अत्थेकच्चो पुग्गलो अननुविच्च अपरियोगाहेत्वा वण्णारहस्स अवण्णं भासिता होति, अत्थेकच्चो पुग्गलो अननुविच्च अपरियोगाहेत्वा अप्पसादनीये ठाने पसादं उपदंसिता होति, अत्थेकच्चो पुग्गलो अननुविच्च अपरियोगाहेत्वा पसादनीये ठाने अप्पसादं उपदंसिता होति ।

(१६) अत्येकच्चो पुग्गलो अनुविच्च परियोगाहेत्वा अवण्णारहस्स अवण्णं भासिता होति, अत्येकच्चो पुग्गलो अनुविच्च परियोगाहेत्वा वण्णारहस्स वण्णं भासिता होति, अत्येकच्चो पुग्गलो अनुविच्च परियोगाहेत्वा अप्पसादनीये ठाने अप्पसादं उपदंसिता होति, अत्येकच्चो पुग्गलो अनुविच्च परियोगाहेत्वा पसादनीये ठाने पसादं उपदंसिता होति ।

(१७) अत्येकच्चो पुग्गलो अवण्णारहस्स अवण्णं भासिता होति भूतं तच्छं कालेन, नो च खो वण्णारहस्स वण्णं भासिता होति भूतं तच्छं कालेन; अत्येकच्चो पुग्गलो वण्णारहस्स वण्णं भासिता होति भूतं तच्छं कालेन, नो च खो अवण्णारहस्स अवण्णं भासिता होति भूतं तच्छं कालेन; अत्येकच्चो पुग्गलो अवण्णारहस्स च अवण्णं भासिता होति भूतं तच्छं कालेन; वण्णारहस्स च वण्णं भासिता होति भूतं तच्छं कालेन, अत्येकच्चो पुग्गलो नेव अवण्णारहस्स अवण्णं भासिता होति भूतं तच्छं कालेन, नो च वण्णारहस्स वण्णं भासिता होति भूतं तच्छं कालेन ।

(१८) उट्ठानफलूपजीवी नो पुज्जफलूपजीवी, पुज्जफलूपजीवी नो उट्ठानफलूपजीवी, उट्ठानफलूपजीवी च पुज्जफलूपजीवी च, नेव उट्ठानफलूपजीवी नो पुज्जफलूपजीवी ।

(१९) तमो तमपरायनो, तमो जोतिपरायनो, जोति तमपरायनो, जोति जोतिपरायनो ।

(२०) ओणतोणतो, ओणतुण्णतो, उण्णतोणतो, उण्णतुण्णतो ।

(२१) चत्तारो रुक्खूपमा पुग्गला ।

(२२) रूपप्पमाणो, रूपप्पसन्नो, घोसप्पमाणो, घोसप्पसन्नो ॥

(२३) लूखप्पमाणो, लूखप्पसन्नो, धम्मप्पमाणो, धम्मप्पसन्नो ।

(२४) अत्येकच्चो पुग्गलो अत्तहिताय पटिपन्नो होति, नो परहिताय; अत्येकच्चो पुग्गलो परहिताय पटिपन्नो होति, नो अत्तहिताय; अत्येकच्चो पुग्गलो अत्तहिताय चेव पटिपन्नो होति परहिताय च; अत्येकच्चो पुग्गलो नेव अत्तहिताय पटिपन्नो होति नो परहिताय ।

(२५) अत्येकच्चो पुग्गलो अत्तन्तपो होति अत्तपरितापनानुयोगमनुयुत्तो; अत्येकच्चो पुग्गलो परन्तपो होति परपरितापनानुयोगमनुयुत्तो; अत्येकच्चो पुग्गलो अत्तन्तपो च होति अत्तपरितापनानुयोगमनुयुत्तो, परन्तपो च परपरितापनानुयोगमनुयुत्तो; अत्येकच्चो पुग्गलो नेव अत्तन्तपो होति न अत्तपरितापनानुयोगमनुयुत्तो, न परन्तपो न परपरितापनानुयोगमनुयुत्तो । सो अनत्तन्तपो अपरन्तपो दिट्ठेव धम्मे निच्छातो निब्बुतो सीतीभूतो [सीतिभूतो (सी० क०)] सुखप्पटिसंवेदी ब्रह्मभूतेन अत्तना विहरति ।

(२६) सरागो, सदोसो, समोहो, समानो ।

(२७) अत्येकच्चो पुग्गलो लाभी होति अज्झत्तं चेतोसमथस्स, न लाभी अधिपज्जाधम्मविपस्सनाय; अत्येकच्चो पुग्गलो लाभी होति अधिपज्जाधम्मविपस्सनाय, न लाभी अज्झत्तं चेतोसमथस्स; अत्येकच्चो पुग्गलो लाभी चेव होति अज्झत्तं चेतोसमथस्स, लाभी च अधिपज्जाधम्मविपस्सनाय; अत्येकच्चो पुग्गलो नेव लाभी होति अज्झत्तं चेतोसमथस्स,



न लाभी अधिपज्जाधम्मविपस्सनाय ।

(२८) अनुसोतगामी पुग्गलो, पटिसोतगामी पुग्गलो, ठित्तो पुग्गलो, तिण्णो पारङ्गतो [पारगतो (सी० स्या०)] थले तिद्धति ब्राह्मणो ।

(२९) अप्पस्सुतो सुतेन अनुपपन्नो, अप्पस्सुतो सुतेन उपपन्नो, बहुस्सुतो सुतेन अनुपपन्नो, बहुस्सुतो सुतेन उपपन्नो ।

(३०) समणमचलो, समणपदुमो, समणपुण्डरीको, समणेषु समणसुखुमालो ।

चतुक्कं ।

## ५. पञ्चकउद्देशो

### ११. पञ्च पुग्गला —

(१) अत्थेकच्चो पुग्गलो आरभति [आरम्भति (सी० स्या०)] च विप्पटिसारी च होति, तज्ज चेतोविमुत्तिं पज्जाविमुत्तिं यथाभूतं नप्पजानाति, यत्थस्स ते उप्पन्ना पापका अकुसला धम्मा अपरिसेसा निरुज्झन्ति । अत्थेकच्चो पुग्गलो आरभति न विप्पटिसारी च होति, तज्ज चेतोविमुत्तिं पज्जाविमुत्तिं यथाभूतं नप्पजानाति, यत्थस्स ते उप्पन्ना पापका अकुसला धम्मा अपरिसेसा निरुज्झन्ति । अत्थेकच्चो पुग्गलो नारभति विप्पटिसारी च होति, तज्ज चेतोविमुत्तिं पज्जाविमुत्तिं यथाभूतं नप्पजानाति, यत्थस्स ते उप्पन्ना पापका अकुसला धम्मा अपरिसेसा निरुज्झन्ति । अत्थेकच्चो पुग्गलो नारभति न विप्पटिसारी होति, तज्ज चेतोविमुत्तिं पज्जाविमुत्तिं यथाभूतं नप्पजानाति, यत्थस्स ते उप्पन्ना पापका अकुसला धम्मा अपरिसेसा निरुज्झन्ति । अत्थेकच्चो पुग्गलो नारभति न विप्पटिसारी होति, तज्ज चेतोविमुत्तिं पज्जाविमुत्तिं यथाभूतं पजानाति, यत्थस्स ते उप्पन्ना पापका अकुसला धम्मा अपरिसेसा निरुज्झन्ति ।

(२) दत्त्वा अवजानाति, संवासेन अवजानाति, आधेय्यमुखो होति, लोलो होति, मन्दो मोमूहो होति ।

(३) पञ्च योधाजीवूपमा पुग्गला ।

(४) पञ्च पिण्डपातिका ।

(५) पञ्च खलुपच्छाभत्तिका ।

(६) पञ्च एकासनिका ।

(७) पञ्च पंसुकूलिका ।

(८) पञ्च तेचीवरिका ।

(९) पञ्च आरज्जिका ।

(१०) पञ्च रुक्खमूलिका ।

(११) पञ्च अब्भोकासिका ।

(१२) पञ्च नेसज्जिका ।

(१३) पञ्च यथासन्थतिका ।

(१४) पञ्च सोसानिका ।

पञ्चकं ।

## ६. छक्कउद्देसो

### १२. छ पुग्गला —

(१) अत्थेकच्चो पुग्गलो पुब्बे अननुस्सुतेसु धम्मेषु सामं सच्चानि अभिसम्बुज्झति, तत्थ च सब्बज्जुतं पापुणाति बलेसु [फलेसु (पी०)] च वसीभावं । अत्थेकच्चो पुग्गलो पुब्बे अननुस्सुतेसु धम्मेषु सामं सच्चानि अभिसम्बुज्झति, न च तत्थ सब्बज्जुतं पापुणाति न च बलेसु वसीभावं । अत्थेकच्चो पुग्गलो पुब्बे अननुस्सुतेसु धम्मेषु सामं सच्चानि अनभिसम्बुज्झति, दिट्ठे चेव धम्मे दुक्खस्सन्तकरो होति सावकपारमिञ्च पापुणाति । अत्थेकच्चो पुग्गलो पुब्बे अननुस्सुतेसु धम्मेषु सामं सच्चानि अनभिसम्बुज्झति, दिट्ठेव धम्मे दुक्खस्सन्तकरो होति, न च सावकपारमिं पापुणाति । अत्थेकच्चो पुग्गलो पुब्बे अननुस्सुतेसु धम्मेषु सामं सच्चानि अनभिसम्बुज्झति, न च दिट्ठेव धम्मे दुक्खस्सन्तकरो होति, अनागामी होति अनागन्ता [अनागन्त्वा (स्या० क०) अ० नि० ४.१७१] इत्थत्तं । अत्थेकच्चो पुग्गलो पुब्बे अननुस्सुतेसु धम्मेषु सामं सच्चानि अनभिसम्बुज्झति, न च दिट्ठेव धम्मे दुक्खस्सन्तकरो होति, आगामी [सोतापन्नसकदागामी (स्या० क०)] होति आगन्ता इत्थत्तं ।

छक्कं ।

## ७. सत्तकउद्देसो

### १३. सत्त पुग्गला —

(१) सत्त उदकूपमा पुग्गला । सकिं निमुग्गो निमुग्गोव होति, उम्मुज्जित्वा निमुज्जति, उम्मुज्जित्वा ठितो होति, उम्मुज्जित्वा विपस्सति विलोकेति, उम्मुज्जित्वा पतरति, उम्मुज्जित्वा पटिगाधप्पत्तो होति, उम्मुज्जित्वा तिण्णो होति पारङ्गतो थले तिट्ठति ब्राह्मणो ।

(२) उभतोभागविमुत्तो, पज्जाविमुत्तो, कायसक्खी, दिट्ठिप्पत्तो, सद्भावविमुत्तो, धम्मानुसारी, सद्धानुसारी ।

सत्तकं ।

## ८. अट्टकउद्देशो

### १४. अट्ट पुग्गला —

(१) चत्तारो मग्गसमङ्गिनो, चत्तारो फलसमङ्गिनो पुग्गला ।

अट्टकं ।

## ९. नवकउद्देशो

### १५. नव पुग्गला —

(१) सम्मासम्बुद्धो, पच्चेकसम्बुद्धो, उभतोभागविमुत्तो, पञ्जाविमुत्तो, कायसक्खी, दिट्ठिप्पत्तो, सद्भाविमुत्तो, धम्मनुसारी, सद्धानुसारी ।

नवकं ।

## १०. दसकउद्देशो

### १६. दस पुग्गला —

(१) पञ्चन्नं इध निट्ठा, पञ्चन्नं इध विहाय निट्ठा ।

दसकं ।

पुग्गलपञ्जत्तिमातिका निट्ठिता ।

## निद्देशो

### १. एककपुग्गलपञ्जत्ति

१. कतमो च पुग्गलो समयविमुत्तो? इधेकच्चो पुग्गलो कालेन कालं समयेन समयं अट्ट विमोक्खे कायेन फुसित्वा [फस्सित्वा (सी० पी०)] विहरति, पञ्जाय चस्स दिस्वा एकच्चे आसवा परिक्खीणा होन्ति — अयं वुच्चति पुग्गलो “समयविमुत्तो” ।

२. कतमो च पुग्गलो असमयविमुत्तो? इधेकच्चो पुग्गलो न हेव खो कालेन कालं समयेन समयं अट्ट विमोक्खे कायेन फुसित्वा विहरति, पञ्जाय चस्स दिस्वा आसवा परिक्खीणा होन्ति — अयं वुच्चति पुग्गलो “असमयविमुत्तो” । सब्बेपि अरियपुग्गला अरिये विमोक्खे असमयविमुत्ता ।

३. कतमो च पुग्गलो कुप्पधम्मो? इधेकच्चो पुग्गलो लाभी होति रूपसहगतानं वा अरूपसहगतानं वा समापत्तीनं । सो च खो न निकामलाभी होति न अकिच्छलाभी न अकसिरलाभी; न यत्थिच्छकं यदिच्छकं यावतिच्छकं समापज्जतिपि वुट्ठातिपि । ठानं खो पनेतं विज्जति, यं तस्स पुग्गलस्स पमादमागम्म ता समापत्तियो कुप्पेय्युं — अयं वुच्चति पुग्गलो “कुप्पधम्मो” ।

४. कतमो च पुग्गलो अकुप्पधम्मो? इधेकच्चो पुग्गलो लाभी होति रूपसहगतानं वा अरूपसहगतानं वा समापत्तीनं । सो च खो निकामलाभी होति अकिच्छलाभी अकसिरलाभी; यत्थिच्छकं यदिच्छकं यावतिच्छकं समापज्जतिपि वुट्ठातिपि । अट्टानमेतं अनवकासो यं तस्स पुग्गलस्स पमादमागम्म ता समापत्तियो कुप्पेय्युं — अयं वुच्चति पुग्गलो “अकुप्पधम्मो” । सब्बेपि अरियपुग्गला अरिये विमोक्खे अकुप्पधम्मा ।

५. कतमो च पुग्गलो परिहानधम्मो? इधेकच्चो पुग्गलो लाभी होति रूपसहगतानं वा अरूपसहगतानं वा समापत्तीनं । सो च खो न निकामलाभी होति न अकिच्छलाभी न अकसिरलाभी; न यत्थिच्छकं यदिच्छकं यावतिच्छकं समापज्जतिपि वुट्ठातिपि । ठानं खो पनेतं विज्जति, यं सो पुग्गलो पमादमागम्म ताहि समापत्तीहि परिहायेय्य — अयं वुच्चति पुग्गलो “परिहानधम्मो” ।

६. कतमो च पुग्गलो अपरिहानधम्मो? इधेकच्चो पुग्गलो लाभी होति रूपसहगतानं वा अरूपसहगतानं वा समापत्तीनं । सो च खो निकामलाभी होति अकिच्छलाभी अकसिरलाभी; यत्थिच्छकं यदिच्छकं यावतिच्छकं समापज्जतिपि वुट्ठातिपि । अट्टानमेतं अनवकासो यं सो पुग्गलो पमादमागम्म ताहि समापत्तीहि परिहायेय्य — अयं वुच्चति पुग्गलो “अपरिहानधम्मो” । सब्बेपि अरियपुग्गला अरिये विमोक्खे अपरिहानधम्मा ।

७. कतमो च पुग्गलो चेतनाभब्बो? इधेकच्चो पुग्गलो लाभी होति रूपसहगतानं वा अरूपसहगतानं वा समापत्तीनं । सो च खो न निकामलाभी होति न अकिच्छलाभी न अकसिरलाभी; न यत्थिच्छकं यदिच्छकं यावतिच्छकं समापज्जतिपि वुट्ठातिपि । सचे अनुसज्जेतेति, न परिहायति ताहि समापत्तीहि । सचे न अनुसज्जेतेति, परिहायति ताहि समापत्तीहि — अयं वुच्चति पुग्गलो “चेतनाभब्बो” ।

८. कतमो च पुग्गलो अनुरक्खणाभब्बो? इधेकच्चो पुग्गलो लाभी होति रूपसहगतानं वा अरूपसहगतानं वा समापत्तीनं । सो च खो न निकामलाभी होति न अकिच्छलाभी न अकसिरलाभी; न यत्थिच्छकं यदिच्छकं यावतिच्छकं समापज्जतिपि वुट्ठातिपि । सचे अनुरक्खति, न परिहायति ताहि समापत्तीहि । सचे न अनुरक्खति, परिहायति ताहि समापत्तीहि — अयं वुच्चति पुग्गलो “अनुरक्खणाभब्बो” ।

९. कतमो च पुग्गलो पुथुज्जनो? यस्स पुग्गलस्स तीणि संयोजनानि अप्पहीनानि; न च तेसं धम्मानं पहानाय पटिपन्नो — अयं वुच्चति पुग्गलो “पुथुज्जनो” ।

१०. कतमो च पुग्गलो गोत्रभू? येसं धम्मानं समनन्तरा अरियधम्मस्स अवक्कन्ति होति तेहि धम्मेहि समन्नागतो — अयं वुच्चति पुग्गलो “गोत्रभू” ।

११. कतमो च पुग्गलो भयूपरतो? सत्त सेक्खा भयूपरता, ये च पुथुज्जना सीलवन्तो । अरहा अभयूपरतो ।

१२. कतमो च पुग्गलो अभब्बागमनो? ये ते पुग्गला कम्मावरणेन समन्नागता, किलेसावरणेन समन्नागता, विपाकावरणेन समन्नागता, अस्सद्वा अच्छन्दिका दुप्पज्जा एळा, अभब्बा नियामं ओक्कमितुं कुसलेसु धम्मेसु सम्मत्तं — इमे वुच्चन्ति पुग्गला “अभब्बागमना” ।

१३. कतमो च पुग्गलो भब्बागमनो? ये ते पुग्गला न कम्मावरणेन समन्नागता, न किलेसावरणेन समन्नागता, न विपाकावरणेन समन्नागता, सद्वा छन्दिका पज्जवन्तो [पज्जवन्ता (सी०)] अनेळा, भब्बा नियामं ओक्कमितुं कुसलेसु धम्मेसु सम्मत्तं — इमे वुच्चन्ति पुग्गला “भब्बागमना” ।

१४. कतमो च पुग्गलो नियतो? पज्च पुग्गला आनन्तरिका, ये च मिच्छादिट्ठिका नियता, अट्ठ च अरियपुग्गला नियता । अवसेसा पुग्गला अनियता ।

१५. कतमो च पुग्गलो पटिपन्नको? चत्तारो मग्गसमङ्गिनो पुग्गला पटिपन्नका, चत्तारो फलसमङ्गिनो पुग्गला फले ठिता ।

१६. कतमो च पुग्गलो समसीसी? यस्स पुग्गलस्स अपुब्बं अचरिमं आसवपरियादानञ्च होति जीवितपरियादानञ्च — अयं वुच्चति पुग्गलो “समसीसी” ।

१७. कतमो च पुग्गलो ठितकप्पी? अयञ्च पुग्गलो सोतापत्तिफलसच्छिकिरियाय पटिपन्नो अस्स, कप्पस्स च उड्डुह्नवेला अस्स, नेव ताव कप्पो उड्डुहेय्य यावायं पुग्गलो न सोतापत्तिफलं सच्छिकरोति । अयं वुच्चति पुग्गलो “ठितकप्पी” । सब्बेपि मग्गसमङ्गिनो पुग्गला ठितकप्पिनो ।

१८. कतमो च पुग्गलो अरियो? अट्ठ अरियपुग्गला अरिया । अवसेसा पुग्गला अनरिया ।

१९. कतमो च पुग्गलो सेक्खो? चत्तारो मग्गसमङ्गिनो तयो फलसमङ्गिनो पुग्गला “सेक्खा” । अरहा असेक्खो । अवसेसा पुग्गला नेवसेक्खनासेक्खा ।

२०. कतमो च पुग्गलो तेविज्जो? तीहि विज्जाहि समन्नागतो पुग्गलो “तेविज्जो” ।

२१. कतमो च पुग्गलो छळभिज्जो? छहि अभिज्जाहि समन्नागतो पुग्गलो “छळभिज्जो” ।

२२. कतमो च पुग्गलो सम्मासम्बुद्धो? इधेकच्चो पुग्गलो पुब्बे अननुस्सुतेसु धम्मेसु सामं सच्चानि अभिसम्बुज्झति; तत्थ च सब्बञ्जुतं पापुणाति, बलेसु च वसीभावं — अयं वुच्चति पुग्गलो “सम्मासम्बुद्धो” ।

२३. कतमो च पुग्गलो पच्चेकसम्बुद्धो? इधेकच्चो पुग्गलो पुब्बे अननुस्सुतेसु धम्मेसु सामं सच्चानि अभिसम्बुज्झति; न च तत्थ सब्बञ्जुतं पापुणाति, न च बलेसु वसीभावं — अयं वुच्चति पुग्गलो “पच्चेकसम्बुद्धो” ।

२४. कतमो च पुग्गलो उभतोभागविमुत्तो? इधेकच्चो पुग्गलो अट्ठ विमोक्खे कायेन फुसित्वा विहरति; पज्जाय चस्स दिस्वा आसवा परिकखीणा होन्ति — अयं वुच्चति पुग्गलो “उभतोभागविमुत्तो” ।

२५. कतमो च पुग्गलो पज्जाविमुत्तो? इधेकच्चो पुग्गलो न हेव खो अट्ठ विमोक्खे कायेन फुसित्वा विहरति; पज्जाय चस्स दिस्वा आसवा परिकखीणा होन्ति । अयं वुच्चति पुग्गलो “पज्जाविमुत्तो” ।

२६. कतमो च पुग्गलो कायसक्खी? इधेकच्चो पुग्गलो अट्ठ विमोक्खे कायेन फुसित्वा विहरति; पज्जाय चस्स दिस्वा एकच्चे आसवा परिकखीणा होन्ति । अयं वुच्चति पुग्गलो “कायसक्खी” ।

२७. कतमो च पुग्गलो दिट्ठिप्पत्तो? इधेकच्चो पुग्गलो “इदं दुक्ख”न्ति यथाभूतं पजानाति, “अयं दुक्खसमुदयो”ति यथाभूतं पजानाति, “अयं दुक्खनिरोधो”ति यथाभूतं पजानाति, “अयं दुक्खनिरोधगामिनी पटिपदा”ति यथाभूतं पजानाति । तथागतप्पवेदिता चस्स धम्मा पज्जाय वोदिट्ठा होन्ति वोचरिता । पज्जाय चस्स दिस्वा एकच्चे आसवा परिकखीणा होन्ति — अयं वुच्चति पुग्गलो “दिट्ठिप्पत्तो” ।

२८. कतमो च पुग्गलो सद्भाविमुत्तो? इधेकच्चो पुग्गलो “इदं दुक्ख”न्ति यथाभूतं पजानाति, “अयं दुक्खसमुदयो”ति यथाभूतं पजानाति, “अयं दुक्खनिरोधो”ति यथाभूतं पजानाति, “अयं दुक्खनिरोधगामिनी पटिपदा”ति यथाभूतं पजानाति । तथागतप्पवेदिता चस्स धम्मा पज्जाय वोदिट्ठा होन्ति वोचरिता । पज्जाय चस्स दिस्वा एकच्चे आसवा परिकखीणा होन्ति, नो च खो यथा दिट्ठिप्पत्तस्स — अयं वुच्चति पुग्गलो “सद्भाविमुत्तो” ।

२९. कतमो च पुग्गलो धम्मानुसारी? यस्स पुग्गलस्स सोतापत्तिफलसच्छिकिरियाय पटिपन्नस्स पज्जिन्द्रियं अधिमत्तं होति, पज्जावाहिं पज्जापुब्बङ्गमं अरियमगं भावेति — अयं वुच्चति पुग्गलो “धम्मानुसारी” । सोतापत्तिफलसच्छिकिरियाय पटिपन्नो पुग्गलो धम्मानुसारी फले ठितो दिट्ठिप्पत्तो ।

३०. कतमो च पुग्गलो सद्धानुसारी? यस्स पुग्गलस्स सोतापत्तिफलसच्छिकिरियाय पटिपन्नस्स सद्भिन्द्रियं अधिमत्तं होति, सद्भावाहिं सद्भापुब्बङ्गमं अरियमगं भावेति — अयं वुच्चति पुग्गलो “सद्धानुसारी” । सोतापत्तिफलसच्छिकिरियाय पटिपन्नो पुग्गलो सद्धानुसारी फले ठितो सद्भाविमुत्तो ।

३१. कतमो च पुग्गलो सत्तक्खत्तुपरमो? इधेकच्चो पुग्गलो तिण्णं संयोजनानं परिकखया सोतापन्नो होति अविनिपातधम्मो नियतो सम्बोधिपरायनो [सम्बोधिपरायणो (सी० क०)] । सो सत्तक्खत्तुं देवे च मानुसे च सन्धावित्वा संसरित्वा दुक्खस्सन्तं करोति — अयं वुच्चति पुग्गलो “सत्तक्खत्तुपरमो” ।

३२. कतमो च पुग्गलो कोलङ्कोलो? इधेकच्चो पुग्गलो तिण्णं संयोजनानं परिकखया सोतापन्नो होति अविनिपातधम्मो नियतो सम्बोधिपरायनो । सो द्वे वा तीणि वा कुलानि सन्धावित्वा संसरित्वा दुक्खस्सन्तं करोति — अयं वुच्चति पुग्गलो “कोलङ्कोलो” ।

३३. कतमो च पुग्गलो एकबीजी? इधेकच्चो पुग्गलो तिण्णं संयोजनानं परिकखया सोतापन्नो होति अविनिपातधम्मो नियतो सम्बोधिपरायनो । सो एकंयेव मानुसकं भवं निब्बत्तेत्वा दुक्खस्सन्तं करोति — अयं वुच्चति पुग्गलो “एकबीजी” ।

३४. कतमो च पुग्गलो सकदागामी? इधेकच्चो पुग्गलो तिण्णं संयोजनानं परिकखया रागदोसमोहानं तनुत्ता सकदागामी होति, सकिदेव इमं लोकं आगन्त्वा दुक्खस्सन्तं करोति — अयं वुच्चति पुग्गलो “सकदागामी” ।

३५. कतमो च पुग्गलो अनागामी? इधेकच्चो पुग्गलो पञ्चन्नं ओरम्भागियानं संयोजनानं परिक्खया ओपपातिको होति, तत्थ परिनिब्बायी अनावत्तिधम्मो तस्मा लोका — अयं वुच्चति पुग्गलो “अनागामी” ।

३६. कतमो च पुग्गलो अन्तरापरिनिब्बायी? इधेकच्चो पुग्गलो पञ्चन्नं ओरम्भागियानं संयोजनानं परिक्खया ओपपातिको होति, तत्थ परिनिब्बायी अनावत्तिधम्मो तस्मा लोका । सो उपपन्नं वा समनन्तरा अप्पत्तं वा वेमज्झं आयुप्पमाणं अरियमग्गं सज्जनेति उपरिट्ठिमानं संयोजनानं पहानाय — अयं वुच्चति पुग्गलो “अन्तरापरिनिब्बायी” ।

३७. कतमो च पुग्गलो उपहच्चपरिनिब्बायी? इधेकच्चो पुग्गलो पञ्चन्नं ओरम्भागियानं संयोजनानं परिक्खया ओपपातिको होति, तत्थ परिनिब्बायी अनावत्तिधम्मो तस्मा लोका । सो अतिक्कमित्वा वेमज्झं आयुप्पमाणं उपहच्च वा कालकिरियं [कालं किरियं (क०)] अरियमग्गं सज्जनेति उपरिट्ठिमानं संयोजनानं पहानाय — अयं वुच्चति पुग्गलो “उपहच्चपरिनिब्बायी” ।

३८. कतमो च पुग्गलो असङ्खारपरिनिब्बायी? इधेकच्चो पुग्गलो पञ्चन्नं ओरम्भागियानं संयोजनानं परिक्खया ओपपातिको होति, तत्थ परिनिब्बायी अनावत्तिधम्मो तस्मा लोका । सो असङ्खारेण अरियमग्गं सज्जनेति उपरिट्ठिमानं संयोजनानं पहानाय — अयं वुच्चति पुग्गलो “असङ्खारपरिनिब्बायी” ।

३९. कतमो च पुग्गलो ससङ्खारपरिनिब्बायी? इधेकच्चो पुग्गलो पञ्चन्नं ओरम्भागियानं संयोजनानं परिक्खया ओपपातिको होति, तत्थ परिनिब्बायी अनावत्तिधम्मो तस्मा लोका । सो ससङ्खारेण अरियमग्गं सज्जनेति उपरिट्ठिमानं संयोजनानं पहानाय — अयं वुच्चति पुग्गलो “ससङ्खारपरिनिब्बायी” ।

४०. कतमो च पुग्गलो उद्धंसोतो अकनिट्ठगामी? इधेकच्चो पुग्गलो पञ्चन्नं ओरम्भागियानं संयोजनानं परिक्खया ओपपातिको होति, तत्थ परिनिब्बायी अनावत्तिधम्मो तस्मा लोका । सो अविहा चुतो अतप्पं गच्छति, अतप्पा चुतो सुदस्सं गच्छति, सुदस्सा चुतो सुदस्सिं गच्छति, सुदस्सिया चुतो अकनिट्ठं गच्छति; अकनिट्ठे अरियमग्गं सज्जनेति उपरिट्ठिमानं संयोजनानं पहानाय — अयं वुच्चति पुग्गलो “उद्धंसोतो अकनिट्ठगामी” ।

४१. कतमो च पुग्गलो सोतापन्नो सोतापत्तिफलसच्छिकिरियाय पटिपन्नो? तिण्णं संयोजनानं पहानाय पटिपन्नो पुग्गलो सोतापत्तिफलसच्छिकिरियाय पटिपन्नो । यस्स पुग्गलस्स तीणि संयोजनानि पहीनानि — अयं वुच्चति पुग्गलो “सोतापन्नो” ।

४२. कामरागव्यापादानं तनुभावाय पटिपन्नो पुग्गलो सकदागामिफलसच्छिकिरियाय पटिपन्नो । यस्स पुग्गलस्स कामरागव्यापादा तनुभूता — अयं वुच्चति पुग्गलो “सकदागामी” ।

४३. कामरागव्यापादानं अनवसेसपहानाय पटिपन्नो पुग्गलो अनागामिफलसच्छिकिरियाय पटिपन्नो । यस्स पुग्गलस्स कामरागव्यापादा अनवसेसा पहीना — अयं वुच्चति पुग्गलो “अनागामी” ।

४४. रूपरागअरूपरागमानउद्धच्चअविज्जाय अनवसेसपहानाय पटिपन्नो पुग्गलो अरहत्तफलसच्छिकिरियाय पटिपन्नो । यस्स पुग्गलस्स रूपरागो अरूपरागो मानो उद्धच्चं अविज्जा अनवसेसा पहीना — अयं वुच्चति पुग्गलो “अरहा” ।

एककनिद्देसो ।

## २. दुक्पुग्गलपज्जत्ति

४५. कतमो च पुग्गलो कोधनो? तत्थ कतमो कोधो? यो कोधो कुज्झना कुज्झितत्तं दोसो दुस्सना दुस्सितत्तं [दूसना दूसितत्तं (स्या०)] ब्यापत्ति ब्यापज्जना ब्यापज्जितत्तं विरोधो पटिविरोधो चण्डिकं असुरोपो अनत्तमनता चित्तस्स — अयं वुच्चति कोधो । यस्स पुग्गलस्स अयं कोधो अप्पहीनो — अयं वुच्चति पुग्गलो “कोधनो” ।

४६. कतमो च पुग्गलो उपनाही? तत्थ कतमो उपनाहो? पुब्बकालं कोधो अपरकालं उपनाहो । यो एवरूपो उपनाहो उपनहना उपनहितत्तं अट्ठपना [आठपना (क०) विभ० ८९१] ठपना सण्ठपना अनुसंसन्दना अनुप्पबन्धना दळ्हीकम्मं कोधस्स — अयं वुच्चति उपनाहो । यस्स पुग्गलस्स अयं उपनाहो अप्पहीनो — अयं वुच्चति पुग्गलो “उपनाही” ।

४७. कतमो च पुग्गलो मक्खी? तत्थ कतमो मक्खो? यो मक्खो मक्खायना मक्खायितत्तं [मक्खीयना मक्खीयितत्तं (सी०), मक्खियना मक्खियितत्तं (क०)] निट्ठुरियं निट्ठुरियकम्मं — अयं वुच्चति मक्खो । यस्स पुग्गलस्स अयं मक्खो अप्पहीनो — अयं वुच्चति पुग्गलो “मक्खी” ।

४८. कतमो च पुग्गलो पळासी? तत्थ कतमो पळासो? यो पळासो पळासायना पळासायितत्तं पळासाहारो विवादट्ठानं युग्गगाहो अप्पटिनिस्सग्गो — अयं वुच्चति पळासो । यस्स पुग्गलस्स अयं पळासो अप्पहीनो — अयं वुच्चति पुग्गलो “पळासी” ।

४९. कतमो च पुग्गलो इस्सुकी? तत्थ कतमा इस्सा? या परलाभसक्कारगरुकारमाननवन्दनपूजनासु इस्सा इस्सायना इस्सायितत्तं उसूया उसूयना [उस्सुया उस्सुयना (क०) विभ० ८९३] उसूयितत्तं — अयं वुच्चति इस्सा । यस्स पुग्गलस्स अयं इस्सा अप्पहीना — अयं वुच्चति पुग्गलो “इस्सुकी” ।

५०. कतमो च पुग्गलो मच्छरी? तत्थ कतमं मच्छरियं? पञ्च मच्छरियानि — आवासमच्छरियं, कुलमच्छरियं, लाभमच्छरियं, वण्णमच्छरियं, धम्ममच्छरियं । यं एवरूपं मच्छेरं मच्छरायना मच्छरायितत्तं वेविच्छं कदरियं कटुकञ्चुकता अगगहितत्तं चित्तस्स — इदं वुच्चति मच्छरियं । यस्स पुग्गलस्स इदं मच्छरियं अप्पहीनं — अयं वुच्चति पुग्गलो “मच्छरी” ।

५१. कतमो च पुग्गलो सठो? तत्थ कतमं साठेय्यं? इधेकच्चो सठो होति परिसठो । यं तत्थ सठं सठता साठेय्यं कक्करता कक्करियं [कक्खळता कक्खळियं (स्या०) एवं खुद्दकविभङ्गदुक्कनिद्देसेपि] परिक्वत्तत्ता पारिक्वत्तियं — इदं वुच्चति साठेय्यं । यस्स पुग्गलस्स इदं साठेय्यं अप्पहीनं — अयं वुच्चति पुग्गलो “सठो” ।

५२. कतमो च पुग्गलो मायावी? तत्थ कतमा माया? इधेकच्चो कायेन दुच्चरितं चरित्वा वाचाय दुच्चरितं चरित्वा मनसा दुच्चरितं चरित्वा तस्स पटिच्छादनहेतु पापिकं इच्छं पणिदहति — “मा मं जज्जा”ति इच्छति, “मा मं जज्जा”ति सङ्कप्पति “मा मं जज्जा”ति वाचं भासति, “मा मं जज्जा”ति कायेन परक्कमति । या एवरूपा माया मायाविता अच्चासरा वज्जना निकति विकिरणा परिहरणा गूहना परिगूहना छादना पटिच्छादना अनुत्तानीकम्मं अनाविकम्मं वोच्छादना पापकिरिया — अयं वुच्चति माया । यस्स पुग्गलस्स अयं माया अप्पहीना — अयं वुच्चति पुग्गलो “मायावी” ।



५३. कतमो च पुग्गलो अहिरिको? तत्थ कतमं अहिरिकं? यं न हिरीयति हिरियितब्बेन न हिरीयति पापकानं अकुसलानं धम्मानं समापत्तिया — इदं वुच्चति अहिरिकं । इमिना अहिरिकेन समन्नागतो पुग्गलो “अहिरिको” ।

५४. कतमो च पुग्गलो अनोत्तप्पी? तत्थ कतमं अनोत्तप्पं? यं न ओत्तप्पति ओत्तप्पितब्बेन न ओत्तप्पति पापकानं अकुसलानं धम्मानं समापत्तिया — इदं वुच्चति अनोत्तप्पं । इमिना अनोत्तप्पेन समन्नागतो पुग्गलो “अनोत्तप्पी” ।

५५. कतमो च पुग्गलो दुब्बचो? तत्थ कतमो दोवचस्सता? सहधम्मिके वुच्चमाने दोवचस्सायं दोवचस्सियं दोवचस्सता विष्पटिकुलगाहिता विपच्चनीकसातता अनादरियं अनादरियता अगारवता अप्पतिस्सवता — अयं वुच्चति दोवचस्सता । इमाय दोवचस्सताय समन्नागतो पुग्गलो “दुब्बचो” ।

५६. कतमो च पुग्गलो पापमित्तो? तत्थ कतमा पापमित्तता? ये ते पुग्गला अस्सद्वा दुस्सीला अप्पस्सुता मच्छरिनो दुप्पज्जा, या तेसं सेवना निसेवना संसेवना भजना सम्भजना भत्ति सम्भत्ति सम्पवङ्कता — अयं वुच्चति पापमित्तता । इमाय पापमित्तताय समन्नागतो पुग्गलो “पापमित्तो” ।

५७. कतमो च पुग्गलो इन्द्रियेसु अगुत्तद्वारो? तत्थ कतमा इन्द्रियेसु अगुत्तद्वारता? इधेकच्चो पुग्गलो चक्खुना रूपं दिस्वा निमित्तगाही होति अनुब्यञ्जनगाही; यत्वाधिकरणमेनं चक्खुन्द्रियं असंवृतं विहरन्तं अभिज्झादोमनस्सा पापका अकुसला धम्मा अन्वास्सवेय्यं, तस्स संवराय न पटिपज्जति, न रक्खति चक्खुन्द्रियं, चक्खुन्द्रिये न संवरं आपज्जति । सोतेन सदं सुत्वा...पे०... घानेन गन्धं घायित्वा...पे०... जिक्वाय रसं सायित्वा...पे०... कायेन फोडुब्बं फुसित्वा...पे०... मनसा धम्मं विज्जाय निमित्तगाही होति अनुब्यञ्जनगाही; यत्वाधिकरणमेनं मनिन्द्रियं असंवृतं विहरन्तं अभिज्झादोमनस्सा पापका अकुसला धम्मा अन्वास्सवेय्यं, तस्स संवराय न पटिपज्जति, न रक्खति मनिन्द्रियं, मनिन्द्रिये न संवरं आपज्जति । या इमेसं छन्नं इन्द्रियानं अगुत्ति अगोपना अनारक्खो असंवरो — अयं वुच्चति इन्द्रियेसु अगुत्तद्वारता । इमाय इन्द्रियेसु अगुत्तद्वारताय समन्नागतो पुग्गलो “इन्द्रियेसु अगुत्तद्वारो” ।

५८. कतमो च पुग्गलो भोजने अमत्तज्जू? तत्थ कतमा भोजने अमत्तज्जुता? इधेकच्चो पुग्गलो अप्पटिसङ्घा अयोनिस्सो आहारं आहारेति दवाय मदाय मण्डनाय विभूसनाय, या तत्थ असन्तुट्ठिता अमत्तज्जुता अप्पटिसङ्घा भोजने — अयं वुच्चति भोजने अमत्तज्जुता । इमाय भोजने अमत्तज्जुताय समन्नागतो पुग्गलो “भोजने अमत्तज्जू” ।

५९. कतमो च पुग्गलो मुट्ठस्सति? तत्थ कतमं मुट्ठस्सच्चं? या अस्सति अननुस्सति अप्पटिस्सति अस्सति अस्सरणता आधारणता पिलापनता सम्मुसनता — इदं वुच्चति मुट्ठस्सच्चं । इमिना मुट्ठस्सच्चेन समन्नागतो पुग्गलो “मुट्ठस्सति” ।

६०. कतमो च पुग्गलो असम्पजानो? तत्थ कतमं असम्पजज्जं? यं अज्जाणं अदस्सनं अनभिसमयो अननुबोधो असम्बोधो अप्पटिवेधो असङ्गाहणा अपरियोगाहणा [असंगाहना अपरियोगाहना (सी० स्या० क०)] असमपेक्खणा अपच्चवेक्खणा अपच्चक्खकम्मं दुम्मेज्झं बाल्यं असम्पजज्जं मोहो पमोहो सम्मोहो अविज्जा अविज्जोघो अविज्जायोगो अविज्जानुसयो अविज्जापरियुट्ठानं अविज्जालङ्गी मोहो अकुसलमूलं — इदं वुच्चति असम्पजज्जं । इमिना असम्पजज्जेन समन्नागतो पुग्गलो “असम्पजानो” ।

६१. कतमो च पुग्गलो सीलविपन्नो? तत्थ कतमा सीलविपत्ति? कायिको वीतिक्कमो वाचसिको वीतिक्कमो कायिकवाचसिको वीतिक्कमो — अयं वुच्चति सीलविपत्ति । सब्बम्पि दुस्सिल्यं सीलविपत्ति । इमाय सीलविपत्तिया समन्नागतो पुग्गलो “सीलविपन्नो” ।

६२. कतमो च पुग्गलो दिट्ठिविपन्नो? तत्थ कतमा दिट्ठिविपत्ति? “नत्थि दिन्नं, नत्थि यिट्ठं, नत्थि हुतं, नत्थि सुकतदुक्कटानं [सुकटदुक्कटानं (सी०)] कम्मानं फलं विपाको, नत्थि अयं लोको, नत्थि परो लोको, नत्थि माता, नत्थि पिता, नत्थि सत्ता ओपपातिका, नत्थि लोके समणब्राह्मणा सम्मग्गता [सम्मग्गता (क०)] सम्मापटिपन्ना ये इमञ्च लोकं परञ्च लोकं सयं अभिञ्जा सच्छिकत्वा पवेदेन्ती”ति । या एवरूपा दिट्ठि दिट्ठिगतं दिट्ठिगहनं दिट्ठिकन्तारो दिट्ठिविसूकायिकं दिट्ठिविप्फन्दितं दिट्ठिसंयोजनं गाहो पटिग्गाहो अभिनिवेसो परामासो कुम्मग्गो मिच्छापथो मिच्छत्तं तित्थायतनं विपरियासग्गाहो [विपरियेसग्गाहो (सब्बत्थ) पदसिद्धि चिन्तेतब्बा], अयं वुच्चति दिट्ठिविपत्ति । सब्बापि मिच्छादिट्ठि दिट्ठिविपत्ति । इमाय दिट्ठिविपत्तिया समन्नागतो पुग्गलो “दिट्ठिविपन्नो” ।

६३. कतमो च पुग्गलो अज्झत्तसंयोजनो? यस्स पुग्गलस्स पञ्चोरम्भागियानि संयोजनानि अप्पहीनानि — अयं वुच्चति पुग्गलो “अज्झत्तसंयोजनो” ।

६४. कतमो च पुग्गलो बहिद्भासंयोजनो? यस्स पुग्गलस्स पञ्चुद्धम्भागियानि संयोजनानि अप्पहीनानि — अयं वुच्चति पुग्गलो “बहिद्भासंयोजनो” ।

६५. कतमो च पुग्गलो अक्कोधनो? तत्थ कतमो कोधो? यो कोधो कुज्झना कुज्झितत्तं दोसो दुस्सना दुस्सितत्तं ब्यापत्ति ब्यापज्जना ब्यापज्जितत्तं विरोधो पटिविरोधो चण्डिककं असुरोपो अनत्तमनता चित्तस्स — अयं वुच्चति कोधो । यस्स पुग्गलस्स अयं कोधो पहीनो — अयं वुच्चति पुग्गलो “अक्कोधनो” ।

६६. कतमो च पुग्गलो अनुपनाही? तत्थ कतमो उपनाहो? पुब्बकालं कोधो अपरकालं उपनाहो यो एवरूपो उपनाहो उपनहना उपनहितत्तं अट्ठपना ठपना सण्ठपना अनुसंसन्दना अनुप्पबन्धना दळ्हीकम्मं कोधस्स — अयं वुच्चति उपनाहो । यस्स पुग्गलस्स अयं उपनाहो पहीनो — अयं वुच्चति पुग्गलो “अनुपनाही” ।

६७. कतमो च पुग्गलो अमक्खी? तत्थ कतमो मक्खो? यो मक्खो मक्खायना मक्खायितत्तं निट्ठुरियं निट्ठुरियकम्मं — अयं वुच्चति मक्खो । यस्स पुग्गलस्स अयं मक्खो पहीनो — अयं वुच्चति पुग्गलो “अमक्खी” ।

६८. कतमो च पुग्गलो अपळासी? तत्थ कतमो पळासो? यो पळासो पळासायना पळासायितत्तं पळासाहारो विवादट्ठानं युग्गाहो अप्पटिनिस्सग्गो — अयं वुच्चति पळासो । यस्स पुग्गलस्स अयं पळासो पहीनो — अयं वुच्चति पुग्गलो “अपळासी” ।

६९. कतमो च पुग्गलो अनिस्सुकी? तत्थ कतमा इस्सा? या परलाभसक्कारगरुकारमाननवन्दनपूजनासु इस्सा इस्सायना इस्सायितत्तं उसूया उसूयना उसूयितत्तं — अयं वुच्चति इस्सा । यस्स पुग्गलस्स अयं इस्सा पहीना — अयं वुच्चति पुग्गलो “अनिस्सुकी” ।

७०. कतमो च पुग्गलो अमच्छरी? तत्थ कतमं मच्छरियं? पञ्च मच्छरियानि — आवासमच्छरियं, कुलमच्छरियं,

लाभमच्छरियं, वण्णमच्छरियं, धम्ममच्छरियं । यं एवरूपं मच्छेरं मच्छरायना मच्छरायितत्तं वेविच्छं कदरियं कटुकञ्चुकता अग्गहितत्तं चित्तस्स — इदं वुच्चति मच्छरियं । यस्स पुग्गलस्स इदं मच्छरियं पहीनं — अयं वुच्चति पुग्गलो “अमच्छरी” ।

७१. कतमो च पुग्गलो असठो? तत्थ कतमं साठेय्यं? इधेकच्चो सठो होति परिसठो । यं तत्थ सठं सठता साठेय्यं कक्करता कक्करियं परिक्खत्तता पारिक्खत्तियं — इदं वुच्चति साठेय्यं । यस्स पुग्गलस्स इदं साठेय्यं पहीनं — अयं वुच्चति पुग्गलो “असठो” ।

७२. कतमो च पुग्गलो अमायावी? तत्थ कतमा माया? इधेकच्चो पुग्गलो कायेन दुच्चरितं चरित्वा वाचाय दुच्चरितं चरित्वा मनसा दुच्चरितं चरित्वा तस्स पटिच्छादनहेतु पापिकं इच्छं पणिदहति — “मा मं जज्जा”ति इच्छति, “मा मं जज्जा”ति सङ्कप्पति, “मा मं जज्जा”ति वाचं भासति, “मा मं जज्जा”ति कायेन परक्कमति । या एवरूपा माया मायाविता अच्चासरा वज्जना निकति विकिरणा परिहरणा गूहना परिगूहना छादना पटिच्छादना अनुत्तानीकम्मं अनाविकम्मं वोच्छादना पापकिरिया — अयं वुच्चति माया । यस्स पुग्गलस्स अयं माया पहीना — अयं वुच्चति पुग्गलो “अमायावी” ।

७३. कतमो च पुग्गलो हिरिमा? तत्थ कतमा हिरी? यं हिरीयति हिरियितब्बेन हिरीयति पापकानं अकुसलानं धम्मनं समापत्तिया — अयं वुच्चति हिरी । इमाय हिरिया समन्नागतो पुग्गलो “हिरिमा” ।

७४. कतमो च पुग्गलो ओत्तप्पी? तत्थ कतमं ओत्तप्पं? यं ओत्तप्पति ओत्तप्पितब्बेन ओत्तप्पति पापकानं अकुसलानं धम्मनं समापत्तिया — इदं वुच्चति ओत्तप्पं । इमिना ओत्तप्पेन समन्नागतो पुग्गलो “ओत्तप्पी” ।

७५. कतमो च पुग्गलो सुवचो? तत्थ कतमा सोवचस्सता? सहधम्मिके वुच्चमाने सोवचस्सायं सोवचस्सियं सोवचस्सता अविप्पटिकुलगाहिता अविपच्चनीकसातता सादरियं सादरियता सगारवता सप्पतिस्सवता — अयं वुच्चति सोवचस्सता । इमाय सोवचस्सताय समन्नागतो पुग्गलो “सुवचो” ।

७६. कतमो च पुग्गलो कल्याणमित्तो? तत्थ कतमा कल्याणमित्तता? ये ते पुग्गला सद्धा सीलवन्तो बहुस्सुता चागवन्तो पज्जवन्तो, या तेसं सेवना निसेवना संसेवना भजना सम्भजना भत्ति सम्भत्ति सम्पवङ्कता — अयं वुच्चति कल्याणमित्तता । इमाय कल्याणमित्तताय समन्नागतो पुग्गलो “कल्याणमित्तो” ।

७७. कतमो च पुग्गलो इन्द्रियेसु गुत्तद्वारो? तत्थ कतमा इन्द्रियेसु गुत्तद्वारता? इधेकच्चो पुग्गलो चक्खुना रूपं दिस्वा न निमित्तगाही होति नानुब्यञ्जनगाही; यत्वाधिकरणमेनं चक्खुन्द्रियं असंवृतं विहरन्तं अभिज्झादोमनस्सा पापका अकुसला धम्मा अन्वास्सवेय्युं, तस्स संवराय पटिपज्जति, रक्खति चक्खुन्द्रियं चक्खुन्द्रिये संवरं आपज्जति । सोतेन सद्दं सुत्वा...पे०... घानेन गन्धं घायित्वा...पे०... जिह्वाय रसं सायित्वा...पे०... कायेन फोढुब्बं फुसित्वा...पे०... मनसा धम्मं विज्जाय न निमित्तगाही होति नानुब्यञ्जनगाही; यत्वाधिकरणमेनं मनिन्द्रियं असंवृतं विहरन्तं अभिज्झादोमनस्सा पापका अकुसला धम्मा अन्वास्सवेय्युं, तस्स संवराय पटिपज्जति, रक्खति मनिन्द्रियं, मनिन्द्रिये संवरं आपज्जति । या इमेसं छन्नं इन्द्रियानं गुत्ति गोपना आरक्खो संवरो — अयं वुच्चति इन्द्रियेसु गुत्तद्वारता । इमाय इन्द्रियेसु गुत्तद्वारताय समन्नागतो पुग्गलो “इन्द्रियेसु गुत्तद्वारो” ।

७८. कतमो च पुग्गलो भोजने मत्तञ्जू? तत्थ कतमा भोजने मत्तञ्जुता? इधेक्कच्चो पुग्गलो पटिसङ्खा योनिसो आहारं आहारेति — “नेव दवाय, न मदाय, न मण्डनाय, न विभूसनाय; यावदेव इमस्स कायस्स ठितिया यापनाय विहिंसूपरतिया ब्रह्मचरियानुगहाय । इति पुराणञ्च वेदनं पटिहङ्गमि, नवञ्च वेदनं न उप्पादेस्सामि, यात्रा च मे भविस्सति अनवज्जता च फासुविहारो चा”ति । या तत्थ सन्तुट्ठिता मत्तञ्जुता पटिसङ्खा भोजने — अयं वुच्चति भोजने मत्तञ्जुता । इमाय भोजने मत्तञ्जुताय समन्नागतो पुग्गलो “भोजने मत्तञ्जू” ।

७९. कतमो च पुग्गलो उपट्ठितस्सति? तत्थ कतमा सति? या सति अनुस्सति पटिस्सति सति सरणता धारणता अपिलापनता असम्मुसनता सति सतिन्द्रियं सतिबलं सम्मासति — अयं वुच्चति सति । इमाय सतिया समन्नागतो पुग्गलो “उपट्ठितस्सति” ।

८०. कतमो च पुग्गलो सम्पजानो? तत्थ कतमं सम्पजज्जं? या पज्जा पजानना विचयो पविचयो धम्मविचयो सल्लक्खणा उपलक्खणा पच्चुपलक्खणा पण्डिच्चं कोसल्लं नेपुज्जं वेभब्बा चिन्ता उपपरिक्खा भूरी मेधा परिणायिका विपस्सना सम्पजज्जं पतोदो पज्जा पज्जिन्द्रियं पज्जाबलं पज्जासत्थं पज्जापासादो पज्जाआलोको पज्जाओभासो पज्जापज्जोतो पज्जारतनं अमोहो धम्मविचयो सम्मादिट्ठि — इदं वुच्चति सम्पजज्जं । इमिना सम्पजज्जेन समन्नागतो पुग्गलो “सम्पजानो” ।

८१. कतमो च पुग्गलो सीलसम्पन्नो? तत्थ कतमा सीलसम्पदा? कायिको अवीतिक्कमो वाचसिको अवीतिक्कमो कायिकवाचसिको अवीतिक्कमो — अयं वुच्चति सीलसम्पदा । सब्बोपि सीलसंवरो सीलसम्पदा । इमाय सीलसम्पदाय समन्नागतो पुग्गलो “सीलसम्पन्नो” ।

८२. कतमो च पुग्गलो दिट्ठिसम्पन्नो? तत्थ कतमा दिट्ठिसम्पदा? “अत्थि दिन्नं, अत्थि यिट्ठं, अत्थि हुतं, अत्थि सुकतदुक्कटानं कम्मनं फलं विपाको, अत्थि अयं लोको, अत्थि परो लोको, अत्थि माता, अत्थि पिता, अत्थि सत्ता ओपपातिका, अत्थि लोके समणब्राह्मणा सम्मगता सम्मापटिपन्ना ये इमञ्च लोकं परञ्च लोकं सयं अभिज्जा सच्छिक्त्वा पवेदेन्ती”ति । या एवरूपा पज्जा पजानना...पे०... अमोहो धम्मविचयो सम्मादिट्ठि — अयं वुच्चति दिट्ठिसम्पदा । सब्बापि सम्मादिट्ठि दिट्ठिसम्पदा । इमाय दिट्ठिसम्पदाय समन्नागतो पुग्गलो “दिट्ठिसम्पन्नो” ।

८३. कतमे द्वे पुग्गला दुल्लभा लोकस्मिं? यो च पुब्बकारी, यो च कतञ्जू कतवेदी — इमे द्वे पुग्गला दुल्लभा लोकस्मिं ।

८४. कतमे द्वे पुग्गला दुत्तप्पया? यो च लद्धं लद्धं निक्खिपति, यो च लद्धं लद्धं विस्सज्जेति — इमे द्वे पुग्गला “दुत्तप्पया” ।

८५. कतमे द्वे पुग्गला सुतप्पया? यो च लद्धं लद्धं न निक्खिपति, यो च लद्धं लद्धं न विस्सज्जेति — इमे द्वे पुग्गला “सुतप्पया” ।

८६. कतमेसं द्विन्नं पुग्गलानं आसवा वड्ढन्ति? यो च न कुक्कुच्चायितब्बं कुक्कुच्चायति, यो च कुक्कुच्चायितब्बं न कुक्कुच्चायति — इमेसं द्विन्नं पुग्गलानं आसवा वड्ढन्ति ।

८७. कतमेसं द्विन्नं पुग्गलानं आसवा न वड्ढन्ति? यो च न कुक्कुच्चायितब्बं न कुक्कुच्चायति, यो च कुक्कुच्चायितब्बं कुक्कुच्चायति — इमेसं द्विन्नं पुग्गलानं आसवा न वड्ढन्ति ।

८८. कतमो च पुग्गलो हीनाधिमुत्तो? इधेकच्चो पुग्गलो दुस्सीलो होति पापधम्मो, सो अज्जं दुस्सीलं पापधम्मं सेवति भजति पयिरुपासति — अयं वुच्चति पुग्गलो “हीनाधिमुत्तो” ।

८९. कतमो च पुग्गलो पणीताधिमुत्तो? इधेकच्चो पुग्गलो सीलवा होति कल्याणधम्मो, सो अज्जं सीलवन्तं कल्याणधम्मं सेवति भजति पयिरुपासति — अयं वुच्चति पुग्गलो “पणीताधिमुत्तो” ।

९०. कतमो च पुग्गलो तित्तो? पच्चेकसम्बुद्धो [पच्चेकबुद्धो (सी०)] ये च तथागतस्स सावका अरहन्तो तित्ता । सम्मासम्बुद्धो तित्तो च तप्पेता च [तप्पेता च, अयं वुच्चति पुग्गलो तित्तो (सी०)] ।

दुकनिद्देसो ।

### ३. तिकपुग्गलपज्जति

९१. कतमो च पुग्गलो निरासो? इधेकच्चो पुग्गलो दुस्सीलो होति पापधम्मो असुचि सङ्गस्सरसमाचारो पटिच्छन्नकम्मन्तो अस्समणो समणपटिज्जो अब्रह्मचारी ब्रह्मचारिपटिज्जो अन्तोपूति अवस्सुतो कसम्बुजातो । सो सुणाति — “इत्थन्नामो किर भिक्खु आसवानं खया अनासवं चेतोविमुत्तिं पज्जाविमुत्तिं दिट्ठेव धम्मे सयं अभिज्जा सच्छिकत्वा उपसम्पज्ज विहरती”ति । तस्स न एवं होति — “कुदास्सु नामाहमि आसवानं खया अनासवं चेतोविमुत्तिं पज्जाविमुत्तिं दिट्ठेव धम्मे सयं अभिज्जा सच्छिकत्वा उपसम्पज्ज विहरिस्सामी”ति । अयं वुच्चति पुग्गलो “निरासो” ।

९२. कतमो च पुग्गलो आसंसो? इधेकच्चो पुग्गलो सीलवा होति कल्याणधम्मो । सो सुणाति — “इत्थन्नामो किर भिक्खु आसवानं खया अनासवं चेतोविमुत्तिं पज्जाविमुत्तिं दिट्ठेव धम्मे सयं अभिज्जा सच्छिकत्वा उपसम्पज्ज विहरती”ति । तस्स एवं होति — “कुदास्सु नामाहमि आसवानं खया अनासवं चेतोविमुत्तिं पज्जाविमुत्तिं दिट्ठेव धम्मे सयं अभिज्जा सच्छिकत्वा उपसम्पज्ज विहरिस्सामी”ति । अयं वुच्चति पुग्गलो “आसंसो” ।

९३. कतमो च पुग्गलो विगतासो? इधेकच्चो पुग्गलो आसवानं खया अनासवं चेतोविमुत्तिं पज्जाविमुत्तिं दिट्ठेव धम्मे सयं अभिज्जा सच्छिकत्वा उपसम्पज्ज विहरति । सो सुणाति — “इत्थन्नामो किर भिक्खु आसवानं खया अनासवं चेतोविमुत्तिं पज्जाविमुत्तिं दिट्ठेव धम्मे सयं अभिज्जा सच्छिकत्वा उपसम्पज्ज विहरती”ति । तस्स न एवं होति — “कुदास्सु नामाहमि आसवानं खया अनासवं चेतोविमुत्तिं पज्जाविमुत्तिं दिट्ठेव धम्मे सयं अभिज्जा सच्छिकत्वा उपसम्पज्ज विहरिस्सामी”ति । तं किस्स हेतु? या हिस्स पुब्बे अविमुत्तस्स विमुत्तासा, सा पटिप्पस्सद्धा । अयं वुच्चति पुग्गलो “विगतासो” ।

९४. तत्थ कतमे तयो गिलानूपमा पुग्गला? तयो गिलाना — इधेकच्चो गिलानो लभन्तो वा सप्पायानि भोजनानि अलभन्तो वा सप्पायानि भोजनानि, लभन्तो वा सप्पायानि भेसज्जानि अलभन्तो वा सप्पायानि भेसज्जानि, लभन्तो वा पतिरूपं उपट्ठाकं अलभन्तो वा पतिरूपं उपट्ठाकं, नेव वुट्ठाति तम्हा आबाधा । (१)

इध पनेकच्चो गिलानो लभन्तो वा सप्पायानि भोजनानि अलभन्तो वा सप्पायानि भोजनानि, लभन्तो वा सप्पायानि भेसज्जानि अलभन्तो वा सप्पायानि भेसज्जानि, लभन्तो वा पतिरूपं उपट्ठाकं अलभन्तो वा पतिरूपं उपट्ठाकं, वुट्ठाति तम्हा आबाधा । (२)

इध पनेकच्चो गिलानो लभन्तो सप्पायानि भोजनानि नो अलभन्तो, लभन्तो सप्पायानि भेसज्जानि नो अलभन्तो, लभन्तो पतिरूपं उपट्ठाकं नो अलभन्तो, वुट्ठाति तम्हा आबाधा । (३)

तत्र ख्यायं गिलानो लभन्तो सप्पायानि भोजनानि नो अलभन्तो, लभन्तो सप्पायानि भेसज्जानि नो अलभन्तो, लभन्तो पतिरूपं उपट्ठाकं नो अलभन्तो, वुट्ठाति तम्हा आबाधा, इमं गिलानं पटिच्च भगवता गिलानभत्तं अनुज्जातं गिलानभेसज्जं अनुज्जातं गिलानुपट्ठाको अनुज्जातो । इमञ्च पन गिलानं पटिच्च अज्जेपि गिलाना उपट्ठातब्बा ।

एवमेवं [एवमेव (सी०)] तयो गिलानूपमा पुग्गला सन्तो संविज्जमाना लोकस्मिं । कतमे तयो? इधेकच्चो पुग्गलो लभन्तो वा तथागतं दस्सनाय अलभन्तो वा तथागतं दस्सनाय, लभन्तो वा तथागतप्पवेदितं धम्मविनयं सवणाय अलभन्तो वा तथागतप्पवेदितं धम्मविनयं सवणाय, नेव ओक्कमति नियामं कुसलेसु धम्मेसु सम्मत्तं । (१)

इध पनेकच्चो पुग्गलो लभन्तो वा तथागतं दस्सनाय अलभन्तो वा तथागतं दस्सनाय, लभन्तो वा तथागतप्पवेदितं धम्मविनयं सवणाय अलभन्तो वा तथागतप्पवेदितं धम्मविनयं सवणाय, ओक्कमति नियामं कुसलेसु धम्मेसु सम्मत्तं । (२)

इध पनेकच्चो पुग्गलो लभन्तो तथागतं दस्सनाय नो अलभन्तो, लभन्तो तथागतप्पवेदितं धम्मविनयं सवणाय नो अलभन्तो, ओक्कमति नियामं कुसलेसु धम्मेसु सम्मत्तं । (३)

तत्र ख्यायं पुग्गलो लभन्तो तथागतं दस्सनाय नो अलभन्तो, लभन्तो तथागतप्पवेदितं धम्मविनयं सवणाय नो अलभन्तो, ओक्कमति नियामं कुसलेसु धम्मेसु सम्मत्तं, इमं पुग्गलं पटिच्च भगवता धम्मदेसना अनुज्जाता, इमञ्च पुग्गलं पटिच्च अज्जेसम्मि धम्मो देसेतब्बो । इमे तयो गिलानूपमा पुग्गला सन्तो संविज्जमाना लोकस्मिं ।

१५. कतमो च पुग्गलो कायसक्खी? इधेकच्चो पुग्गलो अट्ठ विमोक्खे कायेन फुसित्वा विहरति, पज्जाय चस्स दिस्वा एकच्चे आसवा परिक्खीणा होन्ति — अयं वुच्चति पुग्गलो “कायसक्खी” ।

१६. कतमो च पुग्गलो दिट्ठिप्पत्तो? इधेकच्चो पुग्गलो “इदं दुक्खं”न्ति यथाभूतं पजानाति, “अयं दुक्खसमुदयो”ति यथाभूतं पजानाति, “अयं दुक्खनिरोधो”ति यथाभूतं पजानाति, “अयं दुक्खनिरोधगामिनी पटिपदा”ति यथाभूतं पजानाति, तथागतप्पवेदिता चस्स धम्मा पज्जाय वोदिट्ठा होन्ति वोचरिता, पज्जाय चस्स दिस्वा एकच्चे आसवा परिक्खीणा होन्ति — अयं वुच्चति पुग्गलो “दिट्ठिप्पत्तो” ।

१७. कतमो च पुग्गलो सद्भावमुत्तो? इधेकच्चो पुग्गलो “इदं दुक्खं”न्ति यथाभूतं पजानाति...पे०... तथागतप्पवेदिता चस्स धम्मा पज्जाय वोदिट्ठा होन्ति वोचरिता, पज्जाय चस्स दिस्वा एकच्चे आसवा परिक्खीणा होन्ति, नो च खो यथादिट्ठिप्पत्तस्स — अयं वुच्चति पुग्गलो “सद्भावमुत्तो” ।

१८. कतमो च पुगगलो गूथभाणी? इधेकच्चो पुगगलो मुसावादी होति सभग्गतो वा परिसग्गतो वा जातिमज्झगतो वा पूगमज्झगतो वा राजकुलमज्झगतो वा अभिनीतो सक्खिपुट्ठो — “एहम्भो [एहि भो (स्या० क०) म० नि० १.४४०; अ० नि० ३.२८], पुरिस, यं जानासि तं वदेही”ति, सो अजानं वा आह — “जानामी”ति, जानं वा आह — “न जानामी”ति, अपस्सं वा आह — “पस्सामी”ति, पस्सं वा आह — “न पस्सामी”ति। इति अत्तहेतु वा परहेतु वा आमिसकिञ्चिक्खहेतु वा सम्पजानमुसा भासिता होति — अयं वुच्चति पुगगलो “गूथभाणी”।

१९. कतमो च पुगगलो पुप्फभाणी? इधेकच्चो पुगगलो मुसावादं पहाय मुसावादा पटिविरतो होति सभग्गतो वा परिसग्गतो वा जातिमज्झगतो वा पूगमज्झगतो वा राजकुलमज्झगतो वा अभिनीतो सक्खिपुट्ठो — “एहम्भो, पुरिस, यं जानासि तं वदेही”ति, सो अजानं वा आह — “न जानामी”ति, जानं वा आह — “जानामी”ति, अपस्सं वा आह — “न पस्सामी”ति, पस्सं वा आह — “पस्सामी”ति। इति अत्तहेतु वा परहेतु वा आमिसकिञ्चिक्खहेतु वा न सम्पजानमुसा भासिता होति — अयं वुच्चति पुगगलो “पुप्फभाणी”।

१००. कतमो च पुगगलो मधुभाणी? इधेकच्चो पुगगलो या सा वाचा नेला कण्णसुखा पेमनिया हृदयङ्गमा पोरी बहुजनकन्ता बहुजनमनापा, तथारूपिं वाचं भासिता होति — अयं वुच्चति पुगगलो “मधुभाणी”।

१०१. कतमो च पुगगलो अरुकूपमचित्तो? इधेकच्चो पुगगलो कोधनो होति उपायासबहुलो, अप्पम्पि वुत्तो समानो अभिसज्जति कुप्पति ब्यापज्जति पतित्थीयति [पतिट्ठीयति (स्या० क०) अ० नि० ३.२५], कोपञ्च दोसञ्च अप्पच्चयञ्च पातुकरोति। सेय्यथापि नाम दुट्ठारुको कट्ठेन वा कठलाय [कथलाय (क०), कथलेन (अट्ठकथा) अ० नि० ३.२५] वा घट्टितो भिय्योसो मत्ताय आसवं देति [अस्सवनोति (सी०)], एवमेवं इधेकच्चो पुगगलो कोधनो होति उपायासबहुलो, अप्पम्पि वुत्तो समानो अभिसज्जति कुप्पति ब्यापज्जति पतित्थीयति, कोपञ्च दोसञ्च अप्पच्चयञ्च पातुकरोति — अयं वुच्चति पुगगलो “अरुकूपमचित्तो”।

१०२. कतमो च पुगगलो विज्जूपमचित्तो? इधेकच्चो पुगगलो “इदं दुक्ख”न्ति यथाभूतं पजानाति, “अयं दुक्खसमुदयो”ति यथाभूतं पजानाति, “अयं दुक्खनिरोधो”ति यथाभूतं पजानाति, “अयं दुक्खनिरोधगामिनी पटिपदा”ति यथाभूतं पजानाति। सेय्यथापि नाम चक्खुमा पुरिसो रत्तन्धकारतिमिसाय विज्जन्तरिकाय रूपानि पस्सेय्य, एवमेवं इधेकच्चो पुगगलो “इदं दुक्ख”न्ति यथाभूतं पजानाति, “अयं दुक्खसमुदयो”ति यथाभूतं पजानाति, “अयं दुक्खनिरोधो”ति यथाभूतं पजानाति, “अयं दुक्खनिरोधगामिनी पटिपदा”ति यथाभूतं पजानाति — अयं वुच्चति पुगगलो “विज्जूपमचित्तो”।

१०३. कतमो च पुगगलो वजिरूपमचित्तो? इधेकच्चो पुगगलो आसवानं खया अनासवं चेतोविमुत्तिं पज्जाविमुत्तिं दिट्ठेव धम्मे सयं अभिज्जा सच्छिक्त्वा उपसम्पज्ज विहरति। सेय्यथापि नाम वजिरस्स नत्थि किञ्चि अभेज्जं मणि वा पासाणो वा, एवमेवं इधेकच्चो पुगगलो आसवानं खया अनासवं चेतोविमुत्तिं पज्जाविमुत्तिं दिट्ठेव धम्मे सयं अभिज्जा सच्छिक्त्वा उपसम्पज्ज विहरति — अयं वुच्चति पुगगलो “वजिरूपमचित्तो”।

१०४. कतमो च पुगगलो अन्धो? इधेकच्चस्स पुगगलस्स तथारूपं चक्खु न होति यथारूपेन चक्खुना अनधिगतं वा भोगं अधिगच्छेय्य, अधिगतं वा भोगं फातिं करेय्य; तथारूपम्पिस्स चक्खु न होति यथारूपेन चक्खुना कुसलाकुसले धम्मे जानेय्य, सावज्जानवज्जे धम्मे जानेय्य, हीनप्पणीते धम्मे जानेय्य, कण्हसुक्कसप्पटिभागे धम्मे जानेय्य — अयं वुच्चति

पुगगलो “अन्धो” ।

१०५. कतमो च पुगगलो एकचक्खु? इधेकच्चस्स पुगगलस्स तथारूपं चक्खु होति, यथारूपेन चक्खुना अनधिगतं वा भोगं अधिगच्छेय्य, अधिगतं वा भोगं फातिं करेय्य; तथारूपमिस्स चक्खु न होति यथारूपेन चक्खुना कुसलाकुसले धम्मे जानेय्य, सावज्जानवज्जे धम्मे जानेय्य, हीनप्पणीते धम्मे जानेय्य, कण्हसुक्कसप्पटिभागे धम्मे जानेय्य — अयं वुच्चति पुगगलो “एकचक्खु” ।

१०६. कतमो च पुगगलो द्विचक्खु? इधेकच्चस्स पुगगलस्स तथारूपं चक्खु होति यथारूपेन चक्खुना अनधिगतं वा भोगं अधिगच्छेय्य, अधिगतं वा भोगं फातिं करेय्य; तथारूपमिस्स चक्खु होति यथारूपेन चक्खुना कुसलाकुसले धम्मे जानेय्य, सावज्जानवज्जे धम्मे जानेय्य, हीनप्पणीते धम्मे जानेय्य, कण्हसुक्कसप्पटिभागे धम्मे जानेय्य — अयं वुच्चति पुगगलो “द्विचक्खु” ।

१०७. कतमो च पुगगलो अवकुज्जपज्जो? इधेकच्चो पुगगलो आरामं गन्ता [गतो (सी०), गन्त्वा (स्या०)] होति अभिक्खणं भिक्खूनं सन्तिके धम्मस्सवणाय [धम्मस्सवणाय (स्या०)] । तस्स भिक्खू धम्मं देसेन्ति आदिकल्याणं मज्झेकल्याणं परियोसानकल्याणं सात्थं सब्यज्जनं केवलपरिपुण्णं परिसुद्धं ब्रह्मचरियं पकासेन्ति । सो तस्मिं आसने निसिन्नो तस्सा कथाय नेव आदिं मनसि करोति, न मज्झं मनसि करोति, न परियोसानं मनसि करोति । वुट्ठितोपि तम्हा आसना तस्सा कथाय नेव आदिं मनसि करोति, न मज्झं मनसि करोति, न परियोसानं मनसि करोति । सेय्यथापि नाम कुम्भो निक्कुज्जो [निकुज्जो (स्या०) अ० नि० ३.३०] तत्र उदकं आसित्तं विवट्ठति, नो सण्ठाति; एवमेवं इधेकच्चो पुगगलो आरामं गन्ता होति अभिक्खणं भिक्खूनं सन्तिके धम्मस्सवणाय । तस्स भिक्खू धम्मं देसेन्ति आदिकल्याणं मज्झेकल्याणं परियोसानकल्याणं सात्थं सब्यज्जनं केवलपरिपुण्णं परिसुद्धं ब्रह्मचरियं पकासेन्ति । सो तस्मिं आसने निसिन्नो तस्सा कथाय नेव आदिं मनसि करोति, न मज्झं मनसि करोति, न परियोसानं मनसि करोति । वुट्ठितोपि तम्हा आसना तस्सा कथाय नेव आदिं मनसि करोति, न मज्झं मनसि करोति, न परियोसानं मनसि करोति — अयं वुच्चति पुगगलो “अवकुज्जपज्जो” ।

१०८. कतमो च पुगगलो उच्छङ्गपज्जो? इधेकच्चो पुगगलो आरामं गन्ता होति अभिक्खणं भिक्खूनं सन्तिके धम्मस्सवणाय । तस्स भिक्खू धम्मं देसेन्ति आदिकल्याणं मज्झेकल्याणं परियोसानकल्याणं सात्थं सब्यज्जनं केवलपरिपुण्णं परिसुद्धं ब्रह्मचरियं पकासेन्ति । सो तस्मिं आसने निसिन्नो तस्सा कथाय आदिमि मनसि करोति, मज्झमि मनसि करोति, परियोसानमि मनसि करोति । वुट्ठितो च खो तम्हा आसना तस्सा कथाय नेव आदिं मनसि करोति, न मज्झं मनसि करोति, न परियोसानं मनसि करोति । सेय्यथापि नाम पुरिसस्स उच्छङ्गे नानाखज्जकानि आकिण्णानि — तिला तण्डुला [तिलतण्डुला (क०) अ० नि० ३.३०] मोदका बदरा । सो तम्हा आसना वुट्ठहन्तो सतिसम्मोसा पकिरेय्य । एवमेवं इधेकच्चो पुगगलो आरामं गन्ता होति अभिक्खणं भिक्खूनं सन्तिके धम्मस्सवणाय । तस्स भिक्खू धम्मं देसेन्ति आदिकल्याणं मज्झेकल्याणं परियोसानकल्याणं सात्थं सब्यज्जनं केवलपरिपुण्णं परिसुद्धं ब्रह्मचरियं पकासेन्ति । सो तस्मिं आसने निसिन्नो तस्सा कथाय आदिमि मनसि करोति, मज्झमि मनसि करोति, परियोसानमि मनसि करोति । वुट्ठितो च खो तम्हा आसना तस्सा कथाय नेव आदिमि मनसि करोति, न मज्झमि मनसि करोति, न परियोसानमि मनसि करोति — अयं वुच्चति पुगगलो “उच्छङ्गपज्जो” ।

१०९. कतमो च पुगगलो पुथुपज्जो? इधेकच्चो पुगगलो आरामं गन्ता होति अभिक्खणं भिक्खूनं सन्तिके



धम्मस्सवणाय । तस्स भिक्खू धम्मं देसेन्ति आदिकल्याणं मज्झेकल्याणं परियोसानकल्याणं सात्थं सब्यञ्जनं केवलपरिपुण्णं परिसुद्धं ब्रह्मचरियं पकासेन्ति । सो तस्मिं आसने निसिन्नो तस्सा कथाय आदिमि मनसि करोति, मज्झमि मनसि करोति, परियोसानमि मनसि करोति । वुट्ठितोपि तम्हा आसना तस्सा कथाय आदिमि मनसि करोति, मज्झमि मनसि करोति, परियोसानमि मनसि करोति । सेय्यथापि नाम कुम्भो उक्कुज्जो तत्र उदकं आसित्तं सण्ठाति, नो विवट्ठति; एवमेवं इधेकच्चो पुग्गलो आरामं गन्ता होन्ति अभिक्खणं भिक्खूनं सन्तिके धम्मस्सवणाय । तस्स भिक्खू धम्मं देसेन्ति आदिकल्याणं मज्झेकल्याणं परियोसानकल्याणं सात्थं सब्यञ्जनं केवलपरिपुण्णं परिसुद्धं ब्रह्मचरियं पकासेन्ति । सो तस्मिं आसने निसिन्नो तस्सा कथाय आदिमि मनसि करोति, मज्झमि मनसि करोति, परियोसानमि मनसि करोति । वुट्ठितोपि तम्हा आसना तस्सा कथाय आदिमि मनसि करोति, मज्झमि मनसि करोति, परियोसानमि मनसि करोति — अयं वुच्चति पुग्गलो “पुथुपज्जो” ।

११०. कतमो च पुग्गलो कामेसु च भवेसु च अवीतरागो? सोतापन्नसकदागामिनो — इमे वुच्चन्ति पुग्गलो “कामेसु च भवेसु च अवीतरागो” ।

१११. कतमो च पुग्गलो कामेसु वीतरागो, भवेसु अवीतरागो? अनागामी — अयं वुच्चति पुग्गलो “कामेसु वीतरागो, भवेसु अवीतरागो” ।

११२. कतमो च पुग्गलो कामेसु च भवेसु च वीतरागो? अरहा — अयं वुच्चति पुग्गलो “कामेसु च भवेसु च वीतरागो” ।

११३. कतमो च पुग्गलो पासाणलेखूपमो? इधेकच्चो पुग्गलो अभिण्हं कुज्झति । सो च ख्वस्स कोधो चिरं दीघरत्तं अनुसेति । सेय्यथापि नाम पासाणे लेखा न खिप्पं लुज्जति वातेन वा उदकेन वा, चिरद्वितिका होति; एवमेवं इधेकच्चो पुग्गलो अभिण्हं कुज्झति । सो च ख्वस्स कोधो चिरं दीघरत्तं अनुसेति — अयं वुच्चति पुग्गलो “पासाणलेखूपमो” ।

११४. कतमो च पुग्गलो पथविलेखूपमो? इधेकच्चो पुग्गलो अभिण्हं कुज्झति । सो च ख्वस्स कोधो न चिरं दीघरत्तं अनुसेति । सेय्यथापि नाम पथविद्या [पठविद्या (सी० स्या०)] लेखा खिप्पं लुज्जति वातेन वा उदकेन वा, न चिरद्वितिका होति; एवमेवं इधेकच्चो पुग्गलो अभिण्हं कुज्झति । सो च ख्वस्स कोधो न चिरं दीघरत्तं अनुसेति — अयं वुच्चति पुग्गलो “पथविलेखूपमो” ।

११५. कतमो च पुग्गलो उदकलेखूपमो? इधेकच्चो पुग्गलो आगाळ्हेनपि वुच्चमानो फरुसेनपि वुच्चमानो अमनापेनपि वुच्चमानो संसन्दतिमेव [... चेव (स्या०) अ० नि० ३.१३३] सन्धियतिमेव [... चेव (स्या०) अ० नि० ३.१३३] सम्मोदतिमेव [... चेव (स्या०) अ० नि० ३.१३३] । सेय्यथापि नाम उदके लेखा खिप्पं लुज्जति, न चिरद्वितिका होति; एवमेवं इधेकच्चो पुग्गलो आगाळ्हेनपि वुच्चमानो फरुसेनपि वुच्चमानो अमनापेनपि वुच्चमानो संसन्दतिमेव सन्धियतिमेव सम्मोदतिमेव — अयं वुच्चति पुग्गलो “उदकलेखूपमो” ।

११६. तत्थ कतमे तयो पोत्थकूपमा पुग्गला? तयो पोत्थका — नवोपि पोत्थको दुब्बण्णो चेव होति दुक्खसम्फस्सो च अप्पग्घो च, मज्झिमोपि पोत्थको दुब्बण्णो चेव होति दुक्खसम्फस्सो च अप्पग्घो च, जिण्णोपि पोत्थको दुब्बण्णो चेव होति दुक्खसम्फस्सो च अप्पग्घो च । जिण्णमि पोत्थकं उक्खलिपरिमज्जनं वा करोन्ति सङ्कारकूटे वा नं छट्ठेन्ति । एवमेवं तयोमे

पोत्थकूपमा पुग्गला सन्तो संविज्जमाना भिक्खूसु। कतमे तयो? नवो चेपि भिक्खु होति दुस्सीलो पापधम्मो, इदमस्स दुब्बण्णताय। सेय्यथापि सो पोत्थको दुब्बण्णो, तथूपमो अयं पुग्गलो। ये खो पनस्स सेवन्ति भजन्ति पयिरुपासन्ति दिट्ठानुगतिं आपज्जन्ति, तेसं तं होति दीघरत्तं अहिताय दुक्खाय। इदमस्स दुक्खसम्फस्सताय। सेय्यथापि सो पोत्थको दुक्खसम्फस्सो, तथूपमो अयं पुग्गलो। येसं खो पन सो पटिग्गण्हाति चीवरपिण्डपातसेनासनगिलानपच्चयभेसज्जपरिक्खारं, तेसं तं न महप्फलं होति न महानिसंसं। इदमस्स अप्पघताय। सेय्यथापि सो पोत्थको अप्पघो, तथूपमो अयं पुग्गलो।

मज्झिमो चेपि भिक्खु होति... पे०... थेरो चेपि भिक्खु होति दुस्सीलो पापधम्मो, इदमस्स दुब्बण्णताय। सेय्यथापि सो पोत्थको दुब्बण्णो, तथूपमो अयं पुग्गलो। ये खो पनस्स सेवन्ति भजन्ति पयिरुपासन्ति दिट्ठानुगतिं आपज्जन्ति, तेसं तं होति दीघरत्तं अहिताय दुक्खाय। इदमस्स दुक्खसम्फस्सताय। सेय्यथापि सो पोत्थको दुक्खसम्फस्सो, तथूपमो अयं पुग्गलो। येसं खो पन सो पटिग्गण्हाति चीवरपिण्डपातसेनासनगिलानपच्चयभेसज्जपरिक्खारं, तेसं तं न महप्फलं होति न महानिसंसं। इदमस्स अप्पघताय। सेय्यथापि सो पोत्थको अप्पघो, तथूपमो अयं पुग्गलो।

एवरूपो चे थेरो भिक्खु सङ्गमज्झे भणति। तमेनं भिक्खू एवमाहंसु — “किं नु खो तुहं बालस्स अब्यत्तस्स भणितेन, त्वम्पि नाम भणितब्बं मज्झसी”ति! सो कुपितो अनत्तमनो तथारूपिं वाचं निच्छारेति यथारूपाय वाचाय सङ्घो तं उक्खिपति, सङ्कारकूटेव नं पोत्थकं। इमे तयो पोत्थकूपमा पुग्गला सन्तो संविज्जमाना भिक्खूसु।

११७. तत्थ कतमे तयो कासिकवत्थूपमा पुग्गला? तीणि कासिकवत्थानि — नवम्पि कासिकवत्थं वण्णवन्तञ्चेव होति सुखसम्फस्सञ्च महग्घञ्च, मज्झिमम्पि कासिकवत्थं वण्णवन्तञ्चेव होति सुखसम्फस्सञ्च महग्घञ्च, जिण्णम्पि कासिकवत्थं वण्णवन्तञ्चेव होति सुखसम्फस्सञ्च महग्घञ्च। जिण्णम्पि कासिकवत्थं रतनपलिवेठनं वा करोन्ति गन्धकरण्डके वा नं निक्खिपन्ति।

एवमेवं तयोमे कासिकवत्थूपमा पुग्गला सन्तो संविज्जमाना भिक्खूसु। कतमे तयो? नवो चेपि भिक्खु होति सीलवा कल्याणधम्मो, इदमस्स सुवण्णताय। सेय्यथापि तं कासिकवत्थं वण्णवन्तं, तथूपमो अयं पुग्गलो। ये खो पनस्स सेवन्ति भजन्ति पयिरुपासन्ति दिट्ठानुगतिं आपज्जन्ति, तेसं तं होति दीघरत्तं हिताय सुखाय। इदमस्स सुखसम्फस्सताय। सेय्यथापि तं कासिकवत्थं सुखसम्फस्सं, तथूपमो अयं पुग्गलो। येसं खो पन सो [येसं खो पन (सब्बत्थ) अ० नि० ३.१००] पटिग्गण्हाति [पतिग्गण्हाति (सी०) रूपसिद्धिटीकाय पन समेति] चीवरपिण्डपातसेनासनगिलानपच्चयभेसज्जपरिक्खारं, तेसं तं महप्फलं होति महानिसंसं। इदमस्स महग्घताय। सेय्यथापि तं कासिकवत्थं महग्घं, तथूपमो अयं पुग्गलो।

मज्झिमो चेपि भिक्खु... पे०... थेरो चेपि भिक्खु होति सीलवा कल्याणधम्मो, इदमस्स सुवण्णताय। सेय्यथापि तं कासिकवत्थं वण्णवन्तं, तथूपमो अयं पुग्गलो। ये खो पनस्स सेवन्ति भजन्ति पयिरुपासन्ति दिट्ठानुगतिं आपज्जन्ति, तेसं तं होति दीघरत्तं हिताय सुखाय। इदमस्स सुखसम्फस्सताय। सेय्यथापि तं कासिकवत्थं सुखसम्फस्सं, तथूपमो अयं पुग्गलो। येसं खो पन सो पटिग्गण्हाति चीवरपिण्डपातसेनासनगिलानपच्चयभेसज्जपरिक्खारं, तेसं तं महप्फलं होति महानिसंसं। इदमस्स महग्घताय। सेय्यथापि तं कासिकवत्थं महग्घं, तथूपमो अयं पुग्गलो।

एवरूपो चे थेरो भिक्खु सङ्गमज्झे भणति, तमेनं भिक्खू एवमाहंसु — “अप्पसद्दा आयस्मन्तो होथ, थेरो भिक्खु धम्मञ्च विनयञ्च भणती”ति। तस्स तं वचनं आधेय्यं गच्छति, गन्धकरण्डकेव नं कासिकवत्थं। इमे तयो

कासिकवत्पूमा पुगगला सन्तो संविज्जमाना भिक्खूसु ।

११८. कतमो च पुगगलो सुप्पमेय्यो? इधेकच्चो पुगगलो उद्धतो होति उन्नलो चपलो मुखरो विकिण्णवाचो मुट्ठस्सति असम्पजानो असमाहितो विब्भन्तचित्तो पाकटिन्द्रियो — अयं वुच्चति पुगगलो “सुप्पमेय्यो” ।

११९. कतमो च पुगगलो दुप्पमेय्यो? इधेकच्चो पुगगलो अनुद्धतो होति अनुन्नलो अचपलो अमुखरो अविकिण्णवाचो उपट्ठितस्सति सम्पजानो समाहितो एकगगचित्तो संवुतिन्द्रियो — अयं वुच्चति पुगगलो “दुप्पमेय्यो” ।

१२०. कतमो च पुगगलो अप्पमेय्यो? इधेकच्चो पुगगलो आसवानं खया अनासवं चेतोविमुत्तिं पज्जाविमुत्तिं दिट्ठेव धम्मे सयं अभिज्जा सच्छिकत्वा उपसम्पज्ज विहरति — अयं वुच्चति पुगगलो “अप्पमेय्यो” ।

१२१. कतमो च पुगगलो न सेवितब्बो न भजितब्बो न पयिरुपासितब्बो? इधेकच्चो पुगगलो हीनो होति सीलेन समाधिना पज्जाय । एवरूपो पुगगलो न सेवितब्बो न भजितब्बो न पयिरुपासितब्बो, अज्जत्र अनुदया अज्जत्र अनुकम्पा ।

१२२. कतमो च पुगगलो सेवितब्बो भजितब्बो पयिरुपासितब्बो? इधेकच्चो पुगगलो सदिसो होति सीलेन समाधिना पज्जाय । एवरूपो पुगगलो सेवितब्बो भजितब्बो पयिरुपासितब्बो । तं किस्स हेतु? “सीलसामज्जगतानं सतं सीलकथा च नो भविस्सति, सा च नो फासु भविस्सति, सा च नो पवत्तिनी भविस्सति; समाधिसामज्जगतानं सतं समाधिकथा च नो भविस्सति, सा च नो फासु भविस्सति, सा च नो पवत्तिनी [पवत्तिनी (सी०) अ० नि० ३.२६] भविस्सति; पज्जासामज्जगतानं सतं पज्जाकथा च नो भविस्सति, सा च नो फासु भविस्सति, सा च नो पवत्तिनी भविस्सती”ति । तस्मा एवरूपो पुगगलो सेवितब्बो भजितब्बो पयिरुपासितब्बो ।

१२३. कतमो च पुगगलो सक्कत्वा गरुं कत्वा सेवितब्बो भजितब्बो पयिरुपासितब्बो? इधेकच्चो पुगगलो अधिको होति सीलेन समाधिना पज्जाय । एवरूपो पुगगलो सक्कत्वा गरुं कत्वा सेवितब्बो भजितब्बो पयिरुपासितब्बो । तं किस्स हेतु? “अपरिपूरं वा सीलक्खन्धं परिपूरेस्सामि, परिपूरं वा सीलक्खन्धं तत्थ तत्थ पज्जाय अनुग्गहेस्सामि; अपरिपूरं वा समाधिकक्खन्धं परिपूरेस्सामि, परिपूरं वा समाधिकक्खन्धं तत्थ तत्थ पज्जाय अनुग्गहेस्सामि; अपरिपूरं वा पज्जाक्खन्धं परिपूरेस्सामि, परिपूरं वा पज्जाक्खन्धं तत्थ तत्थ पज्जाय अनुग्गहेस्सामी”ति । तस्मा एवरूपो पुगगलो सक्कत्वा गरुं कत्वा सेवितब्बो भजितब्बो पयिरुपासितब्बो ।

१२४. कतमो च पुगगलो जिगुच्छितब्बो न सेवितब्बो न भजितब्बो न पयिरुपासितब्बो? इधेकच्चो पुगगलो दुस्सीलो होति पापधम्मो असुचि सङ्कस्सरसमाचारो पटिच्छन्नकम्मन्तो अस्समणो समणपटिज्जो अब्रह्मचारी ब्रह्मचारिपटिज्जो अन्तोपूति अवस्सुतो कसम्बुजातो । एवरूपो पुगगलो जिगुच्छितब्बो न सेवितब्बो न भजितब्बो न पयिरुपासितब्बो । तं किस्स हेतु? किञ्चापि एवरूपस्स पुगगलस्स न दिट्ठानुगतिं आपज्जति, अथ खो नं पापको कित्तिसद्दो अब्भुग्गच्छति — “पापमित्तो पुरिसपुगगलो पापसहायो पापसम्पवङ्को”ति । सेय्यथापि नाम अहि गूथगतो किञ्चापि न डंसति, अथ खो नं मक्खेति; एवमेवं किञ्चापि एवरूपस्स पुगगलस्स न दिट्ठानुगतिं आपज्जति, अथ खो नं पापको कित्तिसद्दो अब्भुग्गच्छति — “पापमित्तो पुरिसपुगगलो पापसहायो पापसम्पवङ्को”ति! तस्मा एवरूपो पुगगलो जिगुच्छितब्बो न सेवितब्बो न भजितब्बो न पयिरुपासितब्बो ।

१२५. कतमो च पुग्गलो अज्झुपेक्खितब्बो न सेवितब्बो न भजितब्बो न पयिरुपासितब्बो? इधेकच्चो पुग्गलो कोधनो होति उपायासबहुलो, अप्पम्पि वुत्तो समानो अभिसज्जति कुप्पति ब्यापज्जति पतित्थीयति, कोपञ्च दोसञ्च अप्पच्चयञ्च पातुकरोति । सेय्यथापि नाम दुट्ठारुको कट्टेन वा कठलाय वा घट्टितो भिय्योसो मत्ताय आसवं देति, एवमेवं इधेकच्चो पुग्गलो कोधनो होति उपायासबहुलो, अप्पम्पि वुत्तो समानो अभिसज्जति कुप्पति ब्यापज्जति पतित्थीयति, कोपञ्च दोसञ्च अप्पच्चयञ्च पातुकरोति । सेय्यथापि नाम तिन्दुकालातं कट्टेन वा कठलाय वा घट्टितं भिय्योसो मत्ताय चिच्चिटायति चिटिचिटायति, एवमेवं इधेकच्चो पुग्गलो कोधनो होति उपायासबहुलो, अप्पम्पि वुत्तो समानो अभिसज्जति कुप्पति ब्यापज्जति पतित्थीयति, कोपञ्च दोसञ्च अप्पच्चयञ्च पातुकरोति । सेय्यथापि नाम गूथकूपो कट्टेन वा कठलाय वा घट्टितो भिय्योसो मत्ताय दुग्गन्धो होति, एवमेवं इधेकच्चो पुग्गलो कोधनो होति उपायासबहुलो, अप्पम्पि वुत्तो समानो अभिसज्जति कुप्पति ब्यापज्जति पतित्थीयति, कोपञ्च दोसञ्च अप्पच्चयञ्च पातुकरोति; एवरूपो पुग्गलो अज्झुपेक्खितब्बो न सेवितब्बो न भजितब्बो न पयिरुपासितब्बो । तं किस्स हेतु? “अवकोसेय्यपि मं परिभासेय्यपि मं अनत्थम्पि मे करेय्या”ति! तस्मा एवरूपो पुग्गलो अज्झुपेक्खितब्बो न सेवितब्बो न भजितब्बो न पयिरुपासितब्बो ।

१२६. कतमो च पुग्गलो सेवितब्बो भजितब्बो पयिरुपासितब्बो? इधेकच्चो पुग्गलो सीलवा होति कल्याणधम्मो — एवरूपो पुग्गलो सेवितब्बो भजितब्बो पयिरुपासितब्बो । तं किस्स हेतु? किञ्चापि एवरूपस्स पुग्गलस्स न दिट्ठानुगतिं आपज्जति, अथ खो नं कल्याणो कित्तिसद्दो अब्भुग्गच्छति — “कल्याणमित्तो पुरिसपुग्गलो कल्याणसहायो कल्याणसम्पवङ्को”ति! तस्मा एवरूपो पुग्गलो सेवितब्बो भजितब्बो पयिरुपासितब्बो ।

१२७. कतमो च पुग्गलो सीलेसु परिपूरकारी, समाधिस्मिं मत्तसो कारी, पज्जाय मत्तसो कारी? सोतापन्नसकदागामिनो — इमे वुच्चन्ति पुग्गला सीलेसु परिपूरकारिनो, समाधिस्मिं मत्तसो कारिनो, पज्जाय मत्तसो कारिनो ।

१२८. कतमो च पुग्गलो सीलेसु च परिपूरकारी, समाधिस्मिञ्च परिपूरकारी, पज्जाय मत्तसो कारी? अनागामी — अयं वुच्चति पुग्गलो सीलेसु च परिपूरकारी, समाधिस्मिञ्च परिपूरकारी, पज्जाय मत्तसो कारी ।

१२९. कतमो च पुग्गलो सीलेसु च परिपूरकारी, समाधिस्मिञ्च परिपूरकारी, पज्जाय च परिपूरकारी? अरहा — अयं वुच्चति पुग्गलो सीलेसु च परिपूरकारी, समाधिस्मिञ्च परिपूरकारी, पज्जाय च परिपूरकारी ।

१३०. तत्थ कतमे तयो सत्थारो? इधेकच्चो सत्था कामानं परिज्जं पज्जपेति [पज्जापेति (सी० स्या०)], न रूपानं परिज्जं पज्जपेति, न वेदनानं परिज्जं पज्जपेति । इध पनेकच्चो सत्था कामानञ्च परिज्जं पज्जपेति, रूपानञ्च परिज्जं पज्जपेति, न वेदनानं परिज्जं पज्जपेति । इध पनेकच्चो सत्था कामानञ्च परिज्जं पज्जपेति, रूपानञ्च परिज्जं पज्जपेति, वेदनानञ्च परिज्जं पज्जपेति ।

तत्र ख्यायं सत्था कामानं परिज्जं पज्जपेति, न रूपानं परिज्जं पज्जपेति, न वेदनानं परिज्जं पज्जपेति, रूपावचरसमापत्तिया लाभी सत्था तेन दट्ठब्बो । तत्र ख्यायं सत्था कामानञ्च परिज्जं पज्जपेति, रूपानञ्च परिज्जं पज्जपेति, न वेदनानं परिज्जं पज्जपेति, अरूपावचरसमापत्तिया लाभी सत्था तेन दट्ठब्बो । तत्र ख्यायं सत्था कामानञ्च परिज्जं पज्जपेति, रूपानञ्च परिज्जं पज्जपेति, वेदनानञ्च परिज्जं पज्जपेति, सम्मासम्बुद्धो सत्था तेन दट्ठब्बो । इमे तयो सत्थारो ।

१३१. तत्थ कतमे अपरेपि तयो सत्थारो? इधेकच्चो सत्था दिट्ठे चेव धम्मे अत्तानं सच्चतो थेततो पज्जपेति, अभिसम्परायञ्च अत्तानं सच्चतो थेततो पज्जपेति । इध पनेकच्चो सत्था दिट्ठे चेव धम्मे अत्तानं सच्चतो थेततो पज्जपेति, नो च खो अभिसम्परायं अत्तानं सच्चतो थेततो पज्जपेति । इध पनेकच्चो सत्था दिट्ठे चेव धम्मे अत्तानं सच्चतो थेततो न पज्जपेति, अभिसम्परायञ्च अत्तानं सच्चतो थेततो न पज्जपेति ।

तत्र ख्यायं सत्था दिट्ठे चेव धम्मे अत्तानं सच्चतो थेततो पज्जपेति, अभिसम्परायञ्च अत्तानं सच्चतो थेततो पज्जपेति, सस्सतवादो सत्था तेन दट्ठब्बो । तत्र ख्यायं सत्था दिट्ठे चेव धम्मे अत्तानं सच्चतो थेततो पज्जपेति, नो च खो अभिसम्परायं अत्तानं सच्चतो थेततो पज्जपेति, उच्छेदवादो सत्था तेन दट्ठब्बो । तत्र ख्यायं सत्था दिट्ठे चेव धम्मे अत्तानं सच्चतो थेततो न पज्जपेति, अभिसम्परायञ्च अत्तानं सच्चतो थेततो न पज्जपेति, सम्मासम्बुद्धो सत्था तेन दट्ठब्बो । इमे अपरेपि तयो सत्थारो ।

तिकनिद्देशो ।

#### ४. चतुक्कपुग्गलपज्जत्ति

१३२. कतमो च पुग्गलो असप्पुरिसो? इधेकच्चो पुग्गलो पाणातिपाती होति, अदिन्नादायी होति, कामेसुमिच्छाचारी होति, मुसावादी होति, सुरामेरयमज्जपमादट्ठायी होति — अयं वुच्चति पुग्गलो “असप्पुरिसो” ।

१३३. कतमो च पुग्गलो असप्पुरिसेन असप्पुरिसतरो? इधेकच्चो पुग्गलो अत्तना च पाणातिपाती होति परञ्च पाणातिपाते समादपेति, अत्तना च अदिन्नादायी होति परञ्च अदिन्नादाने समादपेति, अत्तना च कामेसुमिच्छाचारी होति परञ्च कामेसुमिच्छाचारे समादपेति, अत्तना च मुसावादी होति परञ्च मुसावादे समादपेति, अत्तना च सुरामेरयमज्जपमादट्ठायी होति परञ्च सुरामेरयमज्जपमादट्ठाने समादपेति — अयं वुच्चति पुग्गलो “असप्पुरिसेन असप्पुरिसतरो” ।

१३४. कतमो च पुग्गलो सप्पुरिसो? इधेकच्चो पुग्गलो पाणातिपाता पटिविरतो होति, अदिन्नादाना पटिविरतो होति, कामेसुमिच्छाचारा पटिविरतो होति, मुसावादा पटिविरतो होति, सुरामेरयमज्जपमादट्ठाना पटिविरतो होति — अयं वुच्चति पुग्गलो “सप्पुरिसो” ।

१३५. कतमो च पुग्गलो सप्पुरिसेन सप्पुरिसतरो? इधेकच्चो पुग्गलो अत्तना च पाणातिपाता पटिविरतो होति परञ्च पाणातिपाता वेरमणिया समादपेति, अत्तना च अदिन्नादाना पटिविरतो होति परञ्च अदिन्नादाना वेरमणिया समादपेति, अत्तना च कामेसुमिच्छाचारा पटिविरतो होति परञ्च कामेसुमिच्छाचारा वेरमणिया समादपेति, अत्तना च मुसावादा पटिविरतो होति परञ्च मुसावादा वेरमणिया समादपेति, अत्तना च सुरामेरयमज्जपमादट्ठाना पटिविरतो होति परञ्च सुरामेरयमज्जपमादट्ठाना वेरमणिया समादपेति — अयं वुच्चति पुग्गलो “सप्पुरिसेन सप्पुरिसतरो” ।

१३६. कतमो च पुग्गलो पापो? इधेकच्चो पुग्गलो पाणातिपाती होति, अदिन्नादायी होति, कामेसुमिच्छाचारी होति, मुसावादी होति, पिसुणवाचो [पिसुणावाचो] होति, फरुसवाचो [फरुसावाचो (सी०) दी० नि० ३.११५] होति, सम्फप्पलापी होति, अभिज्जालु होति, ब्यापन्नचित्तो होति, मिच्छादिट्ठि [मिच्छादिट्ठी (क०)] होति — अयं वुच्चति पुग्गलो “पापो” ।

१३७. कतमो च पुग्गलो पापेन पापतरो? इधेकच्चो पुग्गलो अत्तना च पाणातिपाती होति परञ्च पाणातिपाते समादपेति, अत्तना च अदिन्नादायी होति परञ्च अदिन्नादाने समादपेति, अत्तना च कामेसुमिच्छाचारी होति परञ्च कामेसुमिच्छाचारे समादपेति, अत्तना च मुसावादी होति परञ्च मुसावादे समादपेति, अत्तना च पिसुणवाचो होति परञ्च पिसुणाय वाचाय समादपेति, अत्तना च फरुसवाचो होति परञ्च फरुसाय वाचाय समादपेति, अत्तना च सम्फप्पलापी होति परञ्च सम्फप्पलापे समादपेति, अत्तना च अभिज्झालु होति परञ्च अभिज्झाय समादपेति, अत्तना च ब्यापन्नचित्तो होति परञ्च ब्यापादे समादपेति, अत्तना च मिच्छादिट्ठि होति परञ्च मिच्छादिट्ठिया समादपेति — अयं वुच्चति पुग्गलो “पापेन पापतरो” ।

१३८. कतमो च पुग्गलो कल्याणो? इधेकच्चो पुग्गलो पाणातिपाता पटिविरतो होति, अदिन्नादाना पटिविरतो होति, कामेसुमिच्छाचारा पटिविरतो होति, मुसावादा पटिविरतो होति, पिसुणाय वाचाय पटिविरतो होति, फरुसाय वाचाय पटिविरतो होति, सम्फप्पलापा पटिविरतो होति, अनभिज्झालु होति, अब्यापन्नचित्तो होति, सम्मादिट्ठि [सम्मादिट्ठी (क०)] होति — अयं वुच्चति पुग्गलो “कल्याणो” ।

१३९. कतमो च पुग्गलो कल्याणेन कल्याणतरो? इधेकच्चो पुग्गलो अत्तना च पाणातिपाता पटिविरतो होति परञ्च पाणातिपाता वेरमणिया समादपेति, अत्तना च अदिन्नादाना पटिविरतो होति परञ्च अदिन्नादाना वेरमणिया समादपेति, अत्तना च कामेसुमिच्छाचारा पटिविरतो होति परञ्च कामेसुमिच्छाचारा वेरमणिया समादपेति, अत्तना च मुसावादा पटिविरतो होति परञ्च मुसावादा वेरमणिया समादपेति, अत्तना च पिसुणाय वाचाय पटिविरतो होति परञ्च पिसुणाय वाचाय वेरमणिया समादपेति, अत्तना च फरुसाय वाचाय पटिविरतो होति परञ्च फरुसाय वाचाय वेरमणिया समादपेति, अत्तना च सम्फप्पलापा पटिविरतो होति परञ्च सम्फप्पलापा वेरमणिया समादपेति, अत्तना च अनभिज्झालु होति परञ्च अनभिज्झाय समादपेति, अत्तना च अब्यापन्नचित्तो होति परञ्च अब्यापादे समादपेति, अत्तना च सम्मादिट्ठि होति परञ्च सम्मादिट्ठिया समादपेति — अयं वुच्चति पुग्गलो “कल्याणेन कल्याणतरो” ।

१४०. कतमो च पुग्गलो पापधम्मो? इधेकच्चो पुग्गलो पाणातिपाती होति, अदिन्नादायी होति...पे०... मिच्छादिट्ठि होति — अयं वुच्चति पुग्गलो “पापधम्मो” ।

१४१. कतमो च पुग्गलो पापधम्मेन पापधम्मतरो? इधेकच्चो पुग्गलो अत्तना च पाणातिपाती होति परञ्च पाणातिपाते समादपेति, अत्तना च अदिन्नादायी होति परञ्च अदिन्नादाने समादपेति...पे०... अत्तना च मिच्छादिट्ठि होति परञ्च मिच्छादिट्ठिया समादपेति — अयं वुच्चति पुग्गलो “पापधम्मेन पापधम्मतरो” ।

१४२. कतमो च पुग्गलो कल्याणधम्मो? इधेकच्चो पुग्गलो पाणातिपाता पटिविरतो होति, अदिन्नादाना पटिविरतो होति...पे०... समादिट्ठि होति — अयं वुच्चति पुग्गलो “कल्याणधम्मो” ।

१४३. कतमो च पुग्गलो कल्याणधम्मेन कल्याणधम्मतरो? इधेकच्चो पुग्गलो अत्तना च पाणातिपाता पटिविरतो होति परञ्च पाणातिपाता वेरमणिया समादपेति...पे०... अत्तना च सम्मादिट्ठि होति परञ्च सम्मादिट्ठिया समादपेति — अयं वुच्चति पुग्गलो “कल्याणधम्मेन कल्याणधम्मतरो” ।

१४४. कतमो च पुग्गलो सावज्जो? इधेकच्चो पुग्गलो सावज्जेन कायकम्मेन समन्नागतो होति, सावज्जेन

वचीकम्मेन समन्नागतो होति, सावज्जेन मनोकम्मेन समन्नागतो होति — अयं वुच्चति पुग्गलो “सावज्जो” ।

१४५. कतमो च पुग्गलो वज्जबहुलो? इधेकच्चो पुग्गलो सावज्जेन बहुलं कायकम्मेन समन्नागतो होति अप्पं अनवज्जेन, सावज्जेन बहुलं वचीकम्मेन समन्नागतो होति अप्पं अनवज्जेन, सावज्जेन बहुलं मनोकम्मेन समन्नागतो होति अप्पं अनवज्जेन — अयं वुच्चति पुग्गलो “वज्जबहुलो” ।

१४६. कतमो च पुग्गलो अप्पवज्जो? इधेकच्चो पुग्गलो अनवज्जेन बहुलं कायकम्मेन समन्नागतो होति अप्पं सावज्जेन, अनवज्जेन बहुलं वचीकम्मेन समन्नागतो होति अप्पं सावज्जेन, अनवज्जेन बहुलं मनोकम्मेन समन्नागतो होति अप्पं सावज्जेन — अयं वुच्चति पुग्गलो “अप्पवज्जो” ।

१४७. कतमो च पुग्गलो अनवज्जो? इधेकच्चो पुग्गलो अनवज्जेन कायकम्मेन समन्नागतो होति, अनवज्जेन वचीकम्मेन समन्नागतो होति, अनवज्जेन मनोकम्मेन समन्नागतो होति — अयं वुच्चति पुग्गलो “अनवज्जो” ।

१४८. कतमो च पुग्गलो उग्घटितज्जू? यस्स पुग्गलस्स सह उदाहटवेलाय धम्माभिसमयो होति — अयं वुच्चति पुग्गलो “उग्घटितज्जू” ।

१४९. कतमो च पुग्गलो विपज्चितज्जू? यस्स पुग्गलस्स संखित्तेन भासितस्स वित्थारेन अत्थे विभजियमाने धम्माभिसमयो होति — अयं वुच्चति पुग्गलो “विपज्चितज्जू” ।

१५०. कतमो च पुग्गलो नेय्यो? यस्स पुग्गलस्स उद्देसतो परिपुच्छतो योनिसो मनसिकरोतो कल्याणमित्ते सेवतो भजतो पयिरुपासतो एवं अनुपुब्बेन धम्माभिसमयो होति — अयं वुच्चति पुग्गलो “नेय्यो” ।

१५१. कतमो च पुग्गलो पदपरमो? यस्स पुग्गलस्स बहुम्पि सुणतो बहुम्पि भणतो बहुम्पि धारयतो बहुम्पि वाचयतो न ताव जातिया धम्माभिसमयो होति — अयं वुच्चति पुग्गलो “पदपरमो” ।

१५२. कतमो च पुग्गलो युत्तप्पटिभानो [युत्तप्पटिभाणो (स्या०) अ० नि० ४.१३२] नो मुत्तप्पटिभानो? इधेकच्चो पुग्गलो पज्झं पुट्ठो समानो युत्तं वदति नो सीधं — अयं वुच्चति पुग्गलो “युत्तप्पटिभानो नो मुत्तप्पटिभानो” ।

१५३. कतमो च पुग्गलो मुत्तप्पटिभानो नो युत्तप्पटिभानो? इधेकच्चो पुग्गलो पज्झं पुट्ठो समानो सीधं वदति नो युत्तं — अयं वुच्चति पुग्गलो “मुत्तप्पटिभानो नो युत्तप्पटिभानो” ।

१५४. कतमो च पुग्गलो युत्तप्पटिभानो च मुत्तप्पटिभानो च? इधेकच्चो पुग्गलो पज्झं पुट्ठो समानो युत्तञ्च वदति सीधञ्च — अयं वुच्चति पुग्गलो “युत्तप्पटिभानो च मुत्तप्पटिभानो च” ।

१५५. कतमो च पुग्गलो नेव युत्तप्पटिभानो नो मुत्तप्पटिभानो? इधेकच्चो पुग्गलो पज्झं पुट्ठो समानो नेव युत्तं वदति नो सीधं — अयं वुच्चति, पुग्गलो “नेव युत्तप्पटिभानो नो मुत्तप्पटिभानो” ।

१५६. तत्थ कतमे चत्तारो धम्मकथिका पुग्गला? इधेकच्चो धम्मकथिको अप्पञ्च भासति असहितञ्च, परिसा चस्स



न कुसला होति सहितासहितस्स । एवरूपो धम्मकथिको एवरूपाय परिसाय धम्मकथिकोत्वेव सङ्खं गच्छति ।

इध पनेकच्चो धम्मकथिको अप्पञ्च भासति सहितञ्च, परिसा चस्स कुसला होति सहितासहितस्स । एवरूपो धम्मकथिको एवरूपाय परिसाय धम्मकथिकोत्वेव सङ्खं गच्छति ।

इध पनेकच्चो धम्मकथिको बहुञ्च भासति असहितञ्च, परिसा चस्स न कुसला होति सहितासहितस्स । एवरूपो धम्मकथिको एवरूपाय परिसाय धम्मकथिकोत्वेव सङ्खं गच्छति ।

इध पनेकच्चो धम्मकथिको बहुञ्च भासति सहितञ्च, परिसा चस्स कुसला होति सहितासहितस्स । एवरूपो धम्मकथिको एवरूपाय परिसाय धम्मकथिकोत्वेव सङ्खं गच्छति । इमे चत्तारो “धम्मकथिका पुग्गला” ।

१५७. तत्थ कतमे चत्तारो वलाहकूपमा पुग्गला? चत्तारो वलाहका — गज्जिता नो वस्सिता, वस्सिता नो गज्जिता, गज्जिता च वस्सिता च, नेव गज्जिता नो वस्सिता । एवमेवं चत्तारोमे वलाहकूपमा पुग्गला सन्तो संविज्जमाना लोकस्मिं । कतमे चत्तारो? गज्जिता नो वस्सिता, वस्सिता नो गज्जिता, गज्जिता च वस्सिता च, नेव गज्जिता नो वस्सिता ।

कथञ्च पुग्गलो गज्जिता होति नो वस्सिता? इधेकच्चो पुग्गलो भासिता होति, नो कत्ता । एवं पुग्गलो गज्जिता होति, नो वस्सिता । सेय्यथापि सो वलाहको गज्जिता नो वस्सिता, तथूपमो अयं पुग्गलो ।

कथञ्च पुग्गलो वस्सिता होति नो गज्जिता? इधेकच्चो पुग्गलो कत्ता होति, नो भासिता । एवं पुग्गलो वस्सिता होति नो गज्जिता । सेय्यथापि सो वलाहको वस्सिता नो गज्जिता, तथूपमो अयं पुग्गलो ।

कथञ्च पुग्गलो गज्जिता च होति वस्सिता च? इधेकच्चो पुग्गलो भासिता च होति, कत्ता च । एवं पुग्गलो गज्जिता च होति वस्सिता च । सेय्यथापि सो वलाहको गज्जिता च वस्सिता च, तथूपमो अयं पुग्गलो ।

कथञ्च पुग्गलो नेव गज्जिता होति नो वस्सिता? इधेकच्चो पुग्गलो नेव भासिता होति नो कत्ता । एवं पुग्गलो नेव गज्जिता होति नो वस्सिता । सेय्यथापि सो वलाहको नेव गज्जिता नो वस्सिता, तथूपमो अयं पुग्गलो ।

इमे चत्तारो वलाहकूपमा पुग्गला सन्तो संविज्जमाना लोकस्मिं ।

१५८. तत्थ कतमे चत्तारो मूसिकूपमा पुग्गला? चतस्सो मूसिका — गाधं कत्ता नो वसिता, वसिता नो गाधं कत्ता, गाधं कत्ता च वसिता च, नेव गाधं कत्ता नो वसिता । एवमेवं चत्तारोमे मूसिकूपमा पुग्गला सन्तो संविज्जमाना लोकस्मिं । कतमे चत्तारो? गाधं कत्ता नो वसिता, वसिता नो गाधं कत्ता, गाधं कत्ता च वसिता च, नेव गाधं कत्ता नो वसिता ।

कथञ्च पुग्गलो गाधं कत्ता होति नो वसिता? इधेकच्चो पुग्गलो धम्मं परियापुणाति — सुत्तं गेय्यं वेय्याकरणं गाधं उदानं इतिवुत्तकं जातकं अब्भुतधम्मं वेदल्लं । सो “इदं दुक्ख”न्ति यथाभूतं नप्पजानाति, “अयं दुक्खसमुदयो”ति यथाभूतं नप्पजानाति, “अयं दुक्खनिरोधो”ति यथाभूतं नप्पजानाति, “अयं दुक्खनिरोधगामिनी पटिपदा”ति यथाभूतं नप्पजानाति । एवं पुग्गलो गाधं कत्ता होति नो वसिता । सेय्यथापि सा मूसिका गाधं कत्ता नो वसिता, तथूपमो अयं पुग्गलो ।



कथञ्च पुग्गलो वसिता होति नो गाधं कत्ता? इधेकच्चो पुग्गलो धम्मं न परियापुणाति — सुत्तं गेय्यं वेय्याकरणं गाथं उदानं इतिवुत्तकं जातकं अब्भुतधम्मं वेदल्लं । सो “इदं दुक्ख”न्ति यथाभूतं पजानाति, “अयं दुक्खसमुदयो”ति यथाभूतं पजानाति, “अयं दुक्खनिरोधो”ति यथाभूतं पजानाति, “अयं दुक्खनिरोधगामिनी पटिपदा”ति यथाभूतं पजानाति । एवं पुग्गलो वसिता होति नो गाधं कत्ता । सेय्यथापि सा मूसिका वसिता नो गाधं कत्ता, तथूपमो अयं पुग्गलो ।

कथञ्च पुग्गलो गाधं कत्ता च होति वसिता च? इधेकच्चो पुग्गलो धम्मं परियापुणाति — सुत्तं गेय्यं वेय्याकरणं गाथं उदानं इतिवुत्तकं जातकं अब्भुतधम्मं वेदल्लं । सो “इदं दुक्ख”न्ति यथाभूतं पजानाति, “अयं दुक्खसमुदयो”ति यथाभूतं पजानाति, “अयं दुक्खनिरोधो”ति यथाभूतं पजानाति, “अयं दुक्खनिरोधगामिनी पटिपदा”ति यथाभूतं पजानाति । एवं पुग्गलो गाधं कत्ता च होति वसिता च । सेय्यथापि सा मूसिका गाधं कत्ता च वसिता च, तथूपमो अयं पुग्गलो ।

कथञ्च पुग्गलो नेव गाधं कत्ता होति नो वसिता? इधेकच्चो पुग्गलो धम्मं न परियापुणाति — सुत्तं गेय्यं वेय्याकरणं गाथं उदानं इतिवुत्तकं जातकं अब्भुतधम्मं वेदल्लं । सो “इदं दुक्ख”न्ति यथाभूतं नप्पजानाति, “अयं दुक्खसमुदयो”ति यथाभूतं नप्पजानाति, “अयं दुक्खनिरोधो”ति यथाभूतं नप्पजानाति, “अयं दुक्खनिरोधगामिनी पटिपदा”ति यथाभूतं नप्पजानाति । एवं पुग्गलो नेव गाधं कत्ता होति नो वसिता । सेय्यथापि सा मूसिका नेव गाधं कत्ता नो वसिता, तथूपमो अयं पुग्गलो ।

इमे चत्तारो मूसिकूपमा पुग्गला सन्तो संविज्जमाना लोकस्मिं ।

१५९. तत्थ कतमे चत्तारो अम्बूपमा पुग्गला? चत्तारि अम्बानि — आमं पक्कवणिण [\[पक्कवणी\]](#), पक्कं आमवणिण [\[आमवणी \(स्यां कं\) अं निं ४.१०५\]](#), आमं आमवणिण, पक्कं पक्कवणिण । एवमेवं चत्तारोमे अम्बूपमा पुग्गला सन्तो संविज्जमाना लोकस्मिं । कतमे चत्तारो? आमो पक्कवणी, पक्को आमवणी, आमो आमवणी, पक्को पक्कवणी ।

कथञ्च पुग्गलो आमो होति पक्कवणी? इधेकच्चस्स पुग्गलस्स पासादिकं होति अभिक्कन्तं पटिक्कन्तं आलोकितं विलोकितं समिज्जितं [\[सम्मिज्जितं \(सीं स्यां\)\]](#) पसारितं सङ्गाटिपत्तचीवरधारणं । सो “इदं दुक्ख”न्ति यथाभूतं नप्पजानाति, “अयं दुक्खसमुदयो”ति यथाभूतं नप्पजानाति, “अयं दुक्खनिरोधो”ति यथाभूतं नप्पजानाति, “अयं दुक्खनिरोधगामिनी पटिपदा”ति यथाभूतं नप्पजानाति । एवं पुग्गलो आमो होति पक्कवणी । सेय्यथापि तं अम्बं आमं पक्कवणिण, तथूपमो अयं पुग्गलो ।

कथञ्च पुग्गलो पक्को होति आमवणी? इधेकच्चस्स पुग्गलस्स न पासादिकं होति अभिक्कन्तं पटिक्कन्तं आलोकितं विलोकितं समिज्जितं पसारितं सङ्गाटिपत्तचीवरधारणं । सो “इदं दुक्ख”न्ति यथाभूतं पजानाति, “अयं दुक्खसमुदयो”ति यथाभूतं पजानाति, “अयं दुक्खनिरोधो”ति यथाभूतं पजानाति, “अयं दुक्खनिरोधगामिनी पटिपदा”ति यथाभूतं पजानाति । एवं पुग्गलो पक्को होति आमवणी । सेय्यथापि तं अम्बं पक्कं आमवणिण, तथूपमो अयं पुग्गलो ।

कथञ्च पुग्गलो आमो होति आमवणी? इधेकच्चस्स पुग्गलस्स न पासादिकं होति अभिक्कन्तं पटिक्कन्तं आलोकितं विलोकितं समिज्जितं पसारितं सङ्गाटिपत्तचीवरधारणं । सो “इदं दुक्ख”न्ति यथाभूतं नप्पजानाति... पे०... “अयं दुक्खनिरोधगामिनी पटिपदा”ति यथाभूतं नप्पजानाति । एवं पुग्गलो आमो होति आमवणी । सेय्यथापि तं अम्बं आमं

आमवणि, तथूपमो अयं पुगगलो ।

कथञ्च पुगगलो पक्को होति पक्कवणी? इधेकच्चस्स पुगगलस्स पासादिकं होति अभिक्कन्तं पटिक्कन्तं आलोकितं विलोकितं समिज्जितं पसारितं सङ्घाटिपत्तचीवरधारणं । सो “इदं दुक्ख”न्ति यथाभूतं पजानाति ...पे०... “अयं दुक्खनिरोधगामिनी पटिपदा”ति यथाभूतं पजानाति । एवं पुगगलो पक्को होति पक्कवणी । सेय्यथापि तं अम्बं पक्कं पक्कवणि, तथूपमो अयं पुगगलो ।

इमे चत्तारो अम्बूपमा पुगगला सन्तो संविज्जमाना लोकस्मिं ।

१६०. तत्थ कतमे चत्तारो कुम्भूपमा पुगगला? चत्तारो कुम्भा — तुच्छो पिहितो, पूरो विवटो, तुच्छो विवटो, पूरो पिहितो । एवमेवं चत्तारोमे कुम्भूपमा पुगगला सन्तो संविज्जमाना लोकस्मिं । कतमे चत्तारो? तुच्छो पिहितो, पूरो विवटो, तुच्छो विवटो, पूरो पिहितो ।

कथञ्च पुगगलो तुच्छो होति पिहितो? इधेकच्चस्स पुगगलस्स पासादिकं होति अभिक्कन्तं पटिक्कन्तं आलोकितं विलोकितं समिज्जितं पसारितं सङ्घाटिपत्तचीवरधारणं । सो “इदं दुक्ख”न्ति यथाभूतं नप्पजानाति...पे०... “अयं दुक्खनिरोधगामिनी पटिपदा”ति यथाभूतं नप्पजानाति । एवं पुगगलो तुच्छो होति पिहितो । सेय्यथापि सो कुम्भो तुच्छो पिहितो, तथूपमो अयं पुगगलो ।

कथञ्च पुगगलो पूरो होति विवटो? इधेकच्चस्स पुगगलस्स न पासादिकं होति अभिक्कन्तं पटिक्कन्तं आलोकितं विलोकितं समिज्जितं पसारितं सङ्घाटिपत्तचीवरधारणं । सो “इदं दुक्ख”न्ति यथाभूतं पजानाति...पे०... “अयं दुक्खनिरोधगामिनी पटिपदा”ति यथाभूतं पजानाति । एवं पुगगलो पूरो होति विवटो । सेय्यथापि सो कुम्भो पूरो विवटो, तथूपमो अयं पुगगलो ।

कथञ्च पुगगलो तुच्छो होति विवटो? इधेकच्चस्स पुगगलस्स न पासादिकं होति अभिक्कन्तं पटिक्कन्तं आलोकितं विलोकितं समिज्जितं पसारितं सङ्घाटिपत्तचीवरधारणं । सो “इदं दुक्ख”न्ति यथाभूतं नप्पजानाति...पे०... “अयं दुक्खनिरोधगामिनी पटिपदा”ति यथाभूतं नप्पजानाति । एवं पुगगलो तुच्छो होति विवटो । सेय्यथापि सो कुम्भो तुच्छो विवटो, तथूपमो अयं पुगगलो ।

कथञ्च पुगगलो पूरो होति पिहितो? इधेकच्चस्स पुगगलस्स पासादिकं होति अभिक्कन्तं पटिक्कन्तं आलोकितं विलोकितं समिज्जितं पसारितं सङ्घाटिपत्तचीवरधारणं । सो “इदं दुक्ख”न्ति यथाभूतं पजानाति...पे०... “अयं दुक्खनिरोधगामिनी पटिपदा”ति यथाभूतं पजानाति । एवं पुगगलो पूरो होति पिहितो । सेय्यथापि सो कुम्भो पूरो पिहितो, तथूपमो अयं पुगगलो । इमे चत्तारो कुम्भूपमा पुगगला सन्तो संविज्जमाना लोकस्मिं ।

१६१. तत्थ कतमे चत्तारो उदकरहदूपमा पुगगला? चत्तारो उदकरहदा — उत्तानो गम्भीरोभासो, गम्भीरो उत्तानोभासो, उत्तानो उत्तानोभासो, गम्भीरो गम्भीरोभासो । एवमेवं चत्तारोमे उदकरहदूपमा पुगगला सन्तो संविज्जमाना लोकस्मिं । कतमे चत्तारो? उत्तानो गम्भीरोभासो, गम्भीरो उत्तानोभासो, उत्तानो उत्तानोभासो, गम्भीरो गम्भीरोभासो ।

कथञ्च पुगगलो उत्तानो होति गम्भीरोभासो? इधेकच्चस्स पुगगलस्स पासादिकं होति अभिक्कन्तं पटिक्कन्तं

आलोकितं विलोकितं समिञ्जितं पसारितं सङ्घाटिपत्तचीवरधारणं । सो “इदं दुक्ख”न्ति यथाभूतं नप्पजानाति...पे०... “अयं दुक्खनिरोधगामिनी पटिपदा”ति यथाभूतं नप्पजानाति । एवं पुग्गलो उत्तानो होति गम्भीरोभासो । सेय्यथापि सो उदकरहदो उत्तानो गम्भीरोभासो, तथूपमो अयं पुग्गलो ।

कथञ्च पुग्गलो गम्भीरो होति उत्तानोभासो? इधेकच्चस्स पुग्गलस्स न पासादिकं होति अभिक्कन्तं पटिक्कन्तं आलोकितं विलोकितं समिञ्जितं पसारितं सङ्घाटिपत्तचीवरधारणं । सो “इदं दुक्ख”न्ति यथाभूतं पजानाति...पे०... “अयं दुक्खनिरोधगामिनी पटिपदा”ति यथाभूतं पजानाति । एवं पुग्गलो गम्भीरो होति उत्तानोभासो । सेय्यथापि सो उदकरहदो गम्भीरो उत्तानोभासो, तथूपमो अयं पुग्गलो ।

कथञ्च पुग्गलो उत्तानो होति उत्तानोभासो? इधेकच्चस्स पुग्गलस्स न पासादिकं होति अभिक्कन्तं पटिक्कन्तं आलोकितं विलोकितं समिञ्जितं पसारितं सङ्घाटिपत्तचीवरधारणं । सो “इदं दुक्ख”न्ति यथाभूतं नप्पजानाति...पे०... “अयं दुक्खनिरोधगामिनी पटिपदा”ति यथाभूतं नप्पजानाति । एवं पुग्गलो उत्तानो होति उत्तानोभासो । सेय्यथापि सो उदकरहदो उत्तानो उत्तानोभासो, तथूपमो अयं पुग्गलो ।

कथञ्च पुग्गलो गम्भीरो होति गम्भीरोभासो? इधेकच्चस्स पुग्गलस्स पासादिकं होति अभिक्कन्तं पटिक्कन्तं आलोकितं विलोकितं समिञ्जितं पसारितं सङ्घाटिपत्तचीवरधारणं । सो “इदं दुक्ख”न्ति यथाभूतं पजानाति...पे०... “अयं दुक्खनिरोधगामिनी पटिपदा”ति यथाभूतं पजानाति । एवं पुग्गलो गम्भीरो होति गम्भीरोभासो । सेय्यथापि सो उदकरहदो गम्भीरो गम्भीरोभासो, तथूपमो अयं पुग्गलो । इमे चत्तारो उदकरहदूपमा पुग्गला सन्तो संविज्जमाना लोकस्मिं ।

१६२. तत्थ कतमे चत्तारो बलीबहूपमा पुग्गला? चत्तारो बलीबद्धा [बलिबद्धा (स्या०)] – सकगवचण्डो [सगवचण्डो (क० सी०) अ० नि० ४.१०८] नो परगवचण्डो, परगवचण्डो नो सकगवचण्डो, सकगवचण्डो च परगवचण्डो च, नेव सकगवचण्डो नो परगवचण्डो । एवमेवं चत्तारोमे बलीबहूपमा पुग्गला सन्तो संविज्जमाना लोकस्मिं । कतमे चत्तारो? सकगवचण्डो नो परगवचण्डो, परगवचण्डो नो सकगवचण्डो, सकगवचण्डो च परगवचण्डो च, नेव सकगवचण्डो नो परगवचण्डो ।

कथञ्च पुग्गलो सकगवचण्डो होति नो परगवचण्डो? इधेकच्चो पुग्गलो सकपरिसं उब्बेजिता होति, नो परपरिसं । एवं पुग्गलो सकगवचण्डो होति नो परगवचण्डो । सेय्यथापि सो बलीबद्धो सकगवचण्डो नो परगवचण्डो, तथूपमो अयं पुग्गलो ।

कथञ्च पुग्गलो परगवचण्डो होति नो सकगवचण्डो? इधेकच्चो पुग्गलो परपरिसं उब्बेजिता होति, नो सकपरिसं । एवं पुग्गलो परगवचण्डो होति नो सकगवचण्डो । सेय्यथापि सो बलीबद्धो परगवचण्डो नो सकगवचण्डो, तथूपमो अयं पुग्गलो ।

कथञ्च पुग्गलो सकगवचण्डो च होति परगवचण्डो च? इधेकच्चो पुग्गलो सकपरिसञ्च उब्बेजिता होति, परपरिसञ्च । एवं पुग्गलो सकगवचण्डो च होति परगवचण्डो च । सेय्यथापि सो बलीबद्धो सकगवचण्डो च परगवचण्डो च, तथूपमो अयं पुग्गलो ।

कथञ्च पुग्गलो नेव सकगवचण्डो होति नो परगवचण्डो? इधेकच्चो पुग्गलो नेव सकपरिसं उब्बेजिता होति नो परपरिसं। एवं पुग्गलो नेव सकगवचण्डो होति नो परगवचण्डो। सेय्यथापि सो बलीबद्धो नेव सकगवचण्डो नो परगवचण्डो, तथूपमो अयं पुग्गलो। इमे चत्तारो बलीबद्धूपमा पुग्गला सन्तो संविज्जमाना लोकस्मिं।

१६३. तत्थ कतमे चत्तारो आसीविसूपमा पुग्गला? चत्तारो आसीविसा [आसिविसा (स्या०)] — आगतविसो नो घोरविसो, घोरविसो नो आगतविसो, आगतविसो च घोरविसो च, नेव आगतविसो नो घोरविसो। एवमेवं चत्तारोमे आसीविसूपमा पुग्गला सन्तो संविज्जमाना लोकस्मिं। कतमे चत्तारो? आगतविसो नो घोरविसो, घोरविसो नो आगतविसो, आगतविसो च घोरविसो च, नेव आगतविसो नो घोरविसो।

कथञ्च पुग्गलो आगतविसो होति नो घोरविसो? इधेकच्चो पुग्गलो अभिण्हं कुज्झति। सो च ख्वस्स कोधो न चिरं दीघरत्तं अनुसेति। एवं पुग्गलो आगतविसो होति, नो घोरविसो। सेय्यथापि सो आसीविसो आगतविसो नो घोरविसो, तथूपमो अयं पुग्गलो।

कथञ्च पुग्गलो घोरविसो होति नो आगतविसो? इधेकच्चो पुग्गलो नहेव खो [नेव खो (सी०) अ० नि० ४.११०] अभिण्हं कुज्झति। सो च ख्वस्स कोधो चिरं दीघरत्तं अनुसेति। एवं पुग्गलो घोरविसो होति, नो आगतविसो। सेय्यथापि सो आसीविसो घोरविसो नो आगतविसो, तथूपमो अयं पुग्गलो।

कथञ्च पुग्गलो आगतविसो च होति घोरविसो च? इधेकच्चो पुग्गलो अभिण्हं कुज्झति। सो च ख्वस्स कोधो चिरं दीघरत्तं अनुसेति। एवं पुग्गलो आगतविसो च होति घोरविसो च। सेय्यथापि सो आसीविसो आगतविसो च घोरविसो च, तथूपमो अयं पुग्गलो।

कथञ्च पुग्गलो नेव आगतविसो होति नो घोरविसो? इधेकच्चो पुग्गलो नहेव खो अभिण्हं कुज्झति। सो च ख्वस्स कोधो न चिरं दीघरत्तं अनुसेति। एवं पुग्गलो नेव आगतविसो होति नो घोरविसो। सेय्यथापि सो आसीविसो नेव आगतविसो नो घोरविसो, तथूपमो अयं पुग्गलो। इमे चत्तारो आसीविसूपमा पुग्गला सन्तो संविज्जमाना लोकस्मिं।

१६४. कथञ्च पुग्गलो अननुविच्च अपरियोगाहेत्वा अवण्णारहस्स वण्णं भासिता होति? इधेकच्चो पुग्गलो दुप्पटिपन्नानं मिच्छापटिपन्नानं तित्थियानं तित्थियसावकानं वण्णं भासति — “सुप्पटिपन्ना” इतिपि, “सम्मपटिपन्ना” इतिपीति। एवं पुग्गलो अननुविच्च अपरियोगाहेत्वा अवण्णारहस्स वण्णं भासिता होति।

कथञ्च पुग्गलो अननुविच्च अपरियोगाहेत्वा वण्णारहस्स अवण्णं भासिता होति? इधेकच्चो पुग्गलो सुप्पटिपन्नानं सम्मपटिपन्नानं बुद्धानं बुद्धसावकानं अवण्णं भासति — “दुप्पटिपन्ना” इतिपि, “मिच्छापटिपन्ना” इतिपीति। एवं पुग्गलो अननुविच्च अपरियोगाहेत्वा वण्णारहस्स अवण्णं भासिता होति।

कथञ्च पुग्गलो अननुविच्च अपरियोगाहेत्वा अप्पसादनीये ठाने पसादं उपदंसिता होति? इधेकच्चो पुग्गलो दुप्पटिपदाय मिच्छापटिपदाय पसादं जनेति — “सुप्पटिपदा” इतिपि, “सम्मपटिपदा” इतिपीति। एवं पुग्गलो अननुविच्च अपरियोगाहेत्वा अप्पसादनीये ठाने पसादं उपदंसिता होति।

कथञ्च पुग्गलो अननुविच्च अपरियोगाहेत्वा पसादनीये ठाने अप्पसादं उपदंसिता होति? इधेकच्चो पुग्गलो

सुप्पटिपदाय सम्मापटिपदाय अप्पसादं जनेति — “दुप्पटिपदा” इतिपि, “मिच्छापटिपदा” इतिपीति । एवं पुग्गलो अननुविच्च अपरियोगाहेत्वा पसादनीये ठाने अप्पसादं उपदंसिता होति ।

१६५. कथञ्च पुग्गलो अनुविच्च परियोगाहेत्वा अवण्णारहस्स अवण्णं भासिता होति? इधेकच्चो पुग्गलो दुप्पटिपन्नानं मिच्छापटिपन्नानं तित्थियानं तित्थियसावकानं अवण्णं भासति — “दुप्पटिपन्ना” इतिपि, “मिच्छापटिपन्ना” इतिपीति । एवं पुग्गलो अनुविच्च परियोगाहेत्वा अवण्णारहस्स अवण्णं भासिता होति ।

कथञ्च पुग्गलो अनुविच्च परियोगाहेत्वा वण्णारहस्स वण्णं भासिता होति? इधेकच्चो पुग्गलो सुप्पटिपन्नानं सम्मापटिपन्नानं बुद्धानं बुद्धसावकानं वण्णं भासति — “सुप्पटिपन्ना” इतिपि, “सम्मापटिपन्ना” इतिपीति । एवं पुग्गलो अनुविच्च परियोगाहेत्वा वण्णारहस्स वण्णं भासिता होति ।

कथञ्च पुग्गलो अनुविच्च परियोगाहेत्वा अप्पसादनीये ठाने अप्पसादं उपदंसिता होति? इधेकच्चो पुग्गलो दुप्पटिपदाय मिच्छापटिपदाय अप्पसादं जनेति — “दुप्पटिपदा” इतिपि, “मिच्छापटिपदा” इतिपीति । एवं पुग्गलो अनुविच्च परियोगाहेत्वा अप्पसादनीये ठाने अप्पसादं उपदंसिता होति ।

कथञ्च पुग्गलो अनुविच्च परियोगाहेत्वा पसादनीये ठाने पसादं उपदंसिता होति? इधेकच्चो पुग्गलो सुप्पटिपदाय सम्मापटिपदाय पसादं जनेति — “सुप्पटिपदा” इतिपि, “सम्मापटिपदा” इतिपीति । एवं पुग्गलो अनुविच्च परियोगाहेत्वा पसादनीये ठाने पसादं उपदंसिता होति ।

१६६. कथञ्च पुग्गलो अवण्णारहस्स अवण्णं भासिता होति भूतं तच्छं कालेन, नो च खो वण्णारहस्स वण्णं भासिता होति भूतं तच्छं कालेन? इधेकच्चो पुग्गलो वण्णोपि संविज्जति अवण्णोपि संविज्जति । यो तत्थ अवण्णो तं भणति भूतं तच्छं कालेन, यो तत्थ वण्णो तं न भणति भूतं तच्छं कालेन । एवं पुग्गलो अवण्णारहस्स अवण्णं भासिता होति भूतं तच्छं कालेन, नो च खो वण्णारहस्स वण्णं भासिता होति भूतं तच्छं कालेन ।

कथञ्च पुग्गलो वण्णारहस्स वण्णं भासिता होति भूतं तच्छं कालेन, नो च खो अवण्णारहस्स अवण्णं भासिता होति भूतं तच्छं कालेन? इधेकच्चो पुग्गलो वण्णोपि संविज्जति अवण्णोपि संविज्जति । यो तत्थ वण्णो तं भणति भूतं तच्छं कालेन, यो तत्थ अवण्णो तं न भणति भूतं तच्छं कालेन । एवं पुग्गलो वण्णारहस्स वण्णं भासिता होति भूतं तच्छं कालेन, नो च खो अवण्णारहस्स अवण्णं भासिता होति भूतं तच्छं कालेन ।

कथञ्च पुग्गलो अवण्णारहस्स च अवण्णं भासिता होति भूतं तच्छं कालेन, वण्णारहस्स च वण्णं भासिता होति भूतं तच्छं कालेन? इधेकच्चो पुग्गलो वण्णोपि संविज्जति अवण्णोपि संविज्जति । यो तत्थ अवण्णो तं भणति भूतं तच्छं कालेन, योपि तत्थ वण्णो तम्पि भणति भूतं तच्छं कालेन । तत्र कालञ्जू होति तस्स पञ्चस्स वेय्याकरणाय । एवं पुग्गलो अवण्णारहस्स च अवण्णं भासिता होति भूतं तच्छं कालेन, वण्णारहस्स च वण्णं भासिता होति भूतं तच्छं कालेन ।

कथञ्च पुग्गलो नेव अवण्णारहस्स अवण्णं भासिता होति भूतं तच्छं कालेन, नोपि वण्णारहस्स वण्णं भासिता होति भूतं तच्छं कालेन? इधेकच्चो पुग्गलो वण्णोपि संविज्जति अवण्णोपि संविज्जति । यो तत्थ अवण्णो तं न भणति भूतं तच्छं कालेन, योपि तत्थ वण्णो तम्पि न भणति भूतं तच्छं कालेन । उपेक्खको विहरति सतो सम्पजानो । एवं पुग्गलो नेव

अवण्णारहस्स अवण्णं भासिता होति भूतं तच्छं कालेन, नोपि वण्णारहस्स वण्णं भासिता होति भूतं तच्छं कालेन ।

१६७. कतमो च पुग्गलो उट्टानफलूपजीवी नो पुज्जफलूपजीवी? यस्स पुग्गलस्स उट्टहतो घटतो वायमतो आजीवो अभिनिब्बत्तति, नो पुज्जतो — अयं वुच्चति पुग्गलो “उट्टानफलूपजीवी, नो पुज्जफलूपजीवी” ।

कतमो च पुग्गलो पुज्जफलूपजीवी नो उट्टानफलूपजीवी? परनिम्मितवसवत्ती देवे [परनिम्मितवसवत्तिदेवे (सी० स्या०)] उपादाय ततूपरि देवा पुज्जफलूपजीविनो न उट्टानफलूपजीविनो ।

कतमो च पुग्गलो उट्टानफलूपजीवी च पुज्जफलूपजीवी च? यस्स पुग्गलस्स उट्टहतो घटतो वायमतो आजीवो अभिनिब्बत्तति पुज्जतो च — अयं वुच्चति पुग्गलो “उट्टानफलूपजीवी च पुज्जफलूपजीवी च” ।

कतमो च पुग्गलो नेव उट्टानफलूपजीवी नो पुज्जफलूपजीवी? नेरयिका नेव उट्टानफलूपजीविनो नो पुज्जफलूपजीविनो ।

१६८. कथञ्च पुग्गलो तमो होति तमपरायनो? इधेकच्चो पुग्गलो नीचे कुले पच्चाजातो होति — चण्डालकुले वा नेसादकुले वा वेनकुले [वेणकुले (सी० स्या०)] वा रथकारकुले वा पुक्कुसकुले वा दलिह्वे [दलिह्वे (सी०) पस्स अङ्गुत्तरनिकाये] अप्पन्नपानभोजने कसिरवुत्तिके, यत्थ कसिरेन घासच्छादो लब्धति । सो च होति दुब्बण्णो दुद्दसिको ओकोटिमको बह्वाबाधो काणो वा कुणी वा खज्जो वा पक्खहतो वा, न लाभी अन्नस्स पानस्स वत्थस्स यानस्स मालागन्धविलेपनस्स सेय्यावसथपदीपेय्यस्स । सो कायेन दुच्चरितं चरति, वाचाय दुच्चरितं चरति, मनसा दुच्चरितं चरति । सो कायेन दुच्चरितं चरित्वा वाचाय दुच्चरितं चरित्वा मनसा दुच्चरितं चरित्वा कायस्स भेदा परं मरणा अपायं दुग्गतिं विनिपातं निरयं उपपज्जति । एवं पुग्गलो तमो होति तमपरायनो ।

कथञ्च पुग्गलो तमो होति जोतिपरायनो? इधेकच्चो पुग्गलो नीचे कुले पच्चाजातो होति — चण्डालकुले वा नेसादकुले वा वेनकुले वा रथकारकुले वा पुक्कुसकुले वा दलिह्वे अप्पन्नपानभोजने कसिरवुत्तिके, यत्थ कसिरेन घासच्छादो लब्धति । सो च होति दुब्बण्णो दुद्दसिको ओकोटिमको बह्वाबाधो काणो वा कुणी वा खज्जो वा पक्खहतो वा, न लाभी अन्नस्स पानस्स वत्थस्स यानस्स मालागन्धविलेपनस्स सेय्यावसथपदीपेय्यस्स । सो कायेन सुचरितं चरति, वाचाय सुचरितं चरति, मनसा सुचरितं चरति । सो कायेन सुचरितं चरित्वा वाचाय सुचरितं चरित्वा मनसा सुचरितं चरित्वा कायस्स भेदा परं मरणा सुग्गतिं सग्गं लोकं उपपज्जति । एवं पुग्गलो तमो होति जोतिपरायनो ।

कथञ्च पुग्गलो जोति होति तमपरायनो? इधेकच्चो पुग्गलो उच्चे कुले पच्चाजातो होति — खत्तियमहासालकुले वा ब्राह्मणमहासालकुले वा गहपतिमहासालकुले वा अट्ठे महद्दने महाभोगे पट्टतजातरूपरजते पट्टतवित्तूपकरणे पट्टतधनधज्जे । सो च होति अभिरूपो दस्सनीयो पासादिको परमाय वण्णपोक्खरताय समन्नागतो, लाभी अन्नस्स पानस्स वत्थस्स यानस्स मालागन्धविलेपनस्स सेय्यावसथपदीपेय्यस्स । सो कायेन दुच्चरितं चरति, वाचाय दुच्चरितं चरति, मनसा दुच्चरितं चरति । सो कायेन दुच्चरितं चरित्वा वाचाय दुच्चरितं चरित्वा मनसा दुच्चरितं चरित्वा कायस्स भेदा परं मरणा अपायं दुग्गतिं विनिपातं निरयं उपपज्जति । एवं पुग्गलो जोति होति तमपरायनो ।

कथञ्च पुग्गलो जोति होति जोतिपरायनो? इधेकच्चो पुग्गलो उच्चे कुले पच्चाजातो होति — खत्तियमहासालकुले वा

ब्राह्मणमहासालकुले वा गहपतिमहासालकुले वा अट्टे महद्धने महाभोगे पहूतजातरूपरजते पहूतवित्तूपकरणे पहूतधनधज्जे । सो च होति अभिरूपो दस्सनीयो पासादिको परमाय वण्णपोक्खरताय समन्नागतो, लाभो अन्नस्स पानस्स वत्थस्स यानस्स मालागन्धविलेपनस्स सेय्यावसथपदीपेय्यस्स । सो कायेन सुचरितं चरति, वाचाय सुचरितं चरति, मनसा सुचरितं चरति । सो कायेन सुचरितं चरित्वा वाचाय सुचरितं चरित्वा मनसा सुचरितं चरित्वा कायस्स भेदा परं मरणा सुगतिं सगं लोकं उपपज्जति । एवं पुग्गलो जोति होति जोतिपरायनो ।

१६९. कथञ्च पुग्गलो ओणतोणतो होति...पे०... एवं पुग्गलो ओणतोणतो होति ।

कथञ्च पुग्गलो ओणतुण्णतो होति...पे०... एवं पुग्गलो ओणतुण्णतो होति ।

कथञ्च पुग्गलो उण्णतोणतो होति...पे०... एवं पुग्गलो उण्णतोणतो होति ।

कथञ्च पुग्गलो उण्णतुण्णतो होति...पे०... एवं पुग्गलो उण्णतुण्णतो होति ।

१७०. तत्थ कतमे चत्तारो रुक्खूपमा पुग्गला? चत्तारो रुक्खा — फेग्गु सारपरिवारो, सारो फेग्गुपरिवारो, फेग्गु फेग्गुपरिवारो, सारो सारपरिवारो । एवमेवं चत्तारोमे रुक्खूपमा पुग्गला सन्तो संविज्जमाना लोकस्मिं । कतमे चत्तारो? फेग्गु सारपरिवारो, सारो फेग्गुपरिवारो, फेग्गु फेग्गुपरिवारो, सारो सारपरिवारो ।

कथञ्च पुग्गलो फेग्गु होति सारपरिवारो? इधेकच्चो पुग्गलो दुस्सीलो होति पापधम्मो, परिसा च ख्वस्स होति सीलवती कल्याणधम्मा । एवं पुग्गलो फेग्गु होति सारपरिवारो । सेय्यथापि सो रुक्खो फेग्गु सारपरिवारो, तथूपमो अयं पुग्गलो ।

कथञ्च पुग्गलो सारो होति फेग्गुपरिवारो? इधेकच्चो पुग्गलो सीलवा होति कल्याणधम्मो, परिसा च ख्वस्स होति दुस्सीला पापधम्मा । एवं पुग्गलो सारो होति फेग्गुपरिवारो । सेय्यथापि सो रुक्खो सारो फेग्गुपरिवारो, तथूपमो अयं पुग्गलो ।

कथञ्च पुग्गलो फेग्गु होति फेग्गुपरिवारो? इधेकच्चो पुग्गलो दुस्सीलो होति पापधम्मो, परिसापिस्स होति दुस्सीला पापधम्मा । एवं पुग्गलो फेग्गु होति फेग्गुपरिवारो । सेय्यथापि सो रुक्खो फेग्गु फेग्गुपरिवारो, तथूपमो अयं पुग्गलो ।

कथञ्च पुग्गलो सारो होति सारपरिवारो? इधेकच्चो पुग्गलो सीलवा होति कल्याणधम्मो, परिसापिस्स होति सीलवती कल्याणधम्मा । एवं पुग्गलो सारो होति सारपरिवारो । सेय्यथापि सो रुक्खो सारो सारपरिवारो, तथूपमो अयं पुग्गलो । इमे चत्तारो रुक्खूपमा पुग्गला सन्तो संविज्जमाना लोकस्मिं ।

१७१. कतमो च पुग्गलो रूपप्पमाणो रूपप्पसन्नो? इधेकच्चो पुग्गलो आरोहं वा पस्सित्वा परिणाहं वा पस्सित्वा सण्ठानं वा पस्सित्वा पारिपूरिं वा पस्सित्वा तत्थ पमाणं गहेत्वा पसादं जनेति । अयं वुच्चति पुग्गलो रूपप्पमाणो रूपप्पसन्नो ।

कतमो च पुग्गलो घोसप्पमाणो घोसप्पसन्नो? इधेकच्चो पुग्गलो परवण्णनाय परथोमनाय परपसंसनाय परवण्णहारिकाय [परवण्णहारिया (सी०)] तत्थ पमाणं गहेत्वा पसादं जनेति । अयं वुच्चति पुग्गलो घोसप्पमाणो

घोसप्पसन्नो ।

१७२. कतमो च पुग्गलो लूखप्पमाणो लूखप्पसन्नो? इधेकच्चो पुग्गलो चीवरलूखं वा पस्सित्वा पत्तलूखं वा पस्सित्वा सेनासनलूखं वा पस्सित्वा विविधं वा दुक्करकारिकं पस्सित्वा तत्थ पमाणं गहेत्वा पसादं जनेति । अयं वुच्चति पुग्गलो लूखप्पमाणो लूखप्पसन्नो ।

कतमो च पुग्गलो धम्मप्पमाणो धम्मप्पसन्नो? इधेकच्चो पुग्गलो सीलं वा पस्सित्वा समाधिं वा पस्सित्वा पञ्चं वा पस्सित्वा तत्थ पमाणं गहेत्वा पसादं जनेति । अयं वुच्चति पुग्गलो धम्मप्पमाणो धम्मप्पसन्नो ।

१७३. कथञ्च पुग्गलो अत्तहिताय पटिपन्नो होति नो परहिताय? इधेकच्चो पुग्गलो अत्तना सीलसम्पन्नो होति, नो परं सीलसम्पदाय समादपेति; अत्तना समाधिसम्पन्नो होति, नो परं समाधिसम्पदाय समादपेति; अत्तना पञ्जासम्पन्नो होति, नो परं पञ्जासम्पदाय समादपेति; अत्तना विमुत्तिसम्पन्नो होति, नो परं विमुत्तिसम्पदाय समादपेति; अत्तना विमुत्तिजाणदस्सनसम्पन्नो होति, नो परं विमुत्तिजाणदस्सनसम्पदाय समादपेति । एवं पुग्गलो अत्तहिताय पटिपन्नो होति नो परहिताय ।

कथञ्च पुग्गलो परहिताय पटिपन्नो होति नो अत्तहिताय? इधेकच्चो पुग्गलो अत्तना न सीलसम्पन्नो होति, परं सीलसम्पदाय समादपेति; अत्तना न समाधिसम्पन्नो होति, परं समाधिसम्पदाय समादपेति; अत्तना न पञ्जासम्पन्नो होति, परं पञ्जासम्पदाय समादपेति; अत्तना न विमुत्तिसम्पन्नो होति, परं विमुत्तिसम्पदाय समादपेति; अत्तना न विमुत्तिजाणदस्सनसम्पन्नो होति, परं विमुत्तिजाणदस्सनसम्पदाय समादपेति । एवं पुग्गलो परहिताय पटिपन्नो होति नो अत्तहिताय ।

कथञ्च पुग्गलो अत्तहिताय चेव पटिपन्नो होति परहिताय च? इधेकच्चो पुग्गलो अत्तना च सीलसम्पन्नो होति, परञ्च सीलसम्पदाय समादपेति; अत्तना च समाधिसम्पन्नो होति, परञ्च समाधिसम्पदाय समादपेति; अत्तना च पञ्जासम्पन्नो होति, परञ्च पञ्जासम्पदाय समादपेति; अत्तना च विमुत्तिसम्पन्नो होति, परञ्च विमुत्तिसम्पदाय समादपेति; अत्तना च विमुत्तिजाणदस्सनसम्पन्नो होति, परञ्च विमुत्तिजाणदस्सनसम्पदाय समादपेति । एवं पुग्गलो अत्तहिताय चेव पटिपन्नो होति परहिताय च ।

कथञ्च पुग्गलो नेव अत्तहिताय पटिपन्नो होति नो परहिताय? इधेकच्चो पुग्गलो अत्तना न सीलसम्पन्नो होति, नो परं सीलसम्पदाय समादपेति; अत्तना न समाधिसम्पन्नो होति, नो परं समाधिसम्पदाय समादपेति; अत्तना न पञ्जासम्पन्नो होति, नो परं पञ्जासम्पदाय समादपेति; अत्तना न विमुत्तिसम्पन्नो होति, नो परं विमुत्तिसम्पदाय समादपेति; अत्तना न विमुत्तिजाणदस्सनसम्पन्नो होति, नो परं विमुत्तिजाणदस्सनसम्पदाय समादपेति । एवं पुग्गलो नेव अत्तहिताय पटिपन्नो होति नो परहिताय ।

१७४. कथञ्च पुग्गलो अत्तन्तपो होति अत्तपरितापनानुयोगमनुयुत्तो? इधेकच्चो पुग्गलो अचेलको होति मुत्ताचारा हत्थापलेखनो [हत्थावलेखनो (स्या०)], नएहिभद्वन्तिको नतिट्ठभद्वन्तिको नाभिहटं न उद्विस्सकतं न निमन्तनं सादियति, सो न कुम्भिमुखा पटिग्गण्हाति न कळोपिमुखा [कलोपिमुखा (सी० स्या०) म० नि० २.७] पटिग्गण्हाति, न एळकमन्तरं न दण्डमन्तरं न मुसलमन्तरं न द्विन्नं भुज्जमानानं न गब्बिनिया न पायमानाय न पुरिसन्तरगताय, न सङ्कित्तीसु न यत्थ सा



उपट्टितो होति न यत्थ मक्खिका सण्डसण्डचारिनी, न मच्छं न मंसं न सुरं न मेरयं न थुसोदकं पिवति । सो एकागारिको वा होति एकालोपिको, द्वागारिको वा होति द्वालोपिको...पे०... सत्तागारिको वा होति सत्तालोपिको; एकस्सापि दत्तिया यापेति, द्वीहिपि दत्तीहि यापेति...पे०... सत्तहिपि दत्तीहि यापेति; एकाहिकम्पि आहारं आहारेति, द्वीहिकम्पि [द्वाहिकम्पि (सी०)] आहारं आहारेति...पे०... सत्ताहिकम्पि आहारं आहारेति । इति एवरूपं अट्ठमासिकम्पि परियायभत्तभोजनानुयोगमनुयुत्तो विहरति । सो साकभक्खो वा होति सामाकभक्खो वा होति नीवारभक्खो वा होति दद्दुलभक्खो वा होति हटभक्खो वा होति कणभक्खो वा होति आचामभक्खो वा होति पिज्जाकभक्खो वा होति तिणभक्खो वा होति गोमयभक्खो वा होति, वनमूलफलाहारो यापेति पवत्तफलभोजी । सो साणानिपि धारेति मसाणानिपि धारेति छवदुस्सानिपि धारेति पंसुकूलानिपि धारेति तिरीटानिपि धारेति अजिनम्पि धारेति अजिनक्खिपम्पि धारेति कुसचीरम्पि धारेति वाकचीरम्पि धारेति फलकचीरम्पि धारेति केसकम्बलम्पि धारेति वाळकम्बलम्पि धारेति उलूकपक्खम्पि [उलूकपक्खम्पि (सी० स्या०)] धारेति, केसमस्सुलोचकोपि होति केसमस्सुलोचनानुयोगमनुयुत्तो, उब्भट्टकोपि होति आसनपटिक्खित्तो, उक्कुटिकोपि होति उक्कुटिकप्पधानमनुयुत्तो, कण्टकापस्सयिकोपि होति कण्टकापस्सये सेय्यं कप्पेति, सायततियकम्पि [सायंततियकम्पि (स्या० क०) म० नि० २.७] उदकोरोहनानुयोगमनुयुत्तो विहरति । इति एवरूपं अनेकविहितं कायस्स आतापनपरितापनानुयोगमनुयुत्तो विहरति । एवं पुग्गलो अत्तन्तपो होति अत्तपरितापनानुयोगमनुयुत्तो ।

१७५. कथञ्च पुग्गलो परन्तपो होति परपरितापनानुयोगमनुयुत्तो? इधेकच्चो पुग्गलो ओरब्भिको होति सूकरिको साकुणिको मागविको लुद्धो मच्छघातको चोरो चोरघातको गोघातको बन्धनागारिको, ये वा पनञ्जेपि केचि कुरुरकम्मन्ता । एवं पुग्गलो परन्तपो होति परपरितापनानुयोगमनुयुत्तो ।

१७६. कथञ्च पुग्गलो अत्तन्तपो च होति अत्तपरितापनानुयोगमनुयुत्तो, परन्तपो च परपरितापनानुयोगमनुयुत्तो? इधेकच्चो पुग्गलो राजा वा होति खत्तियो मुद्भावसित्तो [मुद्भाभिसित्तो (स्या० क०)] ब्राह्मणो वा महासालो । सो पुरत्थिमेन नरस्स नवं सन्धागारं [सन्तागारं (स्या०), यज्जागारं (सी०)] कारापेत्वा केसमस्सुं ओहारेत्वा खराजिनं [खुराजिनं (स्या० क०)] निवासेत्वा सप्पितेलेन कायं अब्भज्जित्वा मिगविसाणेन पिट्ठिं कण्डुवमानो [कण्डूयमानो (सी०)] सन्धागारं पविसति सद्धिं महेसिया ब्राह्मणेन च पुरोहितेन । सो तत्थ अनन्तरहिताय भूमिया हरितुपलित्ताय सेय्यं कप्पेति । एकस्सा गाविया सरूपवच्छाय यं एकस्मिं थने खीरं होति तेन राजा यापेति, यं दत्तियस्मिं थने खीरं होति तेन महेसी यापेति, यं तत्तियस्मिं थने खीरं होति तेन ब्राह्मणो पुरोहितो यापेति, यं चतुत्थस्मिं थने खीरं होति तेन अग्गिं जुहति, अवसेसेन वच्छको यापेति । सो एवमाह — “एत्तका उसभा हज्जन्तु यज्जत्थाय, एत्तका वच्छतरा हज्जन्तु यज्जत्थाय, एत्तका वच्छतरियो हज्जन्तु यज्जत्थाय, एत्तका अजा हज्जन्तु यज्जत्थाय, एत्तका उरब्भा हज्जन्तु यज्जत्थाय, (एत्तका अस्सा हज्जन्तु यज्जत्थाय) [( ) नत्थि सीहळपोत्थके । मज्झिमनिकाये कन्दरकसुत्तेपि एवमेव] एत्तका रुक्खा छिज्जन्तु यूपत्थाय, एत्तका दब्भा लूयन्तु बरिहिसत्थाया”ति [परिहंसत्थायाति (सी० स्या० क०) म० नि० २.९] । येपिस्स ते होन्ति दासाति वा पेस्साति वा कम्मकराति वा, तेपि दण्डतज्जिता भयतज्जिता अस्सुमुखा रुदमाना परिकम्मानि करोन्ति । एवं पुग्गलो अत्तन्तपो च होति अत्तपरितापनानुयोगमनुयुत्तो, परन्तपो च परपरितापनानुयोगमनुयुत्तो ।

१७७. कथञ्च पुग्गलो नेव अत्तन्तपो च होति न अत्तपरितापनानुयोगमनुयुत्तो, न परन्तपो न परपरितापनानुयोगमनुयुत्तो? सो अनत्तन्तपो अपरन्तपो दिट्ठेव धम्मे निच्छातो निब्बुतो सीतीभूतो सुखप्पटिसंवेदी ब्रह्मभूतेन अत्तना विहरति ।

इध तथागतो लोके उप्पज्जति अरहं सम्मासम्बुद्धो विज्जाचरणसम्पन्नो सुगतो लोकविदू अनुत्तरो पुरिसदम्मसारथि सत्था देवमनुस्सानं बुद्धो भगवा । सो इमं लोकं सदेवकं समारकं सब्रह्मकं सस्समणब्राह्मणिं पजं सदेवमनुस्सं सयं अभिज्जा सच्छिकत्वा पवेदेति । सो धम्मं देसेति आदिकल्याणं मज्जेकल्याणं परियोसानकल्याणं सात्थं सब्यञ्जनं, केवलपरिपुण्णं परिसुद्धं ब्रह्मचरियं पकासेति । तं धम्मं सुणाति गहपति वा गहपतिपुत्तो वा अज्जतरस्मिं वा कुले पच्चाजातो । सो तं धम्मं सुत्वा तथागते सद्धं पटिलभति । सो तेन सद्धापटिलाभेन समन्नागतो इति पटिसञ्चिकवति — “सम्बाधो घरावासो रजापथो, अब्भोकासो पब्बज्जा । नयिदं सुकरं अगारं अज्झावसता एकन्तपरिपुण्णं एकन्तपरिसुद्धं सद्धलिखितं ब्रह्मचरियं चरितुं । यंनूनाहं केसमस्सुं ओहारेत्वा कासायानि वत्थानि अच्छादेत्वा अगारस्मा अनगारियं पब्बजेय्य”न्ति! सो अपरेन समयेन अप्पं वा भोगक्खन्धं पहाय महन्तं वा भोगक्खन्धं पहाय अप्पं वा जातिपरिवट्टं पहाय महन्तं वा जातिपरिवट्टं पहाय केसमस्सुं ओहारेत्वा कासायानि वत्थानि अच्छादेत्वा अगारस्मा अनगारियं पब्बजति ।

१७८. सो एवं पब्बजितो समानो भिक्खूनं सिक्खासाजीवसमापन्नो पाणातिपातं पहाय पाणातिपाता पटिविरतो होति निहितदण्डो निहितसत्थो लज्जी दयापन्नो सब्बपाणभूतहितानुकम्पी विहरति ।

अदिन्नादानं पहाय अदिन्नादाना पटिविरतो होति दिन्नादायी दिन्नपाटिकङ्घी, अथेनेन सुचिभूतेन अत्तना विहरति ।

अब्रह्मचरियं पहाय ब्रह्मचारी होति आराचारी [अनाचारी (क०)] पटिविरतो मेथुना गामधम्मा ।

मुसावादं पहाय मुसावादा पटिविरतो होति सच्चवादी सच्चसन्धो थेतो पच्चयिको अविसंवादको लोकस्स ।

पिसुणं वाचं पहाय पिसुणाय वाचाय पटिविरतो होति, इतो सुत्वा न अमुत्र अक्खाता इमेसं भेदाय, अमुत्र वा सुत्वा न इमेसं अक्खाता अमूसं भेदाय । इति भिन्नानं वा सन्धाता सहितानं वा अनुप्पदाता समगगारामो समग्गरतो समगगनन्दी समगगकरणं वाचं भासिता होति ।

फरुसं वाचं पहाय फरुसाय वाचाय पटिविरतो होति । या सा वाचा नेला कण्णसुखा पेमनीया हदयङ्गमा पोरी बहुजनकन्ता बहुजनमनापा तथारूपिं वाचं भासिता होति ।

सम्फप्पलापं पहाय सम्फप्पलापा पटिविरतो होति, कालवादी भूतवादी अत्थवादी धम्मवादी विनयवादी निधानवतिं वाचं भासिता कालेन सापदेसं परियन्तवतिं अत्थसंहितं ।

१७९. सो बीजगामभूतगामसमारम्भा पटिविरतो होति, एकभक्तिको होति रत्तूपरतो विरतो विकालभोजना, नच्चगीतवादितविसूकदस्सना पटिविरतो होति, मालागन्धविलेपनधारणमण्डनविभूसनट्टाना पटिविरतो होति, उच्चासयनमहासयना पटिविरतो होति, जातरूपरजतपटिग्गहणा पटिविरतो होति ।

आमकधज्जपटिग्गहणा पटिविरतो होति, आमकमंसपटिग्गहणा पटिविरतो होति, इत्थिकुमारिकापटिग्गहणा पटिविरतो होति, दासिदासपटिग्गहणा पटिविरतो होति, अजेळकपटिग्गहणा पटिविरतो होति, कुक्कुटसूकरपटिग्गहणा पटिविरतो होति, हत्थिगवास्सवळवपटिग्गहणा पटिविरतो होति, खेत्तवत्थुपटिग्गहणा पटिविरतो होति, दूतेय्यपहिणगमनानुयोगा पटिविरतो होति, कयविक्कया पटिविरतो होति, तुलाकूटकंसकूटमानकूटा पटिविरतो होति, उक्कोटनवञ्चननिकतिसाचियोगा [... सावियोगा (स्या० क०)] पटिविरतो होति,

छेदनवधबन्धनविपरामोसआलोपसहसाकारा पटिविरतो होति ।

१८०. सो सन्तुट्ठो होति कायपरिहारिकेन चीवरेन कुच्छिपरिहारिकेन पिण्डपातेन । सो येन येनेव पक्कमति समादायेव पक्कमति, सेय्यथापि नाम पक्खी सकुणो येन येनेव डेति सपत्तभारोव डेति । एवमेवं भिक्खु सन्तुट्ठो होति कायपरिहारिकेन चीवरेन कुच्छिपरिहारिकेन पिण्डपातेन । सो येन येनेव पक्कमति समादायेव पक्कमति । सो इमिना अरियेन सीलक्खन्धेन समन्नागतो अज्झत्तं अनवज्जसुखं पटिसंवेदेति ।

१८१. सो चक्खुना रूपं दिस्वा न निमित्तग्गाही होति नानुब्यञ्जनग्गाही । यत्त्वाधिकरणमेनं चक्खुन्द्रियं असंवृतं विहरन्तं अभिज्झादोमनस्सा पापका अकुसला धम्मा अन्वास्सवेय्युं, तस्स संवराय पटिपज्जति, रक्खति चक्खुन्द्रियं, चक्खुन्द्रिये संवरं आपज्जति; सोतेन सद्दं सुत्वा...पे०... घानेन गन्धं घायित्वा...पे०... जिह्वाय रसं सायित्वा...पे०... कायेन फोट्ठब्बं फुसित्वा...पे०... मनसा धम्मं विज्जाय न निमित्तग्गाही होति नानुब्यञ्जनग्गाही । यत्त्वाधिकरणमेनं मनिन्द्रियं असंवृतं विहरन्तं अभिज्झादोमनस्सा पापका अकुसला धम्मा अन्वास्सवेय्युं, तस्स संवराय पटिपज्जति, रक्खति मनिन्द्रियं, मनिन्द्रिये संवरं आपज्जति । सो इमिना अरियेन इन्द्रियसंवरेन समन्नागतो अज्झत्तं अब्यासेकसुखं पटिसंवेदेति ।

१८२. सो अभिक्कन्ते पटिक्कन्ते सम्पजानकारी होति, आलोकिते विलोकिते सम्पजानकारी होति, समिज्जिते पसारिते सम्पजानकारी होति, सङ्गाटिपत्तचीवरधारणे सम्पजानकारी होति, असिते पीते खायिते सायिते सम्पजानकारी होति, उच्चारपस्सावकम्मे सम्पजानकारी होति, गते ठिते निसिन्ने सुत्ते जागरिते भासिते तुण्हीभावे सम्पजानकारी होति ।

सो इमिना च अरियेन सीलक्खन्धेन समन्नागतो इमिना च अरियेन इन्द्रियसंवरेन समन्नागतो इमिना च अरियेन सतिसम्पजज्जेन समन्नागतो इमाय च अरियाय सन्तुट्ठिया समन्नागतो [पस्स म० नि० २ कन्दरकसुत्ते; अ० नि० १ अत्तन्तपसुत्ते च] विवित्तं सेनासनं भजति अरज्जं रुक्खमूलं पब्बतं कन्दरं गिरिगुहं सुसानं वनपत्थं अब्भोकासं पलालपुज्जं । सो पच्छाभत्तं पिण्डपातपटिक्कन्तो निसीदति पल्लङ्कं आभुजित्वा उज्जुं कायं पणिधाय परिमुखं सति उपट्ठपेत्वा । सो अभिज्झं लोके पहाय विगताभिज्झेन चेतसा विहरति, अभिज्झाय चित्तं परिसोधेति; ब्यापादपदोसं पहाय अब्यापन्नचित्तो विहरति सब्बपाणभूतहितानुकम्पी, ब्यापादपदोसा चित्तं परिसोधेति; थिनमिद्धं [थीनमिद्धं (सी० स्या०)] पहाय विगतथिनमिद्धो विहरति आलोकसज्जी सतो सम्पजानो, थिनमिद्धा चित्तं परिसोधेति; उद्धच्चकुक्कुच्चं पहाय अनुद्धतो विहरति अज्झत्तं वूपसन्तचित्तो, उद्धच्चकुक्कुच्चा चित्तं परिसोधेति; विचिकिच्छं पहाय तिण्णविचिकिच्छो विहरति अकथंकथी कुसलेसु धम्मेषु, विचिकिच्छाय चित्तं परिसोधेति ।

१८३. सो इमे पज्ज नीवरणे पहाय चेतसो उपक्किलेसे पज्जाय दुब्बलीकरणे विविच्चेव कामेहि विविच्च अकुसलेहि धम्मेषु सवितक्कं सविचारं विवेकजं पीतिसुखं पठमं ज्ञानं उपसम्पज्ज विहरति; वितक्कविचारानं वूपसमा अज्झत्तं सम्पसादनं चेतसो एकोदिभावं अवितक्कं अविचारं समाधिजं पीतिसुखं दुतियं ज्ञानं उपसम्पज्ज विहरति; पीतिया च विरागा उपेक्खको च विहरति सतो च सम्पजानो सुखञ्च कायेन पटिसंवेदेति, यं तं अरिया आचिक्खन्ति — “उपेक्खको सतिमा सुखविहारी”ति ततियं ज्ञानं उपसम्पज्ज विहरति; सुखस्स च पहाना दुक्खस्स च पहाना पुब्बेव सोमनस्सदोमनस्सानं अत्थङ्गमा अदुक्खमसुखं उपेक्खासतिपारिसुद्धिं चतुत्थं ज्ञानं उपसम्पज्ज विहरति ।

सो एवं समाहिते चित्ते परिसुद्धे परियोदाते अनङ्गणे विगतूपक्किलेसे मुदुभूते कम्मनिये ठिते आनेज्जप्पत्ते पुब्बेनिवासानुस्सतिजाणाय चित्तं अभिनिन्नामेति । सो अनेकविहितं पुब्बेनिवासं अनुस्सरति, सेय्यथिदं — एकम्पि जातिं

द्वेपि जातियो तिस्सोपि जातियो चतस्सोपि जातियो पञ्चपि जातियो दसपि जातियो वीसम्पि जातियो तिसम्पि जातियो चत्तालीसम्पि जातियो पञ्चासम्पि जातियो जातिसतम्पि जातिसहस्सम्पि जातिसतसहस्सम्पि अनेकेपि संवट्टकप्पे अनेकेपि विवट्टकप्पे अनेकेपि संवट्टविवट्टकप्पे — “अमुत्रासिं एवंनामो एवंगोत्तो एवंवण्णो एवमाहारो एवंसुखदुक्खपटिसंवेदी एवमायुपरियन्तो, सो ततो चुतो अमुत्र उदपादिं; तत्रापासिं एवंनामो एवंगोत्तो एवंवण्णो एवमाहारो एवंसुखदुक्खपटिसंवेदी एवमायुपरियन्तो, सो ततो चुतो इधूपपन्नो”ति । इति साकारं सउद्देसं अनेकविहितं पुब्बेनिवासं अनुस्सरति ।

१८४. सो एवं समाहिते चित्ते परिसुद्धे परियोदाते अनङ्गणे विगतूपक्विकलेसे मुदुभूते कम्मनिये ठिते आनेज्जप्पत्ते सत्तानं चुतूपपातजाणाय चित्तं अभिनिन्नामेति । सो दिब्बेन चक्खुना विसुद्धेन अतिक्कन्तमानुसकेन सत्ते पस्सति चवमाने उपपज्जमाने हीने पणीते सुवण्णे दुब्बण्णे, सुगते दुग्गते यथाकम्मूपगे सत्ते पजानाति — “इमे वत भोन्तो सत्ता कायदुच्चरितेन समन्नागता, वचीदुच्चरितेन समन्नागता, मनोदुच्चरितेन समन्नागता, अरियानं उपवादका, मिच्छादिट्ठिका मिच्छादिट्ठिकम्मसमादाना । ते कायस्स भेदा परं मरणा अपायं दुग्गतिं विनिपातं निरयं उपपन्ना । इमे वा पन भोन्तो सत्ता कायसुचरितेन समन्नागता वचीसुचरितेन समन्नागता मनोसुचरितेन समन्नागता अरियानं अनुपवादका सम्मादिट्ठिका सम्मादिट्ठिकम्मसमादाना । ते कायस्स भेदा परं मरणा सुगतिं सगं लोकं उपपन्ना”ति । सो इति दिब्बेन चक्खुना विसुद्धेन अतिक्कन्तमानुसकेन सत्ते पस्सति चवमाने उपपज्जमाने हीने पणीते सुवण्णे दुब्बण्णे, सुगते दुग्गते यथाकम्मूपगे सत्ते पजानाति ।

१८५. सो एवं समाहिते चित्ते परिसुद्धे परियोदाते अनङ्गणे विगतूपक्विकलेसे मुदुभूते कम्मनिये ठिते आनेज्जप्पत्ते आसवानं खयजाणाय चित्तं अभिनिन्नामेति । सो “इदं दुक्खं”न्ति यथाभूतं पजानाति, “अयं दुक्खसमुदयो”ति यथाभूतं पजानाति, “अयं दुक्खनिरोधो”ति यथाभूतं पजानाति, “अयं दुक्खनिरोधगामिनी पटिपदा”ति यथाभूतं पजानाति, “इमे आसवा”ति यथाभूतं पजानाति, “अयं आसवसमुदयो”ति यथाभूतं पजानाति, “अयं आसवनिरोधो”ति यथाभूतं पजानाति, “अयं आसवनिरोधगामिनी पटिपदा”ति यथाभूतं पजानाति । तस्स एवं जानतो एवं पस्सतो कामासवापि चित्तं विमुच्चति, भवासवापि चित्तं विमुच्चति, अविज्जासवापि चित्तं विमुच्चति । विमुत्तस्मिं विमुत्तमिति जाणं होति । “खीणा जाति, वुसितं ब्रह्मचरियं, कतं करणीयं, नापरं इत्थत्ताया”ति पजानाति । एवं पुग्गलो नेव अत्तन्तपो च होति न अत्तपरितापनानुयोगमनुयुत्तो, न परन्तपो न परपरितापनानुयोगमनुयुत्तो । सो अनत्तन्तपो अपरन्तपो दिट्ठेव धम्मे निच्छातो निब्बुतो सीतीभूतो सुखप्पटिसंवेदी ब्रह्मभूतेन अत्तना विहरति ।

१८६. कतमो च पुग्गलो सरागो? यस्स पुग्गलस्स रागो अप्पहीनो, अयं वुच्चति पुग्गलो “सरागो” ।

कतमो च पुग्गलो सदोसो? यस्स पुग्गलस्स दोसो अप्पहीनो, अयं वुच्चति पुग्गलो “सदोसो” ।

कतमो च पुग्गलो समोहो? यस्स पुग्गलस्स मोहो अप्पहीनो, अयं वुच्चति पुग्गलो “समोहो” ।

कतमो च पुग्गलो समानो? यस्स पुग्गलस्स मानो अप्पहीनो, अयं वुच्चति पुग्गलो “समानो” ।

१८७. कथञ्च पुग्गलो लाभी होति अज्झत्तं चेतोसमथस्स, न लाभी अधिपज्जाधम्मविपस्सनाय? इधेकच्चो पुग्गलो लाभी होति रूपसहगतानं वा अरूपसहगतानं वा समापत्तीनं, न लाभी लोकुत्तरमग्गस्स वा फलस्स वा । एवं पुग्गलो लाभी होति अज्झत्तं चेतोसमथस्स, न लाभी अधिपज्जाधम्मविपस्सनाय ।

कथञ्च पुग्गलो लाभी होति अधिपज्जाधम्मविपस्सनाय, न लाभी अज्झत्तं चेतोसमथस्स? इधेकच्चो पुग्गलो लाभी होति लोकुत्तरमग्गस्स वा फलस्स वा, न लाभी रूपसहगतानं वा अरूपसहगतानं वा समापत्तीनं। एवं पुग्गलो लाभी होति अधिपज्जाधम्मविपस्सनाय, न लाभी अज्झत्तं चेतोसमथस्स।

कथञ्च पुग्गलो लाभी चेव होति अज्झत्तं चेतोसमथस्स, लाभी च अधिपज्जाधम्मविपस्सनाय? इधेकच्चो पुग्गलो लाभी होति रूपसहगतानं वा अरूपसहगतानं वा समापत्तीनं, लाभी लोकुत्तरमग्गस्स वा फलस्स वा। एवं पुग्गलो लाभी चेव होति अज्झत्तं चेतोसमथस्स, लाभी च अधिपज्जाधम्मविपस्सनाय।

कथञ्च पुग्गलो नेव लाभी होति अज्झत्तं चेतोसमथस्स, न लाभी अधिपज्जाधम्मविपस्सनाय? इधेकच्चो पुग्गलो नेव लाभी होति रूपसहगतानं वा अरूपसहगतानं वा समापत्तीनं, न लाभी लोकुत्तरमग्गस्स वा फलस्स वा। एवं पुग्गलो नेव लाभी होति अज्झत्तं चेतोसमथस्स, न लाभी अधिपज्जाधम्मविपस्सनाय।

१८८. कतमो च पुग्गलो अनुसोतगामी? इधेकच्चो पुग्गलो कामे च पटिसेवति पापञ्च कम्मं करोति। अयं वुच्चति पुग्गलो “अनुसोतगामी”।

कतमो च पुग्गलो पटिसोतगामी? इधेकच्चो पुग्गलो कामे च न पटिसेवति पापञ्च कम्मं न करोति। सो सहापि दुक्खेन सहापि दोमनस्सेन अस्सुमुखेनपि रुदमानो परिपुण्णं परिसुद्धं ब्रह्मचरियं चरति। अयं वुच्चति पुग्गलो “पटिसोतगामी”।

कतमो च पुग्गलो ठित्तो? इधेकच्चो पुग्गलो पञ्चन्नं ओरम्भागियानं संयोजनानं परिक्खया ओपपातिको होति तत्थ परिनिब्बायी अनावत्तिधम्मो तस्मा लोका। अयं वुच्चति पुग्गलो “ठित्तो”।

कतमो च पुग्गलो तिण्णो पारङ्गतो थले तिड्ढति ब्राह्मणो? इधेकच्चो पुग्गलो आसवानं खया अनासवं चेतोविमुत्तिं पज्जाविमुत्तिं दिट्ठेव धम्मे सयं अभिज्जा सच्छिकत्वा उपसम्पज्ज विहरति। अयं वुच्चति पुग्गलो तिण्णो पारङ्गतो थले तिड्ढति ब्राह्मणो।

१८९. कथञ्च पुग्गलो अप्पस्सुतो होति सुतेन अनुपपन्नो? इधेकच्चस्स पुग्गलस्स अप्पकं सुतं होति सुत्तं गेय्यं वेय्याकरणं गाथं उदानं इतिवुत्तकं जातकं अब्भुतधम्मं वेदल्लं। सो तस्स अप्पकस्स सुतस्स न अत्थमज्जाय धम्ममज्जाय धम्मानुधम्मपटिपन्नो [न धम्ममज्जाय न धम्मानुधम्मपटिपन्नो (स्या०), न धम्ममज्जाय धम्मानुधम्मपटिपन्नो (क०)] होति। एवं पुग्गलो अप्पस्सुतो होति सुतेन अनुपपन्नो।

कथञ्च पुग्गलो अप्पस्सुतो होति सुतेन उपपन्नो? इधेकच्चस्स पुग्गलस्स अप्पकं सुतं होति सुत्तं गेय्यं वेय्याकरणं गाथं उदानं इतिवुत्तकं जातकं अब्भुतधम्मं वेदल्लं। सो तस्स अप्पकस्स सुतस्स अत्थमज्जाय धम्ममज्जाय धम्मानुधम्मपटिपन्नो होति। एवं पुग्गलो अप्पस्सुतो होति सुतेन उपपन्नो।

कथञ्च पुग्गलो बहुस्सुतो होति सुतेन अनुपपन्नो? इधेकच्चस्स पुग्गलस्स बहुकं सुतं होति सुत्तं गेय्यं वेय्याकरणं गाथं उदानं इतिवुत्तकं जातकं अब्भुतधम्मं वेदल्लं। सो तस्स बहुकस्स सुतस्स न अत्थमज्जाय धम्ममज्जाय धम्मानुधम्मपटिपन्नो होति। एवं पुग्गलो बहुस्सुतो होति सुतेन अनुपपन्नो।

कथञ्च पुग्गलो बहुस्सुतो होति सुतेन उपपन्नो? इधेकच्चस्स पुग्गलस्स बहुकं सुतं होति सुतं गेय्यं वेय्याकरणं गाथं उदानं इतिवुत्तकं जातकं अब्भुतधम्मं वेदल्लं । सो तस्स बहुकस्स सुतस्स अत्थमज्जाय धम्ममज्जाय धम्मानुधम्मप्पटिपन्नो होति । एवं पुग्गलो बहुस्सुतो होति सुतेन उपपन्नो ।

१९०. कतमो च पुग्गलो समणमचलो? इधेकच्चो पुग्गलो तिण्णं संयोजनानं परिक्खया सोतापन्नो होति अविनिपातधम्मो नियतो सम्बोधिपरायनो । अयं वुच्चति पुग्गलो “समणमचलो” ।

कतमो च पुग्गलो समणपदुमो? इधेकच्चो पुग्गलो तिण्णं संयोजनानं परिक्खया रागदोसमोहानं तनुत्ता सकदागामी होति, सकिदेव इमं लोकं आगन्त्वा दुक्खस्सन्तं करोति । अयं वुच्चति पुग्गलो “समणपदुमो” ।

कतमो च पुग्गलो समणपुण्डरीको? इधेकच्चो पुग्गलो पञ्चन्नं ओरम्भागियानं संयोजनानं परिक्खया ओपपातिको होति तत्थ परिनिब्बायी अनावत्तिधम्मो तस्मा लोका । अयं वुच्चति पुग्गलो “समणपुण्डरीको” ।

कतमो च पुग्गलो समणेषु समणसुखुमालो? इधेकच्चो पुग्गलो आसवानं खया अनासवं चेतोविमुत्तिं पज्जाविमुत्तिं दिट्ठेव धम्मे सयं अभिज्जा सच्छिक्त्वा उपसम्पज्ज विहरति । अयं वुच्चति पुग्गलो “समणेषु समणसुखुमालो”ति ।

चतुक्कनिद्देशो ।

#### ५. पञ्चकपुग्गलपज्जति

१९१. तत्र ख्यायं पुग्गलो आरभति च विप्पटिसारी च होति, तञ्च चेतोविमुत्तिं पज्जाविमुत्तिं यथाभूतं नप्पजानाति, यत्थस्स ते उप्पन्ना पापका अकुसला धम्मा अपरिसेसा निरुज्झन्ति, सो एवमस्स वचनीयो — “आयस्मतो खो आरम्भजा [आरम्भजा (क०) अ० नि० ५.१४२] आसवा संविज्जन्ति, विप्पटिसारजा आसवा पवड्ढन्ति । साधु वतायस्मा आरम्भजे आसवे पहाय विप्पटिसारजे आसवे पटिविनोदेत्वा चित्तं पज्जञ्च भावेतु । एवमायस्मा अमुना पञ्चमेन पुग्गलेन समसमो भविस्सती”ति ।

तत्र ख्यायं पुग्गलो आरभति न विप्पटिसारी होति, तञ्च चेतोविमुत्तिं पज्जाविमुत्तिं यथाभूतं नप्पजानाति, यत्थस्स ते उप्पन्ना पापका अकुसला धम्मा अपरिसेसा निरुज्झन्ति, सो एवमस्स वचनीयो — “आयस्मतो खो आरम्भजा आसवा संविज्जन्ति, विप्पटिसारजा आसवा नप्पवड्ढन्ति । साधु वतायस्मा आरम्भजे आसवे पहाय चित्तं पज्जञ्च भावेतु । एवमायस्मा अमुना पञ्चमेन पुग्गलेन समसमो भविस्सती”ति ।

तत्र ख्यायं पुग्गलो न आरभति विप्पटिसारी होति, तञ्च चेतोविमुत्तिं पज्जाविमुत्तिं यथाभूतं नप्पजानाति, यत्थस्स ते उप्पन्ना पापका अकुसला धम्मा अपरिसेसा निरुज्झन्ति, सो एवमस्स वचनीयो — “आयस्मतो खो आरम्भजा आसवा न संविज्जन्ति, विप्पटिसारजा आसवा पवड्ढन्ति । साधु वतायस्मा विप्पटिसारजे आसवे पटिविनोदेत्वा चित्तं पज्जञ्च भावेतु । एवमायस्मा अमुना पञ्चमेन पुग्गलेन समसमो भविस्सती”ति ।

तत्र ख्यायं पुग्गलो न आरभति न विप्पटिसारी होति, तञ्च चेतोविमुत्तिं पज्जाविमुत्तिं यथाभूतं नप्पजानाति, यत्थस्स ते पापका अकुसला धम्मा अपरिसेसा निरुज्झन्ति, सो एवमस्स वचनीयो — “आयस्मतो खो आरम्भजा आसवा न

संविज्जन्ति, विष्पटिसारजा आसवा नप्पवड्ढन्ति । साधु वतायस्मा चित्तं पञ्चञ्च भावेतु । एवमायस्मा अमुना पञ्चमेन पुग्गलेन समसमो भविस्सती’ति । इमे चत्तारो पुग्गला अमुना पञ्चमेन पुग्गलेन एवं ओवदियमाना एवं अनुसासियमाना अनुपुब्बेन आसवानं खयं पापुणन्ति ।

१९२. कथञ्च पुग्गलो दत्त्वा अवजानाति? इधेकच्चो पुग्गलो यस्स पुग्गलस्स देति चीवरपिण्डपातसेनासनगिलानपच्चयभेसज्जपरिक्खारं, तस्स एवं होति — “अहं दम्मि, अयं [अयं पन (स्या० क०) अ० नि० ५.१४१] पटिग्गण्हाती’ति, तमेनं दत्त्वा अवजानाति । एवं पुग्गलो दत्त्वा अवजानाति ।

कथञ्च पुग्गलो संवासेन अवजानाति? इधेकच्चो पुग्गलो येन पुग्गलेन सद्धिं संवसति द्वे वा तीणि वा वस्सानि, तमेनं संवासेन अवजानाति । एवं पुग्गलो संवासेन अवजानाति ।

कथञ्च पुग्गलो आधेय्यमुखो होति? इधेकच्चो पुग्गलो परस्स वण्णे वा अवण्णे वा भासियमाने खिप्पञ्जेव अधिमुच्चिता होति । एवं पुग्गलो आधेय्यमुखो होति ।

कथञ्च पुग्गलो लोलो होति? इधेकच्चो पुग्गलो इत्तरसद्धो होति इत्तरभत्ती इत्तरपेमो इत्तरप्पसादो । एवं पुग्गलो लोलो होति ।

कथञ्च पुग्गलो मन्दो मोमूहो होति? इधेकच्चो पुग्गलो कुसलाकुसले धम्मे न जानाति, सावज्जानवज्जे धम्मे न जानाति, हीनप्पणीते धम्मे न जानाति, कण्हसुक्कसप्पटिभागे धम्मे न जानाति । एवं पुग्गलो मन्दो मोमूहो होति ।

१९३. तत्थ कतमे पञ्च योधाजीवूपमा पुग्गला? पञ्च योधाजीवा — इधेकच्चो योधाजीवो रजग्गञ्जेव दिस्वा संसीदति विसीदति न सन्थम्भति [सन्थम्भति (सी०) अ० नि० ५.१४१] न सक्कोति सङ्गामं ओतरितुं । एवरूपोपि इधेकच्चो योधाजीवो होति । अयं पठमो योधाजीवो सन्तो संविज्जमानो लोकस्मिं ।

पुन चपरं इधेकच्चो योधाजीवो सहति रजग्गं, अपि च खो धजग्गञ्जेव दिस्वा संसीदति विसीदति न सन्थम्भति न सक्कोति सङ्गामं ओतरितुं । एवरूपोपि इधेकच्चो योधाजीवो होति । अयं दुतियो योधाजीवो सन्तो संविज्जमानो लोकस्मिं ।

पुन चपरं इधेकच्चो योधाजीवो सहति रजग्गं सहति धजग्गं, अपि च खो उस्सारणञ्जेव [उस्सादनंयेव (सी०), उस्सादनञ्जेव (स्या० क०) अ० नि० ५.१४१] सुत्वा संसीदति विसीदति न सन्थम्भति न सक्कोति सङ्गामं ओतरितुं । एवरूपोपि इधेकच्चो योधाजीवो होति । अयं ततियो योधाजीवो सन्तो संविज्जमानो लोकस्मिं ।

पुन चपरं इधेकच्चो योधाजीवो सहति रजग्गं सहति धजग्गं सहति उस्सारणं, अपि च खो सम्पहारे हज्जति ब्यापज्जति । एवरूपोपि इधेकच्चो योधाजीवो होति । अयं चतुत्थो योधाजीवो सन्तो संविज्जमानो लोकस्मिं ।

पुन चपरं इधेकच्चो योधाजीवो सहति रजग्गं सहति धजग्गं सहति उस्सारणं सहति सम्पहारं । सो तं सङ्गामं अभिविज्जित्वा विजितसङ्गामो तमेव सङ्गामसीसं अज्झावसति । एवरूपोपि इधेकच्चो योधाजीवो होति । अयं पञ्चमो योधाजीवो सन्तो संविज्जमानो लोकस्मिं । इमे पञ्च योधाजीवा सन्तो संविज्जमाना लोकस्मिं ।



१९४. एवमेवं पञ्चिमे योधाजीवूपमा पुगगला सन्तो संविज्जमाना भिक्खूसु । कतमे पञ्च? इधेकच्चो भिक्खु रजग्गज्जेव दिस्वा संसीदति विसीदति न सन्थम्भति न सक्कोति ब्रह्मचरियं सन्धारेतुं [सन्तानेतुं (सी० स्या०) अ० नि० ५.७५], सिक्खादुब्बल्यं आविकत्वा [आवीकत्वा (सी०)] सिक्खं पच्चक्खाय हीनायावत्तति । किमस्स रजग्गस्मिं? इध भिक्खु सुणाति — “असुकस्मिं नाम गामे वा निगमे वा इत्थी वा कुमारी वा अभिरूपा दस्सनीया पासादिका परमाय वण्णपोक्खरताय समन्नागता”ति । सो तं सुत्वा संसीदति विसीदति न सन्थम्भति न सक्कोति ब्रह्मचरियं सन्धारेतुं, सिक्खादुब्बल्यं आविकत्वा सिक्खं पच्चक्खाय हीनायावत्तति । इदमस्स रजग्गस्मिं ।

सेय्यथापि सो योधाजीवो रजग्गज्जेव दिस्वा संसीदति विसीदति न सन्थम्भति न सक्कोति सङ्गमं ओतरितुं, तथूपमो अयं पुगगलो । एवरूपोपि इधेकच्चो पुगगलो होति । अयं पठमो योधाजीवूपमो पुगगलो सन्तो संविज्जमानो भिक्खूसु ।

१९५. पुन चपरं इधेकच्चो भिक्खु सहति रजग्गं, अपि च खो धजग्गज्जेव दिस्वा संसीदति विसीदति न सन्थम्भति न सक्कोति ब्रह्मचरियं सन्धारेतुं, सिक्खादुब्बल्यं आविकत्वा सिक्खं पच्चक्खाय हीनायावत्तति । किमस्स धजग्गस्मिं? इध भिक्खु न हेव खो सुणाति — “असुकस्मिं नाम गामे वा निगमे वा इत्थी वा कुमारी वा अभिरूपा दस्सनीया पासादिका परमाय वण्णपोक्खरताय समन्नागता”ति, अपि च खो सामं [सामंयेव (सी०)] पस्सति इत्थिं वा कुमारिं वा अभिरूपं दस्सनीयं पासादिकं परमाय वण्णपोक्खरताय समन्नागतं । सो तं दिस्वा संसीदति विसीदति न सन्थम्भति न सक्कोति ब्रह्मचरियं सन्धारेतुं, सिक्खादुब्बल्यं आविकत्वा सिक्खं पच्चक्खाय हीनायावत्तति । इदमस्स धजग्गस्मिं ।

सेय्यथापि सो योधाजीवो सहति रजग्गं, अपि च खो धजग्गज्जेव दिस्वा संसीदति विसीदति न सन्थम्भति न सक्कोति सङ्गमं ओतरितुं, तथूपमो अयं पुगगलो । एवरूपोपि इधेकच्चो पुगगलो होति । अयं दुतियो योधाजीवूपमो पुगगलो सन्तो संविज्जमानो भिक्खूसु ।

१९६. पुन चपरं इधेकच्चो भिक्खु सहति रजग्गं सहति धजग्गं, अपि च खो उस्सारणज्जेव सुत्वा संसीदति विसीदति न सन्थम्भति न सक्कोति ब्रह्मचरियं सन्धारेतुं, सिक्खादुब्बल्यं आविकत्वा सिक्खं पच्चक्खाय हीनायावत्तति । किमस्स उस्सारणाय? इध भिक्खुं अरज्जगतं वा रुक्खमूलगतं वा सुज्जागारगतं वा मातुगामो उपसङ्कमित्वा ऊहसति [उहसति (अट्ठकथा) अ० नि० ५.७५] उल्लपति उज्जग्घति उप्पण्डेति । सो मातुगामेन ऊहसियमानो उल्लपियमानो उज्जग्घियमानो उप्पण्डियमानो संसीदति विसीदति न सन्थम्भति न सक्कोति ब्रह्मचरियं सन्धारेतुं, सिक्खादुब्बल्यं आविकत्वा सिक्खं पच्चक्खाय हीनायावत्तति । इदमस्स उस्सारणाय ।

सेय्यथापि सो योधाजीवो सहति रजग्गं सहति धजग्गं, अपि च खो उस्सारणज्जेव सुत्वा संसीदति विसीदति न सन्थम्भति न सक्कोति सङ्गमं ओतरितुं, तथूपमो अयं पुगगलो । एवरूपोपि इधेकच्चो पुगगलो होति । अयं ततियो योधाजीवूपमो पुगगलो सन्तो संविज्जमानो भिक्खूसु ।

१९७. पुन चपरं इधेकच्चो भिक्खु सहति रजग्गं सहति धजग्गं सहति उस्सारणं, अपि च खो सम्पहारे हज्जति ब्यापज्जति । किमस्स सम्पहारस्मिं? इध भिक्खुं अरज्जगतं वा रुक्खमूलगतं वा सुज्जागारगतं वा मातुगामो उपसङ्कमित्वा अभिनीसीदति अभिनिपज्जति अज्झोत्थरति । सो मातुगामेन अभिनीसीदियमानो अभिनिपज्जियमानो अज्झोत्थरियमानो सिक्खं अप्पच्चक्खाय दुब्बल्यं अनाविकत्वा मेथुनं धम्मं पटिसेवति । इदमस्स सम्पहारस्मिं ।



सेय्यथापि सो योधाजीवो सहति रजगं सहति धजगं सहति उस्सारणं, अपि च खो सम्पहारे हज्जति ब्यापज्जति, तथूपमो अयं पुग्गलो । एवरूपोपि इधेकच्चो पुग्गलो होति । अयं चतुत्थो योधाजीवूपमो पुग्गलो सन्तो संविज्जमानो भिक्खूसु ।

१९८. पुन चपरं इधेकच्चो भिक्खु सहति रजगं सहति धजगं सहति उस्सारणं सहति सम्पहारं । सो तं सङ्गमं अभिविजिनित्वा विजितसङ्गामो तमेव सङ्गामसीसं अज्झावसति । किमस्स सङ्गामविजयस्मिं? इध भिक्खुं अरज्जगतं वा रुक्खमूलगतं वा सुज्जागारगतं वा मातुगामो उपसङ्कमित्वा अभिनिसीदति अभिनिपज्जति अज्झोत्थरति । सो मातुगामेन अभिनिसीदियमानो अभिनिपज्जियमानो अज्झोत्थरियमानो विनिवेठेत्वा विनिमोचेत्वा येन कामं पक्कमति ।

सो विवित्तं सेनासनं भजति अरज्जं रुक्खमूलं पब्बतं कन्दरं गिरिगुहं सुसानं वनपत्थं अब्भोकासं पलालपुज्जं । सो अरज्जगतो वा रुक्खमूलगतो वा सुज्जागारगतो वा निसीदति पल्लङ्कं आभुजित्वा उजुं कायं पणिधाय परिमुखं सति उपट्टपेत्वा । सो अभिज्झं लोके पहाय विगताभिज्झेन चेतसा विहरति, अभिज्झाय चित्तं परिसोधेति; ब्यापादपदोसं पहाय अब्यापन्नचित्तो विहरति, सब्बपाणभूतहितानुकम्पी ब्यापादपदोसा चित्तं परिसोधेति; थिनमिद्धं पहाय विगतथिनमिद्धो विहरति आलोकसज्जी सतो सम्पजानो, थिनमिद्धा चित्तं परिसोधेति; उद्धच्चकुक्कुच्चं पहाय अनुद्धतो विहरति अज्झत्तं वूपसन्तचित्तो, उद्धच्चकुक्कुच्चा चित्तं परिसोधेति; विचिकिच्छं पहाय तिण्णविचिकिच्छो विहरति अकथंकथी कुसलेसु धम्मेषु, विचिकिच्छाय चित्तं परिसोधेति ।

सो इमे पज्च नीवरणे पहाय चेतसो उपक्विकलेसे पज्जाय दुब्बलीकरणे विविच्चेव कामेहि विविच्च अकुसलेहि धम्मेषु सवितक्कं सविचारं विवेकजं पीतिसुखं पठमं ज्ञानं उपसम्पज्ज विहरति; वितक्कविचारानं वूपसमा दितियं ज्ञानं... पे०... ततियं ज्ञानं... पे०... चतुत्थं ज्ञानं उपसम्पज्ज विहरति ।

सो एवं समाहिते चित्ते परिसुद्धे परियोदाते अनङ्गणे विगतूपक्विकलेसे मुदुभूते कम्मनिये ठिते आनेज्जप्पत्ते आसवानं खयजाणाय चित्तं अभिनिन्नामेति । सो “इदं दुक्खं”न्ति यथाभूतं पजानाति, “अयं दुक्खसमुदयो”ति यथाभूतं पजानाति, “अयं दुक्खनिरोधो”ति यथाभूतं पजानाति, “अयं दुक्खनिरोधगामिनी पटिपदा”ति यथाभूतं पजानाति, “इमे आसवा”ति यथाभूतं पजानाति, “अयं आसवसमुदयो”ति यथाभूतं पजानाति, “अयं आसवनिरोधो”ति यथाभूतं पजानाति, “अयं आसवनिरोधगामिनी पटिपदा”ति यथाभूतं पजानाति ।

तस्स एवं जानतो एवं पस्सतो कामासवापि चित्तं विमुच्चति, भवासवापि चित्तं विमुच्चति, अविज्जासवापि चित्तं विमुच्चति । विमुत्तस्मिं विमुत्तमिति जाणं होति । “खीणा जाति, वुसितं ब्रह्मचरियं, कतं करणीयं, नापरं इत्थत्ताया”ति पजानाति । इदमस्स सङ्गामविजयस्मिं । सेय्यथापि सो योधाजीवो सहति रजगं सहति धजगं सहति उस्सारणं सहति सम्पहारं, सो तं सङ्गमं अभिविजिनित्वा विजितसङ्गामो तमेव सङ्गामसीसं अज्झावसति, तथूपमो अयं पुग्गलो । एवरूपोपि इधेकच्चो पुग्गलो होति । अयं पज्चमो योधाजीवूपमो पुग्गलो सन्तो संविज्जमानो भिक्खूसु । इमे पज्च योधाजीवूपमा पुग्गला सन्तो संविज्जमाना भिक्खूसु ।

१९९. तत्थ कतमे पज्च पिण्डपातिका? मन्दत्ता मोमूहत्ता पिण्डपातिको होति, पापिच्छो इच्छापकतो पिण्डपातिको होति, उम्मादा चित्तविक्रवेपा पिण्डपातिको होति, “वणिण्तं बुद्धेहि बुद्धसावकेही”ति पिण्डपातिको होति, अपि च अपिच्छतयेव [अपिच्छयेव (स्या०) अ० नि० ५.१८१] निस्साय सन्तुट्ठियेव निस्साय सल्लेखयेव निस्साय इदमत्थितयेव

[इदमट्ठितंयेव (सी०)] निस्साय पिण्डपातिको होति । तत्र ख्यायं पिण्डपातिको अपिच्छतंयेव निस्साय सन्तुट्ठियेव निस्साय सल्लेखंयेव निस्साय इदमत्थितंयेव निस्साय पिण्डपातिको, अयं इमेसं पञ्चन्नं पिण्डपातिकानं अगो च सेट्ठो च पामोक्खो [मोक्खो (सी०)] च उत्तमो च पवरो च ।

सेय्यथापि नाम गवा खीरं, खीरम्हा दधि, दधिम्हा नवनीतं [नोनीतं (सी०)], नवनीतम्हा सप्पि, सप्पिम्हा सप्पिमण्डो, सप्पिमण्डं तत्थ अगमक्खायति; एवमेवं ख्यायं पिण्डपातिको अपिच्छतंयेव निस्साय सन्तुट्ठियेव निस्साय सल्लेखंयेव निस्साय इदमत्थितंयेव निस्साय पिण्डपातिको होति, अयं इमेसं पञ्चन्नं पिण्डपातिकानं अगो च सेट्ठो च पामोक्खो च उत्तमो च पवरो च । इमे पञ्च पिण्डपातिका ।

२००. तत्थ कतमे पञ्च खलुपच्छाभत्तिका...पे०... पञ्च एकासनिका...पे०... पञ्च पंसुकूलिका...पे०... पञ्च तेचीवरिका...पे०... पञ्च आरज्जिका...पे०... पञ्च रुक्खमूलिका ...पे०... पञ्च अब्भोकासिका...पे०... पञ्च नेसज्जिका...पे०... पञ्च यथासन्थतिका...पे०... ।

२०१. तत्थ कतमे पञ्च सोसानिका? मन्दत्ता मोमूहत्ता सोसानिको होति, पापिच्छो इच्छापकतो सोसानिको होति, उम्मादा चित्तविक्रपा सोसानिको होति, “वणिगतं बुद्धेहि बुद्धसावकेही”ति सोसानिको होति, अपि च अपिच्छतंयेव निस्साय सन्तुट्ठियेव निस्साय सल्लेखंयेव निस्साय इदमत्थितंयेव निस्साय सोसानिको होति । तत्र ख्यायं सोसानिको अपिच्छतंयेव निस्साय सन्तुट्ठियेव निस्साय सल्लेखंयेव निस्साय इदमत्थितंयेव निस्साय सोसानिको, अयं इमेसं पञ्चन्नं सोसानिकानं अगो च सेट्ठो च पामोक्खो च उत्तमो च पवरो च ।

सेय्यथापि नाम गवा खीरं, खीरम्हा दधि, दधिम्हा नवनीतं, नवनीतम्हा सप्पि, सप्पिम्हा सप्पिमण्डो, सप्पिमण्डं तत्थ अगमक्खायति; एवमेवं ख्यायं सोसानिको अपिच्छतंयेव निस्साय सन्तुट्ठियेव निस्साय सल्लेखंयेव निस्साय इदमत्थितंयेव निस्साय सोसानिको होति, अयं इमेसं पञ्चन्नं सोसानिकानं अगो च सेट्ठो च पामोक्खो च उत्तमो च पवरो च । इमे पञ्च सोसानिका ।

पञ्चकनिद्देशो ।

## ६. छक्कपुग्गलपञ्जति

२०२. तत्र ख्यायं पुग्गलो पुब्बे अननुस्सुतेसु धम्मेषु सामं सच्चानि अभिसम्बुज्झति, तत्थ च सब्बज्जुतं पापुणाति बलेसु च वसीभावं, सम्मासम्बुद्धो तेन दट्ठब्बो ।

तत्र ख्यायं पुग्गलो पुब्बे अननुस्सुतेसु धम्मेषु सामं सच्चानि अभिसम्बुज्झति, न च तत्थ सब्बज्जुतं पापुणाति न च बलेसु वसीभावं, पच्चेकसम्बुद्धो तेन दट्ठब्बो ।

तत्र ख्यायं पुग्गलो पुब्बे अननुस्सुतेसु धम्मेषु सामं सच्चानि अनभिसम्बुज्झति, दिट्ठेव धम्मे दुक्खस्सन्तकरो होति [दुक्खस्सन्तं करोति (सी०) एवमुपरिपि], सावकपारमिञ्च पापुणाति, सारिपुत्तमोग्गल्लाना तेन दट्ठब्बा ।

तत्र ख्यायं पुग्गलो पुब्बे अननुस्सुतेसु धम्मेषु सामं सच्चानि अनभिसम्बुज्झति, दिट्ठेव धम्मे दुक्खस्सन्तकरो होति, न

च सावकपारमिं पापुणाति, अवसेसा अरहन्ता तेन दट्ठब्बा ।

तत्र ख्यायं पुग्गलो पुब्बे अननुस्सुतेसु धम्मेषु सामं सच्चानि अनभिसम्बुज्झति, न च दिट्ठेव धम्मे दुक्खस्सन्तकरो होति, अनागामी होति अनागन्ता इत्थत्तं, अनागामी तेन दट्ठब्बो ।

तत्र ख्यायं पुग्गलो पुब्बे अननुस्सुतेसु धम्मेषु सामं सच्चानि अनभिसम्बुज्झति, न च दिट्ठेव धम्मे दुक्खस्सन्तकरो होति, आगन्ता इत्थत्तं, सोतापन्नसकदागामिनो तेन दट्ठब्बा ।

छक्कनिद्देसो ।

## ७. सत्तकपुग्गलपज्जति

२०३. कथञ्च पुग्गलो सकिं निमुग्गो निमुग्गोव होति? इधेकच्चो पुग्गलो समन्नागतो होति एकन्तकाळकेहि अकुसलेहि धम्मेषु । एवं पुग्गलो सकिं निमुग्गो निमुग्गोव होति ।

कथञ्च पुग्गलो उम्मुज्जित्वा निमुज्जति? इधेकच्चो पुग्गलो उम्मुज्जति “साहु सद्धा कुसलेसु धम्मेषु, साधु [साहु (सी० स्या०) एवं तीसु ठानेसुपि] हिरी कुसलेसु धम्मेषु, साधु ओत्तपं कुसलेसु धम्मेषु, साधु वीरियं [विरियं (सी० स्या०)] कुसलेसु धम्मेषु, साधु पज्जा कुसलेसु धम्मेषू”ति । तस्स सा सद्धा नेव तिड्ढति नो वड्ढति हायतियेव, तस्स सा हिरी नेव तिड्ढति नो वड्ढति हायतियेव, तस्स तं ओत्तपं नेव तिड्ढति नो वड्ढति हायतियेव, तस्स तं वीरियं नेव तिड्ढति नो वड्ढति हायतियेव, तस्स सा पज्जा नेव तिड्ढति नो वड्ढति हायतियेव । एवं पुग्गलो उम्मुज्जित्वा निमुज्जति ।

कथञ्च पुग्गलो उम्मुज्जित्वा ठितो होति? इधेकच्चो पुग्गलो उम्मुज्जति “साहु सद्धा कुसलेसु धम्मेषु, साधु हिरी कुसलेसु धम्मेषु, साधु ओत्तपं कुसलेसु धम्मेषु, साधु वीरियं कुसलेसु धम्मेषु, साधु पज्जा कुसलेसु धम्मेषू”ति । तस्स सा सद्धा नेव हायति नो वड्ढति ठिता होति, तस्स सा हिरी नेव हायति नो वड्ढति ठिता होति, तस्स तं ओत्तपं नेव हायति नो वड्ढति ठितं होति, तस्स तं वीरियं नेव हायति नो वड्ढति ठितं होति, तस्स सा पज्जा नेव हायति नो वड्ढति ठिता होति । एवं पुग्गलो उम्मुज्जित्वा ठितो होति ।

कथञ्च पुग्गलो उम्मुज्जित्वा विपस्सति विलोकेति? इधेकच्चो पुग्गलो उम्मुज्जति “साहु सद्धा कुसलेसु धम्मेषु, साधु हिरी कुसलेसु धम्मेषु, साधु ओत्तपं कुसलेसु धम्मेषु, साधु वीरियं कुसलेसु धम्मेषु, साधु पज्जा कुसलेसु धम्मेषू”ति । सो तिण्णं संयोजनानं परिक्खया सोतापन्नो होति अविनिपातधम्मो नियतो सम्बोधिपरायनो । एवं पुग्गलो उम्मुज्जित्वा विपस्सति विलोकेति ।

कथञ्च पुग्गलो उम्मुज्जित्वा पतरति? इधेकच्चो पुग्गलो उम्मुज्जति “साहु सद्धा कुसलेसु धम्मेषु, साधु हिरी कुसलेसु धम्मेषु, साधु ओत्तपं कुसलेसु धम्मेषु, साधु वीरियं कुसलेसु धम्मेषु, साधु पज्जा कुसलेसु धम्मेषू”ति । सो तिण्णं संयोजनानं परिक्खया रागदोसमोहानं तनुत्ता सकदागामी होति सकिदेव इमं लोकं आगन्त्वा दुक्खस्सन्तकरो होति । एवं पुग्गलो उम्मुज्जित्वा पतरति ।

कथञ्च पुग्गलो उम्मुज्जित्वा पतिगाधप्पत्तो होति? इधेकच्चो पुग्गलो उम्मुज्जति “साहु सद्धा कुसलेसु धम्मेषु, साधु

हिरी कुसलेसु धम्मेसु, साधु ओत्तपं कुसलेसु धम्मेसु, साधु वीरियं कुसलेसु धम्मेसु, साधु पज्जा कुसलेसु धम्मेसू'ति । सो पच्चन्नं ओरम्भागियानं संयोजनानं परिक्खया ओपपातिको होति तत्थ परिनिब्बायी अनावत्तिधम्मो तस्मा लोका । एवं पुग्गलो उम्मुज्जित्वा पतिगाधप्पत्तो होति ।

कथञ्च पुग्गलो उम्मुज्जित्वा तिण्णो होति पारङ्गतो थले तिट्ठति ब्राह्मणो? इधेकच्चो पुग्गलो उम्मुज्जति “साहु सद्धा कुसलेसु धम्मेसु, साधु हिरी कुसलेसु धम्मेसु, साधु ओत्तपं कुसलेसु धम्मेसु, साधु वीरियं कुसलेसु धम्मेसु, साधु पज्जा कुसलेसु धम्मेसू'ति । सो आसवानं खया अनासवं चेतोविमुत्तिं पज्जाविमुत्तिं दिट्ठेव धम्मे सयं अभिज्जा सच्छिकत्वा उपसम्पज्ज विहरति । एवं पुग्गलो उम्मुज्जित्वा तिण्णो होति पारङ्गतो थले तिट्ठति ब्राह्मणो ।

२०४. कतमो च पुग्गलो उभतोभागविमुत्तो? इधेकच्चो पुग्गलो अट्ठ विमोक्खे कायेन फुसित्वा विहरति पज्जाय चस्स दिस्वा आसवा परिक्खीणा होन्ति । अयं वुच्चति पुग्गलो उभतोभागविमुत्तो ।

२०५. कतमो च पुग्गलो पज्जाविमुत्तो... पे०... कायसक्खी... दिट्ठिप्पत्तो... सद्धाविमुत्तो... धम्मानुसारी ... ।

२०६. कतमो च पुग्गलो सद्धानुसारी? यस्स पुग्गलस्स सोतापत्तिफलसच्छिकिरियाय पटिपन्नस्स सद्धिन्द्रियं अधिमत्तं होति, सद्धावाहिं सद्धापुब्बङ्गमं अरियमग्गं भावेति । अयं वुच्चति पुग्गलो सद्धानुसारी । सोतापत्तिफलसच्छिकिरियाय पटिपन्नो पुग्गलो सद्धानुसारी, फले ठितो सद्धाविमुत्तोति ।

सत्तकनिद्देसो ।

#### ८. अट्ठकपुग्गलपज्जति

२०७. तत्थ कतमे चत्तारो मग्गसमङ्गिनो, चत्तारो फलसमङ्गिनो पुग्गला? सोतापन्नो, सोतापत्तिफलसच्छिकिरियाय पटिपन्नो; सकदागामी, सकदागामिफलसच्छिकिरियाय पटिपन्नो; अनागामी, अनागामिफलसच्छिकिरियाय पटिपन्नो; अरहा, अरहत्तफलसच्छिकिरियाय [अरहत्ताय (स्या० क०) अ० नि० ८.५९] पटिपन्नो; इमे चत्तारो मग्गसमङ्गिनो, इमे चत्तारो फलसमङ्गिनो पुग्गला ।

अट्ठकनिद्देसो ।

#### ९. नवकपुग्गलपज्जति

२०८. कतमो च पुग्गलो सम्मासम्बुद्धो? इधेकच्चो पुग्गलो पुब्बे अननुस्सुतेसु धम्मेसु सामं सच्चानि अभिसम्बुज्झति, तत्थ च सब्बज्जुतं पापुणाति बलेसु च वसीभावं । अयं वुच्चति पुग्गलो सम्मासम्बुद्धो ।

कतमो च पुग्गलो पच्चेकसम्बुद्धो? इधेकच्चो पुग्गलो पुब्बे अननुस्सुतेसु धम्मेसु सामं सच्चानि अभिसम्बुज्झति, न च तत्थ सब्बज्जुतं पापुणाति न च बलेसु वसीभावं । अयं वुच्चति पुग्गलो पच्चेकसम्बुद्धो ।

कतमो च पुग्गलो उभतोभागविमुत्तो? इधेकच्चो पुग्गलो अट्ठ विमोक्खे कायेन फुसित्वा विहरति पज्जाय चस्स दिस्वा आसवा परिक्खीणा होन्ति । अयं वुच्चति पुग्गलो उभतोभागविमुत्तो ।

कतमो च पुग्गलो पज्जाविमुत्तो? इधेकच्चो पुग्गलो न हेव खो अट्ठ विमोक्खे कायेन फुसित्वा विहरति पज्जाय चस्स दिस्वा आसवा परिकखीणा होन्ति । अयं वुच्चति पुग्गलो पज्जाविमुत्तो ।

कतमो च पुग्गलो कायसक्खी? इधेकच्चो पुग्गलो अट्ठ विमोक्खे कायेन फुसित्वा विहरति पज्जाय चस्स दिस्वा एकच्चे आसवा परिकखीणा होन्ति । अयं वुच्चति पुग्गलो कायसक्खी ।

कतमो च पुग्गलो दिट्ठिप्पत्तो? इधेकच्चो पुग्गलो “इदं दुक्ख”न्ति यथाभूतं पजानाति...पे०... “अयं दुक्खनिरोधगामिनी पटिपदा”ति यथाभूतं पजानाति, तथागतप्पवेदिता चस्स धम्मा पज्जाय वोदिट्ठा होन्ति वोचरिता, पज्जाय चस्स दिस्वा एकच्चे आसवा परिकखीणा होन्ति । अयं वुच्चति पुग्गलो दिट्ठिप्पत्तो ।

कतमो च पुग्गलो सद्भाविमुत्तो? इधेकच्चो पुग्गलो “इदं दुक्ख”न्ति यथाभूतं पजानाति...पे०... “अयं दुक्खनिरोधगामिनी पटिपदा”ति यथाभूतं पजानाति, तथागतप्पवेदिता चस्स धम्मा पज्जाय वोदिट्ठा होन्ति वोचरिता, पज्जाय चस्स दिस्वा एकच्चे आसवा परिकखीणा होन्ति, नो च खो यथा दिट्ठिप्पत्तस्स । अयं वुच्चति पुग्गलो सद्भाविमुत्तो ।

कतमो च पुग्गलो धम्मानुसारी? यस्स पुग्गलस्स सोतापत्तिफलसच्छिकिरियाय पटिपन्नस्स पज्जिन्द्रियं अधिमत्तं होति, पज्जावाहिं पज्जापुब्बङ्गमं अरियमगं भावेति । अयं वुच्चति पुग्गलो धम्मानुसारी । सोतापत्तिफलसच्छिकिरियाय पटिपन्नो पुग्गलो धम्मानुसारी, फले ठितो दिट्ठिप्पत्तो ।

कतमो च पुग्गलो सद्धानुसारी? यस्स पुग्गलस्स सोतापत्तिफलसच्छिकिरियाय पटिपन्नस्स सद्भिन्द्रियं अधिमत्तं होति, सद्भावाहिं सद्भापुब्बङ्गमं अरियमगं भावेति । अयं वुच्चति पुग्गलो सद्धानुसारी । सोतापत्तिफलसच्छिकिरियाय पटिपन्नो पुग्गलो सद्धानुसारी, फले ठितो सद्भाविमुत्तोति ।

नवकनिद्देशो ।

## १०. दसकपुग्गलपज्जत्ति

२०९. कतमेसं पज्चन्नं इध निट्ठा? सत्तक्खत्तुपरमस्स कोलङ्कोलस्स एकबीजिस्स सकदागामिस्स यो च दिट्ठेव धम्मो अरहा — इमेसं पज्चन्नं इध निट्ठा ।

कतमेसं पज्चन्नं इध विहाय निट्ठा? अन्तरापरिनिब्बायिस्स उपहच्चपरिनिब्बायिस्स असङ्खारपरिनिब्बायिस्स ससङ्खारपरिनिब्बायिस्स उद्धंसोतस्स अकनिट्ठगामिनो — इमेसं पज्चन्नं इध विहाय निट्ठाति ।

एत्तावता पुग्गलानं पुग्गलपज्जत्तीति ।

दसकनिद्देशो ।

पुग्गलपज्जत्तिपकरणं निट्ठितं ।